

حبیب  
والابدي



نورا ياسين

رواية

من إنتاج



## إهداء

إلي من كانت تقرأ هذه الرواية و لم تكملها  
و كان من احلامها ان يحتوي هذه الرواية كتاب  
إلي من كانت تقرأ لي و تشجيني علي الكتابة  
إلي **خالتي** ( رحمه الله عليها )

إلي **ابي**  
كنت خير مربى و معلم لي و كنت اول من قرأت  
فكرة هذه الرواية و اخترت لي اسمها  
حبيب إلي الابد

إلي **امي**  
كنتى تتناقشى معى دائماً فى افكار هذه الرواية  
و كنتى متحمسة لها جدا  
إلي كل من الهمنى و شجعتنى علي الكتابة  
جزاكم الله عنى كل خير

نورا يس

## المقدمة

لن أتحدث كثيراً في هذه المقدمة لاني في كل كتاب كنت اقرأه اكون منتهفة للمحتوي اكثر و لكن اريد فقط ان اعلل استخدامي للغة العامية في هذه الرواية

ما دفعني لكتابة هذه الرواية هم شباب الفيس بوك و ما وجدته من انتشار كبير للحب الحرام او بلغة شباب الفيس بوك الارتباط و كثرة المنشورات عنه و كأنه اصبح شئ طبيعي و الغريب ان يكون الشاب غير مرتبط وان الكثير من المفاهيم الدينية اصبحت غريبة في هذه الايام و ان الشخص الملتزم هو شخص معقد لا يعيش حياته مثل الاخرين و لذلك فضلت كتابة هذه الرواية بالغة العامية

ارجو الله ان ينفع بها قارئها و ان اكون وفقت في تقديمها في صورة جيدة

"أن أصبت فمن الله وأن أخطأت فمن نفسي والشيطان "

## الفصل الاول

هاي ازيكوا خلييني اعرفكوا بنفسي انا بنت بس مش زي اي بنت انا بنت فريد باشا  
النجار  
طبعا هتسألوا نفسكوا دلوقتي مين فريد باشا النجار دا  
فريد باشا النجار هو من اكبر رجال الاعمال مش بس في مصر دا في العالم كله  
انا بقي ليندا بنته مفيش حد ميعرفنيش طبعا انا معروفة جدا بابي و مامي من كبارات  
البلد  
سوري لو كان كلامي هيبقي فيه شوية غلطات شوية اصلي علي طول برة مصر  
فسح مع صحابي في باريس و لندن و امريكا كل صيف بنروح بلد و نهيص بقي  
ميزو هو اخويا اكبر مني بس صاحبي موت يعني علي طول خروج مع بعض و  
صحابه الولاد صحابي جدا و صحابي البنات صحابه  
ماما بيزنس ومن برضو بس هي اصلا اصلها فرنسية عشان كدا انا موزة و زي  
القمر شبه الاجانب

شيكو : الو ايه يا لي لي فينك يا بيبي

ليندا : انا في البيت

شيكو : معقول ايه اللي مقعدك في البيت انا روحنا النادي ملقتكيش قلقت موت عليكي

ليندا : لا اصل زهقت من النادي فا قولت ارتاح بقي عشان رايحة بليل حفلة تحفة كدا  
مع ماي فريندز  
شيكو : من غيري يا وحشة اخس عليكي

ليندا : خلاص يا كوكو مش تزعل تعالي اعدي عليك و لا تعدي عليا

شيكو : لا عدي انتي عليا و اعلمي حسابك هتعميني انا علي الجنط

ليندا : بيس انت عارف ان الحاجات دي مبتقرقش المهم نبقي مبسوطين انا هكلم بقيت  
الشلة و عشان خاطر ك هعزمهم كلهم النهاردة

شيكو : ايووووووة بقي خلىنا نهيص

ليندا : ميزووووووو

ميزو : ايه يا ليندا خضتيني في ايه يا حبي

ليندا : رايعين حفلة النهاردة و هعدي علي شيكو و بقيت الشلة هتيجي معانا

ميزو : لا خارج مع صاحبتى

ليندا : طيب ما تجيبها معاك يا غلس انت

ميزو : لا يا حبيبتي اخرجى انتى و اتبسطنى اصل انا عايز اروح مكان هادي

ليندا : ماشى بس خلى بالك يا ميزو متشربش كثير عشان انا بخاف عليك

ميزو : متخافيش هشرب علي خفيف انا اصلا مليش مزاج اوي

ليندا : ماشى حبيبي يلا انا هروح اجهز بقي عشان البارتي

ميزو : اوك

مامي : ايه القمر دا very Beautiful

ليندا : اها ما انا عارفة

مامي : هتروحي فين النهاردة

ليندا : حفلة كدا مع صحابي

مامي : شيكو هيكون معاكى

ليندا : اها ليه ؟

مامي : انتي عارفة انا مش بظمن عليكي غير و انتي معاه

ليندا : صحابي كلهم كدا انتي بس عشان بتحبي شيكو

مامي : طيب يلا بقي روحي عشان متتأخريش علي صحابك و انا كمان هنزل مع صحابي و عندي شغل فا ممكن ابات بره النهاردة

ليندا : اوك انا اصلا هرجع متأخر اكيد الحفلة مش هتخلص قبل الساعة 2 او 3 الفجر  
مامي : خدي راحتك حبيبيتي اهم حاجة تبسطي

ليندا : ثانكس يا مامي يا قمر

عديت علي شيكو و بقيت الشلة جم الحفلة و قابلناهم هناك و انا جوت تحفة و دي جي جامد موت ايوة كدا الواحد يحس انه عايش فعلا انا بحب جو الحفلات دا اوي بنسي كل حاجة شغلاني و بالذات لما يكون معايا صحابي

مارو : ايه يا لي لي مالك مش في المود ليه النهاردة يلا تعالي كلنا عند البار هناك

ليندا : مليش مزاج اشرب النهاردة خليني هنا انا و شيكو و روحوا انتو

شيكو : ايه يا بيبي مش قولتي عزماني انا عايز اشرب مليش دعوة

ليندا : خلاص قشطة هاجي معاكوا بس عشان خاطر كوا

و بعد 3 ساعات

ميزو : ايه يا لي لي بقالي 10 مرات برن عليكي كل دا مش بتردي عليا ليه  
ليندا : معلش يا حبيبي كنت في الحفلة مسمعتش

ميزو : طب تعالي بسرعة دلوقتي قسم الزمالك و كلمي بابا يجيب المحامي

لیندا : قسم الزمالك لیبیبیبیبیبیه حصل ایه ؟؟؟؟؟؟؟؟؟؟؟

\*\*\*\*\*



## الفصل الثانی

میزو فی القسم ازی دا عمرها ما حصلت یا تری حصل ایه انا لازم اکلم دادي حالا  
يجيب اكبر محامين و يجي علي القسم

لیندا : الو ایوة یا دادي میزو فی القسم

بابا : میزو فی القسم لیه ؟؟؟

لیندا : معرفش یا دادي تعالی بسرعة انا خایفة موت علي میزو

بابا : لا انا مش فاضي و بعدیین و ضعی الاجتماعی لا یسمح انی ادخول اقسام

لیندا : دا ابنك

بابا : ماشی انا قولت هبعلكوا محامي كبير

لیندا : اوک باي

و فی القسم

لیندا : میزوووووووو حبیبي حصل ایه

میزو : فین بابا و المحامي ؟

لیندا : حالا هیكون فی محامي یا حبیبي طمني هو حصل ایه عشان تیجي القسم

میزو : كنت سابق و انا شارب و كان فی لجنه و مسكونی

لیندا : انا مش قولتلك متشربش كثير

الظابط : یلا علي التخشیبة یا خویا لحد ما یظهرلك صاحب

ليندا : انت ازي تكلمه كدا انت مش عارف احنا ولاد مين

الظابط : هتكونوا ولاد مين يا حتي لو انتو ولاد رئيس الجمهورية  
اخوكي و لا صاحبك دا غلط و لازم ياخذ عقابه

ليندا : طب بليز خد اي فلوس انت عايزها و سيبيه  
الظابط : فلوس ايه ؟؟؟؟؟؟ انتي كمان عايزة ترشيني انا هعملك محضر

ميزو : لا لا ارجوك معلش اصل هي مكنتش عايشة في مصر و متعرفش القوانين هنا  
و هناك دا عادي

الظابط : ايه هناك بلد ايه اللي بتقبل الرشاوي عادي انت عبيط يلا و لا شايفني انا اللي  
عبيط امشي قدامي احسن ليك و ليها

ليندا : اهو خلاص المحامي وصل

المحامي : خير في ايه

ليندا : الظابط دا عمال يعاملنا باسلوب قاسي جدا

الظابط : اه انا قاسي و كل الظباط اللي هنا قاسين اوي اوي

المحامي : طب ممكن اعرف انتو ماسكين ميزو ليه

الظابط : و انت يا حيلتها اسمك في البطاقة ميزو برضو

ميزو : لا اسمي محمد بس الكل بيقولني يا ميزو

المحامي : لو سمحت اتكلم معايا انا دول ولاد فريد باشا النجار يعني انا و انت ممكن  
نروح في ستين داهية لو حصلهم حاجة و لا الموضوع اثر عليهم نفسيا

الظابط : انا مبخافش غير من اللي خالقني

المحامي : انتو ماسكينوا عشان كان سايق و هو شارب خلاص هدفعلكوا الكفالة اللي  
عايزنها و مشوه دا الصبح و السليم اظن ملكش كلام بعد كدا

و بعد ما خرجوا من القسم

ليندا : اووووووه النهاردة يوم صعب اوي انا تعبت جامد ظابط غلس موت

ميزو : انا داخل انام

تاني يوم

ليندا : ايه يا ميزو قوم الساعة بقت 6 المغرب

ميزو : اهو قومت عايزة ايه

ليندا : ميزو الصراحة كدا انا عايزة نبطل شرب انا و انت مش عشان حاجة بس  
صحتنا و كمان مينفعش ولاد فريد باشا كل شوية يرجعوا بيتهم سكرانين المرة دي  
خرجنا من القسم المرة الجاية محدش عارف ممكن يحصل ايه

ميزو : بس انتي عارفة اني بقالي 4 سنين بشرب كل يوم مش هقدر عايزة تبطلتي انتي  
بطلتي

ليندا : هبقي زعلانة منك يا ميزو لو شربت تاني

ميزو : الموضوع صعب اوي يا لي لي انتي عارفة انا بحبك قد ايه بس صدقيني مش  
هقدر

ليندا : طب بطل بالتدريج

ميزو : هحاول

ليندا : انا رايحة النادي مع شيكو هتيجي معانا

ميزو : اوك هكلم روني و اجيبها و نيحي روي انتي دلوقتي مع شيكو

و في النادي

ليندا : تعرف يا شيكو رغم اني عندي كل حاجة و مفيش حاجة بطلبها إلا و بتبقي موجودة بس دايمًا حاسة ان في حاجة نقصاني

شيكو : ايه بقي هي الحاجة اللي نقصاكي

ليندا : مش عارفة حاسة ان مش عايزة تكون دي حياتي انا حاسة باكتئاب

شيكو : انتي بتستعبطي و الله يا لي لي اي حد في مكانك المفروض يبقي فرحان جدا بحياته دي عندك فلوس كتير بتسافري كل صيف اي مكان عايزاه و بتخرجي كل يوم عايزة ايه اكثر من كدا

ليندا : انت مبقتش تفهمني

شيكو : طب فهميني انتي

ليندا : مش عارفة يمكن نفسي احب

شيكو : طب ما تحبي انتي الف مين يتمناكي انتي عارفة انا لولا ان الحالة مكحرتة معايا كنت ارتبطت بيكي

ليندا : شيكو بطل هبل احنا جاست فريند

شيكو : عارف يا حبيبتي انا نفسي بس تكوني مبسوفة و مش حاسة باي حاجة نقصاكي

ليندا : خلاص انا مش عايزة اكلم قوم هاتلنا أكل

لما شيكو قام لقيت بنت مشتركة معنا في النادي جاية تكلمني

البنت : السلام عليكم

ليندا : هاي انتي مين

البنت : انا اسيل و عندي 24 سنة اعتقد احنا من سن بعض صح

ليندا : اه هو في حاجة انتي عايزة ايه؟؟

البنت : مش عايزة حاجة انا بس جاية اعزمك علي درس في مسجد النادي لو تحبي  
تحضري هيعجبك اوي

ليندا : ثانكس مليش في الكلام دا  
البنت : عموما دا رقمي لو عوزتي تحضري اي دروس او عايزة اي حاجة كلميني

ليندا : اوك باي

روحت بليل و انا عمالة افكر في موقف البنت دي و هي تعرفني منين و لا بتعمل كدا  
ليه اكيد ليها مصلحة و عرفت اني بنت فريد باشا النجار و عايزة تتصاحب عليا ما انا  
اصلا كل صحابي مصلحة حتي شيكو  
بس يا تري عرفنتي منين و عايزة مني ايه عشان تيجي تكلمني و تديني رقمها اكيد  
وراها سر كبير .....

\*\*\*\*\*

## الفصل الثالث

طول الليل عمالة افكر ياتري البننت دي عايزة مني ايه انا حتي مش الاستايل بتاعها  
عشان تبقي عايزة تصاحبني و بعديين شكلها معقدة اوي

ليندا : ميزو في حاجة غريبة حصلت النهاردة

ميزو : ايه يا روي

ليندا : كنت في النادي و في بنت لابسة عباية و طرحتها طويلة اوي و جت بتقولي احنا  
تقريبا من سن بعض و عايزاني احضر معاهم درس في مسجد النادي و سابنتي رقمها

ميزو : اوعي يا لي لي تسمعي كلام البننت دي و لا تكلميه ابداء و لا يكون ليكي اي  
علاقة بيها و لا بحد زيها اوعي يا لي لي

ليندا : ليه يا ميزو

ميزو : دول اراهيين و بيعملوا كدا عشان ياخدوكي الدرس و هناك بيعملوك غسيل مخ  
شامل لدرجة هيخلوكي منعزلة عن الناس كلها و مش هتسمعي كلام حد غير كلامهم

ليندا : ايه دا بجد

ميزو : ايوة يا بنتي انا عندي واحد صاحبي واحد جه و عمل معاه كدا و دلوقتي مربى  
دقنه و مش بيكلم معانا خالص و بقي معقد جدا و حتي مبيكلمش بنات و لا يسلم عليهم  
بالايد

ليندا : ياه للدرجة ياتري بيعملوا ايه عشان يخلوهم كدا  
ميزو : بقولك ايه يا ليندا انا عارف انك فضولية و بتحبي تعرفي كل حاجة بس كله إلا  
السكة دي السكة دي اللي بيدخل فيها مبيرجيش ابداء زي ما كان و لو عرفت انك كلمتي  
البننت و لا توصلتي معاها باي طريقة هزعل منك جامد و مش هكلمك تاني انتي  
عارفة انا بخاف عليك اكر من نفسي

ليندا : متقلش انا اصلا طول عمري بكره الناس دي و مبحش تفكيرهم

ميزو : و انا هكلم شيكو ياخذ باله منك اكر من كدا

ليندا : ميزو متكبرش الموضوع و بعديين انا مش عيلة صغيرة

ميزو : انا خايف عليكي انتي متعرفيش الناس دي

ليندا : خلاص فهمتني الموضوع و خلاص خلاص

قفلت مع ميزو الموضوع لكن متقلش في دماغي ابدأ و عمالة افكر يا تري ايه اخرتهم  
يعني عايزيين ايه مني و فعلا هما ارهابين زي ما ميزو قال

تاني يوم في النادي

قاعدة بعيد خايفة جدا لدرجة لما شيكو بيقوم يجيب حاجة بقوم معاه و هو استغرب لاني  
عمري ما كنت كدا و عمالة اراقبهم من بعيد بتابع كل تحركتهم حاجة مشتركة لقيها  
فيهم بس مش فاهمة ليه كلهم مبتسمين دايمًا و الولاد مش بيبصوا علي بنات نهائي رغم  
ان في بنات كثير اوي و حلوين و موزز و لان انا كل صحابي ولاد و عارفة طبعم فاه  
مستغربة دا جدا  
ازي ميبصش علي بنت حلوة معدية من جمبه فيهم حاجة غريبة اوي

شيكو : انتي فيكي ايه النهاردة

ليندا : مفيش حاجة

شيكو : لا مش مركزة معايا انا حتي بقولك علي ان النهاردة عيد ميلاد مارو و انتي  
مقولتيش هتجيبني هدية ايه و لا هتلبسي ايه

ليندا : كان في شوية حاجات عجاها في zara و mazaya هجيبهم و هبقي اشوف  
ممك اعدني علي دماس اجبلها خاتم ذهب و لا حاجة

شيكو : و اخوكي الغلبان دا ملهوش هدية هو كمان

ليندا : اجبلك ايه

شيكو : هاتيلي شغل بدل قعدتي دي

ليندا : ما انا قولتلك روح الشركة عند بابا قوله انك صاحبي الانتيم و هو هيشغلك علي طول

شيكو : لا يا ليندا انا مش بجح عشان اعمل كدا انا متعودتش اطلب حاجة من حد لو بطلب منك بطلب عشان انتي اقرب واحدة ليا

ليندا : بكرة روح الشركة و اعتبر نفسك اشتغلت خلاص انا هكلم بابا النهاردة و انا متأكدة مش هيقول حاجة

شيكو : ربنا يخليكي ليا يارب

ليندا : و يخليك ليا يا اجدع صاحب في الدنيا

و في عيد ميلاد مارو

ليندا : ماروووووووو حبيبي كل سنة و انتي طيبة يا قمر عقبال 100 سنة و دي هديتك يا احلي مارو في الدنيا

مارو : وaaaaaaaaaaaaaaaaا دا البرفيم اللي كنت عايزاه من مزايا و الهدوم اللي كنت هشتريها من زارة و مكنش معايا فلوس بجد تحفة تحفة تحفة و دي ايه اووووووووووووووووو خاتم ذهب بجد دا رهيبيبيب حلو اووووووي ربنا يخليكي ليا يا لي لي يارب

ليندا : و يخليكي ليا يارب ايه الحفلة هادية ليه فين الدي جي و العيال

مارو : بيشربوا هناك انتي يعني مش عارفاهم يلا تعالي بقي

ليندا : لا لا انا مش هشرب تاني





ميزو : انتي عايزة العيال تقول عليكى معقدة دا عيد ميلاد يعني مكنش فيها حاجة لما  
تشرىبى مجاملة

ليندا : انا مش هشرىب تانى دي حرية شخصية انت مالك انت و بعديين بتكلم معايا  
كأني عملت جريمة لما مشربش احسن ما اتمسك و اروح القسم

ميزو : انتي بتستهلبى من امتي و انتي بتكلميني بالطريقة دي انتي ايه اللي مغيرك كدا  
اوووووووعى تكوني كلمتي البت اللي حكتيلي عنها دي

ليندا : مكلمتش حد و انت عارف من قبل ما اشوفها اصلا و انا بقولك عايزين نبطل  
شرب

ميزو : انا مبقتش فاهمك بتفكري ازي كل الناس بتتمنى تبقي زينا و انتي الوحيدة اللي  
مش مبسوطه و مهما تخرجي مش بتبقي فرحانة نعملك ايه عشان تتبسطي

ليندا : سيبنى لوحدي دلوقتي مش عايزة اكلم مع حد

ميزو : انتي حرة انا زهقت من دلحك دا

قفلت علي نفسي اوضتي و فجأة حسيت بوحدة فظيعة انا مليش حد اكلمه رغم الناس  
الكثير اللي حواليا بس مليش حد احكيلوا علي اللي جوايا الكل شايف اني مدلعة و  
معنديش اي سبب يخليني ازعل بس فعلا زعلانة اوي و مخنوقة جدا و مش عارفة من  
ايه دايمًا فرحتي مبتكلمش

في حاجة ناقصة في حياتي يمكن اني عمري ما حبيت و نفسي احب بس معتقدش ان دا  
السبب اللي يخليني مخنوقة اوي بالدرجة دي حياتي واقفة علي حاجة بس انا مش  
عارفة الحاجة دي ايه عندي فلوس و عربية بغيرها كل لما احب و ساكنه في احسن  
حته بابا و ماما من اكابر البلد ناقصني ايه يخليني مضايقة كدا ناقص ايه يخليني بدور  
عليه في كل مكان

كان نفسي يكون جمبي حد يفهمني و اكلم معاه نفسي حد يشاورلي علي الحاجة اللي  
نقصاني دي يمكن سعادتني تكتمل :))))))

انا بجد زعلانة اوي و مش عارفة اعمل ايه

\*\*\*\*\*

الفصل الرابع

لما انا غنية و مخنوقة كدا اؤمال الفقرا بيعملوا ايه لما بيكونوا مخنوقين نفسي الاقي اي  
طريقة اخرج بيها من الحاله دي انا زهقت حتي مليش مزاج اسافر

شيكو : لي لي عاملة ايه يا قلبي اسف يا حبيبتي علي اللي حصل امبارح بجد حقك عليا  
مترعليش

ليندا : عادي يعني جت عليك

شيكو : ايه دا لا لا بلاش كدا مبقدرش انا علي زعلك دا

ليندا : خلاص يا شيكو فكك

شيكو : لا مش هفكني يلا تعالي انا واقف تحت البيت اهو عشان نخرج و مش هنروح  
النادي انا زهقت

ليندا : بس انا عايزة اروح النادي

شيكو : غريبة يعني من امتي ما انتي بتزهقي و بتحبي تجددني

ليندا : لا عايزة اروح مليش مزاج اروح حته تانية

شيكو : ماشي براحتك انزلي انا و مارو مستتينك تحت

ليندا : اوك

بعد نص ساعة

مارو : كدا يا لي لي متحضرش عيد ميلادي كله انا زعلانة منك

ليندا : ماررو مش عايزة اكلم مع حد

مارو : ايه يا شيكو لي لي مالها

شيكو : معرفش بقالها كام يوم مش مضبوطة

مارو : اوعي يكون الواد شيكو دا زعلك في حاجة اقتلهواك اننتي البونبوناية بتاعتنا

ليندا : محدش زعلني انا زعلانة لوحدي

مارو : طب نوصل النادي و نوزع شيكو و نقعد نكلم

و في النادي

مارو : ايه بقي يا سيتي مالك

ليندا : حاسة اني مخنوقة و مش طايقة اعمل اي حاجة

مارو : يمكن عشان مبطله شرب

ليندا : لا مش فارق معايا

مارو : لي لي انتي بتحبي و لا ايه

ليندا : بحب !!!! ايه خلاكي تقولي كدا

مارو : لخبطتك دي لخبطة واحدة بتحب جديد

ليندا : بصي هو انا مش عارفة بس في ولد هنا في النادي عاجبني موت و عشان كدا  
بقيت احب اجي النادي

مارو : ايوة مش بقولك هو دا مين هو و فين وريهوني يلا احكي بسرعة

ليندا : لا مش هقول اي حاجة عشان هو اصلا مفيش حاجة

مارو : طيب عايزة اشوف شكله و نجيبه نتصاحب عليه

ليندا : لا مش هينفع

مارو : ليه بتحبي واحد من الفضاء الخارجي و مش بيظهر غير ليكي بس

ليندا : اتريقي برضو مش هقولك و مش هكلمك تاني في الموضوع دا و لا هقولك علي اللي مضايقتني

مارو : براحة اضايقتني ليه انا بهزر

ليندا : هزارك بقي يخفقتني انتي و شيكو

مارو : انتي اتغيرتي اوي

ليندا : انتو اللي مبقوتوش تفهموني  
انا هقوم اتمشي لوحدي مش عايزة حد معايا

مارو : ايوة بقي رايحة تقابلي الموز

ليندا : انا غلطانة اني قولتلك علي حاجة

قومت اتمشي لوحدي لقيت رجلي وخداني ناحية المسجد الولد اللي انا معجبة بيه هو واحد من اللي دايمًا بيدخلوا المسجد و هيجنني اني امورة جدا و هو عمره ما بص عليا رغم اني بقصد امشي من قدامه كثير و ببقني حاطة برفيم ريحته قوية كالعادة يعني اكيد عارف ان في بنت موزة معدية هتجنن و اعرف مش بيبص ليه و ليه بيعمل كدا و انا ماشية عملت نفسي بشتري حاجات من جنب المسجد عشان اشوفه و هو خارج لقيت الشيخ بيكلم شدني كلامه بدأت اقرب و كلام ميزو في دماغي خوفت و رجعت بس قعدت علي تربيذة جنب المسجد

الشيخ : اللي في قلبه خير ربنا مبيسهوش عشان كدا يا جماعة القلوب محل نظر الله عز وجل , جواكوا خير كثير بص علي قلبك من تاني هتلاقيه نفسه يطلع الخير دا , الفكرة كلها أن القلب بين الضلوع لا بد أن يصلح.. لا بد أن نبذل كل ما نملك كي يحيا , ولا بد أن يعيش حياة حقيقية , ولا يحيا القلب إلا بمعرفة الله عز وجل والقرب من الله عز وجل هتبعد عن ربنا مش هتחס ابدأ انك مبسوط دايمًا هتחס بخنقة و ضيقة ربنا

سبحانه قال " وَمَنْ أَعْرَضَ عَنْ ذِكْرِي فَإِنَّ لَهُ مَعِيشَةً ضَنْكًا وَنَحْشُرُهُ يَوْمَ الْقِيَامَةِ أَعْمَى "

ازي عايز تفرح و تبسط و انت بعيد عنه جربت تقول يارب في عز خنقتك لو انت بعيد عنه مش هيجيك قلب تقول يارب و مش هتلاقي غيره يحس بيك

يا أخوتي.. محل نظر الناس هي البدلة اللي انت لابستها, والعربية اللي انت راكبتها والطريقة اللي انتي عاملة بها شعرك, وجمال العينين دا محل نظر الناس..

لكن محل نظر الله هو القلب, وحال القلب..

يقول النبي صلى الله عليه وسلم: "إن الله لا ينظر إلى صوركم وأجسامكم, ولكن ينظر إلى قلوبكم وأعمالكم" ..

فبالله عليكم احذروا أن يكون موضع نظر الناس أشياء نقوم بتجميلها.. ولكن موضع نظر الله إليك كله سخر وخبث..

أ يكون نظر الناس إلى كل جيد,, ونظر الله إلى كل قبيح!..

أنزين كل شيء يراه الناس.. ونشوه كل شيء يراه الله عز وجل!..  
انظر إلى قلبك فإن محل نظر الله إليك هو قلبك و هو بداية صلاحك

فجأة لقيت نفسي بقول ياااa

شيكو : ليندا قاعدة هنا لوحداك ليه و مالك اتخضيتي كدا ليه كنتي سرحانة و لا ايه

ليندا : انا مش قولت عايزة ابقى لوحدي جيت ليه

شيكو : قلقت عليك يا حبيبتي احكي بس فيكي ايه

ليندا : ممكن تسبيني عايزة ابقى لوحدي

شيكو : انا هكلم ميزو انتي مينفعش الحالة اللي انتي فيها دي

ليندا : لو كلمت ميزو اقطع علاقتك بيا

شيكو : طب اتكلمي

ليندا : مش هتفهمني مش هتكلم معاك

شيكو : هفهمك يا حبيبتني اتكلمي عشان خاطري

ليندا : انا حاسة ان في حاجة نقصاني و في ولد عاجبني جدا و هو مش مديني اهتمام و  
دا مضايقتني هوو هنا معانا في النادي

شيكو : مين الولد دا و انا اجيبهولك لحد عندك

ليندا : شايف الولد اللي هناك دا

شيكو : نعمممممممممممممممممممممم ياختي انتي بتستعبطي

ليندا : مش قولتلك مش هتفهمني امشي يا شيكو و مش هخرج معاكوا تاني

شيكو : طب اسف معلش هو انا بس اتصدمت لي لي دا مش الاستايل لا بتاعك و لا  
بتاعنا انتي مش شايفة شكله معقد ازي



ليندا : هو الموضوع كبير في دماغي و هخليه يحبني يعني هخليه يحبني

شيكو : مش ميزو قالك السكة دي بلاش اسمعي كلامه احنا ادري منك

ليندا : لو الكلام دا وصل لميزو انت حر بقطع نهائي معاك حتي شغل دادي انا هقوله  
يمشيك منه

شيكو : دي اخرتها يعني يا ليندا عشان انا محتاج مساعدتك و طلبت منك تساعديني  
ماشى عموما مش هقول عشان انتي صاحبتى مش عشان خايف من تهديدك

ليندا : مكنتش اقصد خلاص متزعلش

مارو : ميزو ازيك عامل ايه واحشني يا واد مبتسألش ليه

ميزو : و انتي كمان ايه عاملة ايه

مارو : كويسة بس لي لي مش كويسة خالص

ميزو : ليندا حصلها حاجة

ماررو : هي كويسة محصلهاش حاجة بس معجبة بولد من بتوع جامع النادي انا  
عرفت بالصدفة و قولت لازم اقولك عشان تتصرف انت عارف انا بخاف عليها موت

ميزو : ايبيبيبية انتي متأكدة من الكلام دا

مارو : طبعا لو مكنتش متأكدة اكيد مكنتش هقولك



## الفصل الخامس

ميزو : الو ايوه يا عصام عايز 4 بودي جارد بس يبقوا جامدين اوي

عصام : خير يا باشا في حاجة

ميزو : انت مالك فيه و لا مفيش انت ليك تنفذ اللي بقول عليه من غير ما تفتح بوقك

عصام : حاضر يا باشا بليل يكونوا عندك

ميزو : هي ساعة و يبقوا عندي

عصام : تحت امرك

ميزو : ليندا انتي في النادي

ليندا : اه مالك صوتك متعصب ليه

ميزو : مفيش خليك عندك متروحيش انا جايلك دلوقتي

ليندا : اوك سلام

ميزو : سلام

ليندا : شيكو انت قولت لميزو حاجة

شيكو : انتي عبيطة يا ليندا ما انا قاعد معاكي و بنكلم من وقت لما حكيتلي هو انا  
اتحركت

ليندا : اؤمال في ايه صوته متعصب جامد و بيقولي خليك عندك انا جاي

شيكو : انتي حكيتي حاجة لمارو

ليندا : مارو !!!!! لا استحالة تقول حاجة

شيكو : بيتهيالك مارو هتجنن و تقرب من ميزو باي طريقة و دي احسن حاجة تقرب  
بيها منه

ليندا : بس هي متعرفش هو مين

شيكو : مارو مش غبية لانها كانت بتراقبك و هي اللي قالتلي انك قاعدة عند المسجد

ليندا : طب و الله لو اتأكدت ان هي اللي قالت هتشوف انا هعمل فيها ايه و هفضحها  
في كل مكان

شيكو : اهدي ميزو وصل اهو و هنعرف في ايه

ليندا : ابيه اللي انت جايهم معاك دول يا ميزو

ميزو : ملكيش كلام معايا ماشي و احسنلك تقولي لي هو مين بدل ما اروح اضربهم كلهم

ليندا : هو مين دا انا مش فاهمة انت بتكلم عن ايه

شيكو : اهدي يا ميزو اصلا مفيش حاجة ماررو هي اللي قالتلك صح

ميزو : ملكش دعوة ما انت لو صاحب جدع كنت جيت قولتلي مش تخبي عليا

شيكو : اقولك علي ايه اصلا مفيش حاجة دا مارو بتعمل حوار عشان تقرب منك انت  
مش عارفها يعني

ميزو : و انت عرفت منين انها قالتلي الكلام دا

شيكو : لانها لسة قيلهولي و انا جيت اتكلمت مع لي لي و قالتلي ان مفيش حاجة من  
دي صح و لسة قيلالي انها مش هتعددهاها

ليندا و بدأت في العياط : كدا يا ميزو انا تشك فيا عشان خاطر واحدة زي دي



اسيل : تحت امرك اتفضلني

ليندا : اشمعني انا اللي جيتي تكلميني

اسيل : لاني حسيت فيكي بالخير بس انتي مش عارفة تطلعيه و مش عارفة طريقه  
منين

ليندا : بس انتي متعرفيش

اسيل : يمكن يكون ربنا حطني في طريقك عشان يهديكي إليه و تقربي منه

ليندا : مش فاهمة

اسيل : بصي يا حبيبتني ربنا هو اللي خالقنا و هو اللي عالم باللي في قلوبنا ممكن حد  
يكون براه عاصي و بيعمل كل حاجة وحشة بس جواه خير كثير دا بيبقي عامل زي  
الغرقان بيدور علي اي حاجة يمسك فيها يطلع لبر الامان انا يمكن يكون ربنا حطني  
في طريقك عشان انقذك و اكون سبب في انك تقربي منه

ليندا : بس انا مبسوفة بحياتي كدا

اسيل : للأسف انتي بتضحكي علي نفسك انتي لو راقبتني من بعيد هتلاقي كل اللي  
حواليكي مصلحة و انك حياتي فاضية و مفيش حاجة عايشة عشانها

ليندا : ليه بتقولي كدا

اسيل : لان دي بتكون حياه الانسان و هو بعيد عن ربنا

ليندا : و ازي ممكن اقرب

اسيل : القرب من ربنا سهل اوي قومي اتوضي و صلي ركعتين توبة و قولي يارب  
توبت إليك و مترجعيش للمعاصي تاني و عشان تزيد ايمانك و تعرفي دينك اكثر  
ممكن تيجي معايا المسجد أو لو مش حابة في البداية ممكن تجيبي دروس من النت  
تسمعيها

ليندا : انا عايزة احضر معاكي في المسجد نفسي ابقى في الجو دا بس مش هينفع لان اخويا مانعني ادخل مسجد النادي

اسيل : مفيش مشاكل ممكن نتقابل برة و نروح مساجد برة النادي

ليندا : هو انا ممكن اسالك سؤال

اسيل : اتفضلي

ليندا : هو انتو شباب و بنات بتروحوا نفس المساجد يعني الشباب اللي بيكونوا في مسجد النادي بيحبوا معاكوا

اسيل : احيانا لان احنا بنظم دروس فا احنا زي فريق

ليندا : خلاص انا هاجي معاكي انتي ابقى كلميني قوليلي مكان و معاد الدرس

اسيل : انا مبسوطه جدا اني اتعرفت عليك و انك هتيجي معنا المسجد

ليندا : و انا خايفه

اسيل : خايفه ليه

ليندا : يمكن عشان حاجه جديدة هجربها

اسيل : طول ما انتي بتعملي حاجه عشان ربنا اعرفي ان ربنا هيوقف جمبك

ليندا : تمام انا هفقل دلوقتي يلا باي

اسيل : اتفضلي ربنا يفرح قلبك سلام عليكم



حاسة براحة غريبة اوي بعد لما كلمت اسيل معقول هما فعلا مرتاحين بجد و حياتهم  
حلوة اوي كدا و لا هما بيمثلوا عشان فعلا يضحكوا علي الناس و يخلوهم معقدين زي  
ما ميزو قال

علي قد ما انا خايفة من التجربة علي قد ما انا حباها مش هيحصل حاجة يعني ما انا  
عملت حاجات خطر كثير بس الموضوع دا مش هقول عليه لحد خالص و لا حتي  
شيكو انا مش عايزة حد يقولي اعلمي و متعمليش انا عايزة ابقي منطلقة كدا و اعيش  
في الدنيا الجديدة براحتي و زي ما انا حابه بصراحة

انا كمان مبسوفة عشان الولد اللي عاجبني هيكون هناك معاهم يعني اكيد هشوفه كثير  
و اكيد اكيد هيعجب بيا و يحبني طول عمري مجنونة بفكرة الحبيب الابدي نفسي في  
واحد كدا يحبني من اول ما يلحمني لحد ما اموت يبقي جمبي و يبقي معايا يحب اللي  
بحبه و يكره اللي بكرهه و مييقاش مجرد حبيب يومين و تلاقيه بخ و ملقيهوش لا انا  
نفسى ان اللي احبه يكون حبيبي إلي الابد

\*\*\*\*\*





ليندا : اسيبيل ازيك

اسيل : : : O O اه اه ليندا أأأ أزيك

ليندا : كويسة ايه مالك في ايه

اسيل : لا لا مفيش حاجة يلا تعالي معايا علي المسجد اركني عربيتك و تعالي معايا في العربية

روحت مع اسيل في عربيتها لاني قبلتها في اقرب مكان اعرفه شغلت في العربية اغاني كدا بس مختلفة عن الاغاني اللي بسمعها بتقولي اسمها اناشيد من غير موسيقي بس كانت حلوة اوي و تخلي الواحد يحب الحياه و يحس ان في امل و انه عايز يتغير دا مطلعوش معقدين زي ما كنت فاكرة اسيل بتهزر و بتكلم عادي في كل حاجة في الحياه و بتستمتع بوقتها زينا عادي دخلنا المسجد و كانت كل الناس بتبص عليا كنت خايفة اوي و ماسكة في اسيل جامد و هي كمان مسكت ايديا جامد لما حسنت اني خايفة

اسيل : يلا اقعدني هنا جمبي و ركزي في كلام الشيخ

الشيخ : ياذن الله النهاردة هنكلم عن التوبة و البعد عن الذنوب خلينا نبدأ بدعاء يفتح قلوبنا لله يثقينا من كل المعاصي يارب لك الحمد كما ينبغي لجلال وجهك و لعظيم سلطانك اللهم صل و سلم وبارك علي سيدنا محمد

اللهم انا نستغفرك من كل ذنب تبنا اليك منه ثم عدنا اليه و نستغفرك من كل عمل اردنا به وجهك الكريم فخالطنا فيه غيرك و نستغفرك من كل نعمة انعمت بها علينا فاستعنا بها علي معصيتك يارب لقد اتعبتنا كثرة ذنوبنا يارب ارحمنا بتركها ياتوا بيا رحيم اللهم مدنا بقوة من عندك حتي نتغلب عليها اللهم انا نسالك باسمك الاعظم الذي اذا دعيت به اجبت و اذا سئلت به اعطيت ان تطهر قلوبنا من حب المعاصي و تفتح لنا ابواب رحمتك و تغفر لنا فانه لا يغفر الذنوب الا انت سبحانك اني كنت من الظالمين اللهم انك امرتنا بالدعاء و وعدتنا بالاجابة فاستجب لنا كما وعدتنا يارب العالمين

ليندا : الله الدعاء حلو اووووي يا اسيل انا حاسة اني في الجنه

اسيل بصوت واطي : مجالس الذكر تحفها الملائكة اسمعي اسمعي

الشيخ : في مشكلة كثير مننا بيقع فيها و هي الاشمزاز من العاصي و البعد عنه و ان لو لقيته في مجلس ذكر تقعد تقول و دا ايه جايه دا بمنظره دا و لا دي مش محببة اصلا جاية هنا ليه ما تحترم المكان اللي هي جياه الاول انت غلطان اللي جت المسجد بشعرها و لا بميكب هي جواها نزعَة خير بس مش عارفة الطريق منين خليكوا انتوا بدل ما تتريقوا تبقوا سبب في هدايتها صاحبوها و اعتبروها واحدة فيها الخير اكثر كمان منكوا لان فعلا ممكن تكون كدا و خليكوا عون ليها علي انها تقرب اكثر من ربنا و تعرف طريقه

بعد الدرس عن التوبة و حب الله

ليندا : انا كنت حاسة ان الشيخ بيكلم عني انا كل الكلام و كأنه شايفني و عارفني كويس جدا

اسيل : كلنا يا حبيبي بنحتاج التوبة دي مش انتي بس

ليندا : انتو بتحتاجوا تتوبوا ليه هو انتو بتعملوا حاجة

اسيل : اكيد مفيش انسان فينا كامل الرسول صلي الله عليه وسلم اللي هو معصوم من الخطأ كان بيستغفر ربنا

ليندا : بس تعرفي انا مبسوطه اووووي ممكن تساعديني اقرب اكثر لربنا لان كل اللي حواليا مش مشجعي خالص

اسيل : انا معاكي يا حبيبي و عايزة اقولك علي حاجة بس خايفة متقبلهاش مني

ليندا : لا قولي

اسيل : الولاد اللي بتقعدني معاهم في النادي بلاش ان يكون ليكي صاحب ولد لان دا صدقيني هيضرك ربنا سبحانه و تعالي قال (وَلَا تُؤْخَذَاتِ أَخْدَانُ) انتي اغلي من انك تصاحبي دا و تقعدني مع دا انتي جوهرة ربنا حفظك منهم كلهم

ليندا : بس شيكو دا زي اخويا ميزو اصلا احنا واحد

اسيل : بس هو مش محرم ليكي و محلل انك تجوزيه مينفعش تقولي صاحبي

ليندا : طب خلينا واحدة واحدة مش هعرف ابعده دلوقتي

اسيل : و انا يا حبيبيتي مبقولكيش ابعدي دلوقتي انتي لما تحبي طريق ربنا هتبعدي لوحدك انا بس حبيت اعرفك انه مش صح

و انا خارجة من المسجد شوفت الولد جاي نحيتنا اسيل كان معاها بنتين صاحباها و انا قلبي قعد يدق بسرعة اوي كنت فاكره جاي يكلمني  
أسماء : طب يا بنات انا حمزة اخويا جه همشي بقي عشان اروح هتوووووحشوني اووووووي

ليندا في سرها : حمزة و اخوها حلو اوي D:D يبقيا انا هتصاحب علي اسماء

اسيل : ماشي يا حبيبيتي في رعاية الله خدي بالك من نفسك

رنا : انا كمان همشي يلا اشوفكوا علي خير يا بنات و مبسوطه اني اتعرفت عليك يا ليندا ابقيا تعالي علي طول مع اسيل

ليندا : انا كمان مبسوطه اووووووي اكيد ان شاء الله هاجي علي طول

رنا : ان شاء الله ربنا ينور قلبك بالايمان يلا سلام عليكم

في العربية مع اسيل

اسيل : ايه بقيا احكي انطباعك عن اليوم

ليندا : انا مبسوطه اوي اوي انتي و صحابك شكلوا بتحبوا بعض بجد من غير ما حد يكون ليه مصلحة عند حد

اسيل : عارفة ليه

ليندا : ليه ؟؟؟

اسيل : لإننا بنحب بعض في الله يعني مش عايزين حاجة غير اننا نكون في الجنة مع بعض و نفرح رسولنا صل الله عليه و سلم بينا و نعين بعض علي طاعة الله

ليندا : حلو

هو الدرس كل قد ايه

اسيل : كل اسبوع

ليندا : يعني هستني اسبوع لحد لما اشوفكوا

اسيل : احنا ممكن نخرج مع بعض عادي احنا بنخرج و الله و نتفسح D:

ليندا : اسماء بتخرج معاكي

اسيل : اه بس اشمعني اسماء

ليندا : اصلي حبيتها اوي

اسيل : اه فعلا ربنا يباركلها نحسبها علي خير هي اصلا بنوته زي العسل انا بموت فيها

ليندا : انتي تعرفيها بقالكوا كتير

اسيل : اه هي و اخوها بقالهم سنتين معانا في مشروع التنظيم

ليندا : طب خلاص انا عربيتي هنا هنزل بقي

اسيل : ماشي حبيبي في رعاية الله

اول ما روحت

ميزو : كنتي فين

ليندا : اשמعني انت بتسأل ليه

ميزو : عشان مروحتيش النادي و شيكو ميعرفش عنك حاجة و انتي مبتخرجيش غير معاه

ليندا : خرجت مع ناس تانية

ميزو : خرجتي فين و مين الناس دي

ليندا : ملكش دعوة انا اصلا المفروض مش بكلمك

ميزو : طب خلاص حقاك عليا متزعليش مني

ليندا : ماشي اوك بس مش هقولك برضو كنت فين و من دلوقتي ملكش دعوة بروح فين و لا باجي منين

دخلت اوضتي و فتحت الفيبس بوك لقيت اسيل بعتالي ادد و اسماء و رنا كمان فرحت جداااااا و دخلت عند اسماء عشان اجيب بروفيل حمزة شكله متدين اوي حاطط كل حاجة عنده دينيه و اعتقد كمان معندهوش بنات انا هبعثله ادد ايه المشكلة ما هو اخو صاحبي عادي يعني و بعتله مسج هاي انا ليندا صاحبة اسماء اختك ممكن نبقي صحاب ؟  
رده فجأني و لقيته باعتلي اسف مبضيفش بنات

ايه التخلف و الرجعية دي ايه المشكلة يعني لما يضيف بنات مش فاهمة ماشي انا حطيتك في دماغى اكثر و هخليك انت اللي تطلب مني نبقي صحاب



بعثله مسج تاني اه اوك انا بس عشان عرفت انك من المنظمين و بتحضر دروس بقالك سنتين و انا لسة جديدة و معرفش حاجة كنت عايزاك تساعدني

رد : طب اقدر اساعد حضرتك ازي

ليندا : مش عارفة انا معرفش اي حاجة

رد : طيب انا هبعث لحضرتك دروس علي انت تسمعيها و هبعثلك كتب مع اسماء في الدرس المرة الجاية ان شاء الله

ليندا : انا ممكن اجي اخدهم منك عادي

رد : اسف مش هينفع كدا افضل اسماء تديهملك و كمان اسماء ممكن تساعدك جدا اكثر مني

ليندا : انا كل صحابي ولاد و مبعرفش اتعامل مع بنات

رد : ربنا يهديكي لطريقه باذن الله بس الافضل تتعاملي مع بنات و معلش مضطر افقل مع حضرتك عندي حاجات لازم اخلصها سلام عليكم

---

حمزة : اسماء بتعملي حاجة عايز اكلم معاكي  
اسماء : تعالا في ايه

حمزة : في بنت اسمها ليندا بعثالي علي الفيس و بتقولي عايزاك تساعدني و انا مبعرفش اكلم بنات و عايزاك تساعدني اقرب من ربنا و بتقول انها صاحبتك قولتلها اني هبعثها دروس و هبعثها معاكي كتب بس انا مستغربها اوي

اسماء : دي بنت صاحبة اسيل و هي لسة اول مرة تحضر دروس و متعرفش اي حاجة

حمزة : ربنا يهديها بس انا مش هينفع اساعدها انتي عارفة مينفعش

اسماء : اكيد انا هكلم اسيل و اخليها تفهمها

حمزة : شكلها بنت طيبة و جواها الخير ربنا يهديها لطريقه

اسماء : يارب يا حنين

-----

اسيل : الو السلام عليكم

ليندا : و عليكم السلام

اسيل : الله اول مرة تردي السلام ربنا يباركك

ليندا : بحاول اتعلم منكوا

اسيل : ربنا يعزك يا رب و يقربك منه ليندا هو انتي كلمتي حمزة اخو اسماء ???

ليندا : حمزة ؟؟؟؟؟؟؟

\*\*\*\*\*



## الفصل السابع

ليندا : انتي عرفتي منين اني كلمت حمزة !!!!!!!

اسيل : هو قال لاسماء عشان يديكي الكتب و اسماء قالتلي

ليندا : اه عادي يعني انا قولت نبقي صحاب ايه المشكلة

اسيل : يا حبيبي لو عوزتي حاجة قوليلي و انا اجيبها لك لحد عندك لكن انك تكلمي حمزة انتي كدا ممكن تفتنيه و قبلها انتي بتقربي لربنا بيقى ليه بتفتحي باب معاصي جديد

ليندا : هو انا بكلمه بحب فيه دا جاست فريند

اسيل : يا حبيبي مش انا فهمتك امبارح ان دا في دينا مينفعش و انك اغلي من انك تخلي اي ولد يقربلك

ليندا : انا بقي متعودة علي كدا و مش هعرف اتعامل مع بنات انا هقفل يلا باي

اسيل : الو السلام عليكم ازيك يا اسماء

اسماء : و عليكم السلام ازيك يا سولة

اسيل : الحمد لله بقولك يا اسماء الكلام اللي هقوله لك دا انا عارفة انه ثقيل بس لازم تعرفيه

اسماء : اتفضلي

اسيل : انا اتكلمت مع ليندا و انتي عارفة ان ايمانها لسة ضعيف هي قلبت عليا و مش مقتنعة بانها مينفعش تكلم ولاد فا دا دور حمزة خليه هو اللي يبعد و ميردش عليها و لو ينفع يعملها بلوك

اسماء : طب انا هقوله و الله المستعان

اسيل : البنت دي انا حاسة انها امانة في رقبتني و لو حصل حاجة انا هحس بذنب كبير

اسماء : انتي عارفة حمزة اكثر مني استحالة ينجرف ناحية حاجة زي كدا

اسيل : محدش كبير علي الفتنة يا اسماء

اسماء : عندك حق انا هكلم معاه

اسماء : حمزة ممكن اكلم معاك في موضوع ليندا و تفهمني صح

حمزة : اتفضلي

اسماء: بص يا حمزة انت عارف ان محدش كبير علي الفتنة و دلوقتي اسيل كلمت ليندا و هي مش مقتنعة ان اللي بتعمله غلط فا ممكن انت تبعد و لو ينفع تعملها بلوك حمزة : بس هي كدا ممكن تبعد اكثر عن ربنا و انا ممكن اكون سبب في هدايتها

اسماء : تكون سبب في هدايتها و تقوم تعمل حاجة حرام

حمزة : بصي يا اسماء مش في شيوخ بتدي دروس لنساء هل هو كدا الشيخ دا حرام عليه

اسماء : لا بس بنكون مجموعة و بيكون في حائل بنا و بين الشيخ

حمزة : و انا عشان اجتنب الفتنة انا هكون ليها دور الشيخ و هرد علي رسايلها بعد فترة طويلة عشان متبقاش خلوة لعل الله يجعل هدايتها علي ايديا

اسماء : انت حر انا نصحتك و خلاص و كل واحد بيحتاج لوحد

حمزة : مقتنعش بكلام اسماء انا ماشي في طريق الدعوة يعني الاقي حد بيستجد بيا  
عشان يقرب من ربنا و انا ابعد عنه و ممكن اكون سبب في انه يبعد اكثر عن ربنا انا  
كدا ربنا هيحاسبني انا لازم اكون عون ليها و اشدها اكثر لربنا و في نفس الوقت  
احافظ علي نفسي و احافظ عليها اكثر مني

ليندا : انا هبعت مسج لحمزة اطلب منه ان كلامنا محدش يعرف بيه و اني بجد محتاجه  
عشان اعرف ربنا و اقرب منه

ليندا : السلام عليكم

ازيك يا حمزة لو سمحت انا محتاجة انك تقف معايا انا محتاجة اعرف ربنا اكثر و  
اقرب و حاسة اني تايهه و زي ما قولتلك قبل كدا انا مبعرفش اتعامل مع بنات من  
صغري كل تعاملني مع ولاد و انا عارفة انك هتقدر تساعدني من غير ما تكون انت  
بتعمل حاجة حرام بس انت هيكون حرام عليك لو مساعدتنيش بس عايزة اطلب منك  
طلب ممكن كلامنا اختك و اسيل ميعرفوش بيه عشان اقدر ابقى اسألك براحتي من  
غير ما احس انهم عارفين كل حاجة

حمزة رد بعد ساعتين : و عليكم السلام و رحمة الله و بركاته حاضر يا انسة ليندا انا  
مش هقولهم حاجة حضرتك ابقى سببي السؤال و انا هبقي ارد عليك بعدة بفترة

ليندا : طب ممكن يعني من غير انسة و حضرتك احنا في سن بعض هو صحيح انت  
عندك كام سنة

حمزة : انا عندي 27 سنة

ليندا : طب قشطة انا 24 يعني الفرق مش كبير عشان تقولي حضرتك و لا ايه رأيك

حمزة : ملعش انا بحب اكلم مع الالقاب

ليندا : طيب براحتك بس انا مش هعرف اقولك استاذ حمزة و الكلام دا مليش فيه تمام

حمزة : تمام ان شاء الله الله المستعان

ليندا : طيب دلوقتي ممكن بلاش ترد بعدها بفترة بدل فاتح رد علي طول مش فاهمة ايه الفرق يعني ما كدا كدا هنكلم و بعديين انا محتاجة تبقي متابع معايا معرفش اكلم و احس اني بكلم نفسي كدا

حمزة : اتفضلي حضرتك انا معاكي

ليندا : طيب بص دلوقتي انا حياتي كلها مصلتش و لا اعرف اي حاجة و كنت بشرب و دلوقتي مبطله و كل صحابي ولاد يعني حياتي تعتبر بعيدة تماما عن ربنا و انا مش عارفة اقرب ازي

حمزة : اهم حاجة ان يكون عندك نية خالصة لله انك فعلا عايزة تقربي منه و تبعدني عن كل المعاصي اللي عملتها و تبدأي من جديد احضري دروس تفهمك اكثر الدين و انتي هتحيي القرب من ربنا و خلينا نبدأ خطوة خطوة اهم حاجة و عماد الدين هي الصلاة و انا دلوقتي هبعثلك فديوهات فيها الوضوء الصحيح و الصلاة الصحيحة اتفرجي عليه و شوفي المدة اللي تتاسبك تدريبي فيها علي الصلاة و الوضوء و تصلي بخشوع و تنتظمي في الصلاة و كلميني

ليندا : حاضر انا هعمل كل اللي هتقولي عليه ممكن اطلب منك طلب

حمزة : اتفضلي

ليندا : بص انا معنديش حد في البيت خالص بيصلي و ممكن انسي و هبقي عايزة حد يشجعني ممكن تاخذ رقم موبايلي ووقت كل صلاة ترنلي انا مش هفتح عليك و لا هكلم معاك انا بس لما اسمع الرنة هقوم اصلي و ارنلك انت تفهم اني صليت اظن مفيهاش حاجة احنا مش هنكلم دا مجرد رن علي بعض بس للتشجيع

حمزة : حاضر يا انسة ليندا اهم حاجة تصلي

ليندا : انا فرحانة اوي انك بتساعدني بجد انت جود فريند

حمزة : ربنا يعزك

انا فعلا طائيرة من الفرحة حاسة ان حمزة بدأ يقرب ليا و يستجيب و يساعدني و انا فعلا حابة اني اقرب من ربنا و هو اللي يخليني اقرب منه انا بدأت اتعلق جامد بحمزة مش هقول انه حب بس نفسي يبقي حب و يكون هو حبيبي الابدني هكون وقتها فعلا حاسة اني اختارت صح حمزة فيه كل حاجة بحلم بيها و هيعيشني حياه احسن من اللي انا عايشها و هيقربني من ربنا  
فعلا بدأنا نرن علي بعض و بدأت انا ا قوله عشان انت بتشتغل انا هبقي اصحيك وقت الفجر عشان محسش اني اقل منك و اخذ ثوابك و هو وافق مرة علي مرة بقي يرد عليا وقت الفجر يقولي انه صحي و يصلي و يرنلي احيانا لما كان بيرن كنت بستعبط و افتح و اسلم عليه  
و بعد شهر كنت بحضر دروس في مساجد تانية معاه هو بعيد عن اسيل و اسماء لاني مش حباه انهم يعرفوا حاجة و علقتي بيهم اتقطعت خالص و الحمد لله بقيت ملتزمة اكثر انا حتي بقيت اصلي قيام و الفضل يرجع لله ثم لحمزة

ليندا : حمزة ازيك عامل ايه

حمزة : الحمد لله تمام انتي عاملة ايه طمنيني عليكي

ليندا : انا كويسة الحمد لله

حمزة : هاه نفسيتك بقت احسن لما قربتي اكثر من ربنا

ليندا : اه اووووي و كمان نفسيتي كويسة عشان انت جمبي و معايا

حمزة : .....

ليندا : مالك سكت ليه

حمزة : انا اول مرة حد يقولي كذا اول مرة اكلم بنت و ا بقي خايف عليها بالطريقة دي و ا بقي نفسي انها تعمل كل حاجة صح



ليندا : و انا رغم ان كان ليا صاحب ولاد كتير بس اول مرة اكون مرتاحة و انا بكلم  
حد و مش خايفة منه و واثقة فيه لو قالي اعمل ايه هعمله بجد ربنا يخليكي ليا

حمزة : ربنا يخليكي انتي كمان

ليندا : انا عندي ليك مفاجأأأأأأأأأأأأأأأأأأة

حمزة : خييبيير ؟؟؟؟؟؟؟؟؟؟؟

\*\*\*\*\*

## الفصل الثامن

ليندا

بقالي كثير بجهز في مفاجأة لي حمزة عارفة انها هتفرحه اوي و رغم انه قرار صعب اخده و هوواجه صعوبات كثير بس انا مش خايفة عشان هو معايا

ليندا : انا عملاك مفاجأأأأأأأأأأأأ

حمزة : خير يارب بخاف من مفاجأتك

ليندا : كدا يا حمزة هو انا عمري اصلا عملتك مفاجأة

حمزة : بغلس عليك يلا قولي

ليندا : لا خمّن انت

حمزة : قولي بقي يلا مش بعرف اخمن

ليندا : طب مستعد

حمزة : اه يا سيّتي مستعد قولي بقي شوقتيني

ليندا : انا اتحببيبيبيبيبت

حمزة : بجد الف مبروووووووووك يا حبيبتتي بجد فرحتيني اوي

ليندا : ايه انت قولت ايه

حمزة : انا اسف طلعت مني غصب عني عشان فرحان

ليندا : طب علي فكرة انا فرحانة بيها ابقو قولها عادي يعني

حمزة : لا معلش يا ليندا دا انا ضميري مانبني اوي اني قولتها انا من اول يوم عاهدت ربنا اني هحافظ عليك اكر من نفسي كمان

ليندا : طيب خلاص اللي يريحك بس انا فرحانة اوي اني فرحتك بجد

حمزة : هتلبسي الحجاب علي نفس لبسك ؟

ليندا : بص هو خطوة خطوة و هظبطه انا نزلت جبت فساتين و هلبس فوقها كرددجن لقيت الاستايل دا تحفة وطالع موضه بس اكيد هبقي البس من لبسي القديم هحاول اختار الواسع اللي فيه

حمزة : ممكن اسالك سؤال

ليندا : شوووووور

حمزة : لسه بتكلمي شيكو و العيال دي

ليندا : اه بس مش زي زمان

حمزة : ممكن متكلمهمش تاني خالص

ليندا : صعب اوي يا حمزة انت عارف دول معايا من زمان اوي

حمزة : حتي لو قولتلك عشان خاطري انا بغير عليك يا ليندا و صعب اني اعترفلك بحاجة تاني

ليندا : و انا بحبك اوي و هعملك كل اللي انت عايزه

حمزة : طيب انا هقفل بقي عشان العشا بتأذن هنزل المسجد و انتي قومي صلي و رني  
عليا

ليندا : هتكلمني تاني

حمزة : معلش يا ليندا مش حابب كلامنا يبقي كتير عشان ربنا

ليندا : حاضر يلا في رعاية الله

حمزة : اتعملتيها مني D:

ليندا : اه خلاص اتعلمت منك كل حاجة

حمزة : هبقي اجيبلك حاجة حلوة يلا سلام عليكم

ليندا : و عليكم السلام

اول مرة الاقي حد محافظ عليا اوي كدا و خايف عليا بالطريقة دي حمزة حسسني اني  
بنته و محتويني اوي خلاني استقوي بيه و استغني عن كل اللي حواليا بس اكون معاه  
هو دخلني في دنيته اللي خلاني اعشقها و اتمني من زمان لو كنت عيشت فيها  
دخلت علي الفيس ايه دا معقول حمزة حاططي بوست دا اول مرة يعملها  
حاططي اغنية اتحجبتني برافو عليك و كاتبلي فوقها ربنا يهديكي و يقربك منه اكثر  
كتبتله كومنت ربنا يخليك ليا انت السبب في كل اللي انا فيه دلوقتي

اسماء : حمزة انت اتجننت صح

حمزة : انتي بتكلمي كدا ليه انتي نسيتي اني الكبير

اسماء : و لما اشوف اخويا الكبير راح لطريق غلط يبقي اتجنن

حمزة : عملت ايه يعني

اسماء : حاطط لي ليندا فيديو اتحجبتني برافو عليكى و عرفت انك بتروح معاها مساجد شاييف ان دا الدين و لا انت بتعمل اللي بمزاجك تحت مسمى انك بنتقى ربنا

حمزة : ربنا اللي بيحاسب مش انتى و ملكيش دعوة بحاجة و لا بيا دي حياتى و انا اللي هتحاسب عليها

اسماء : حمزة انا خايفة عليك و مش معني انى بقولك كدا انك خلاص بقيت عاصي بس ربنا سبحانه و تعالى قال ( وَذَكَرْ فَإِنَّ الذِّكْرَى نَنْفَعُ الْمُؤْمِنِينَ )

حمزة : طب انا اعمل ايه

اسماء : انت بتحبها يا حمزة

حمزة : اه بحبها و حاسس انها بنتى و انى مسئول عنها

اسماء : خلاص يا حمزة بيقى تروح تكلم بابا و تروحووا تخطبوها من اهلها بلاش يا حبيبي تعمل حاجة حرام ربنا مش هيباركلك فيها و افكر من استعجل شئ قبل او انه عوقب بحرمانه

حمزة : اهلها صاعبين جدا يا اسماء و بيقولوا علينا ان احنا معقدين و اكيد مش هيوافقوا انتى عارفة مستواها اعلى مننا بقد ايه

اسماء : ليندا لو عايزاك هتخلي اهلها يوافقوا

حمزة : هفكر و هحاول مكلمهاش تانى و مترعليش انى اتعصبت عليكى

اسماء : انت عارف انا مبزعلش منك و بخاف عليك ازى و احنا خدنا سنين عقبال ما ربنا كرمنا و من علينا بقربه بلاش تعمل حاجة تضيع كل اللي عملته  
حمزة : حاضر

ليندا

حمزة اتغير معايا جامد و بقى غريب حتى الفيس مش بيرد علي طول و مبقاش ينزل المسجد معايا و يقولى انا رايح المسجد مع اسماء سابني فى اكثر وقت محتاجاه فيه و كل اهلى ضدى عشان لبست الحجاب انا بجد محتجاله جدا

ليندا : حمزة ينفع يعني تسيبني كدا اسبوع و متكلمنيش خالص و سايبني احارب كل اللي حواليا لوحدني انا بجد تعبت و مش قادرة اواجه لوحدني ارجوك محتجالك اوي جمبي متسبنيش  
حمزة رد بعد يومين و خلاص ليندا كانت بدأت تفقد الامل و تكتتب و مكنتش بتكلم حد خالص

حمزة : اسف يا ليندا كنت متلخبط اوي و مكنتش قادر اتكلم معاكي انا عايز اطلب منك حاجة

ليندا : اخيرا رديت انا كنت هموت خلاص انت وحشتيني اوي الله يخليك متبعدهش عني تاني كدا انت متعرفش انت بالنسبالي ايه اتفضل اطلب بس متقوليش انك هتبعده

حمزة : لا مش هبعده قرب ان شاء الله بس في الحلال :D

ليندا : ازي يعني مش فاهمة حاجة

حمزة : يعني انا عايزك تكوني مراتي و حلالي و ام عيالي ممكن ؟

ليندا : انت بتهزر

حمزة : لا مش بهزر قولي رأيك بقي و لا هترفضيني :)

ليندا : لا طبعا انت عارف ان انا بحبك بس طب و اهلي

حمزة : بصي احنا هنعمل اقصي حاجة عندنا و هنسيبها لربنا

ليندا : انا بجد اسعد انسانة في الدنيا انا بحبك اوووووووي

حمزة : و انا كمان علي فكرة بحبك اوي



بابا ليندا : خلاص خد منها معاد و ابقى تعالي المكتب عندي بس اعمل حسابك تقول  
الكلمتين اللي عندك بسرعة انا مش فاضي

بابا حمزة : .....

حمزة : ايه يا بابا خير

بابا حمزة : يا ابني الناس دي مش هتتفكك دا لسة مفيش حاجة و الراجل بيقول كلم  
السكرتيرة و بتاع انت تهين نفسك ليه هتلاقي ست سنها

اسماء : معلش يا بابا هما بيحبوا بعض اتنازل شوية عشان تفرحهم

حمزة : معلش يا بابا خليها عليك اكيد لما يعرف الموضوع المعاملة هتختلف

بابا حمزة : الله المستعان يا ابني هعمل دا بس عشان خاطر ك

حمزة : ليندا كلمي باباكي عرفيه ان في حد متقدملك و انك عايزاه بابا كلمه النهاردة و  
كلمه بطريفة وحشة جدا و قاله كلم السكرتيرة

ليندا : انا هكلمه

ليندا : بابا مش في واحد كلمك النهاردة و قالك انه عايزاك في موضوع يخصني

بابا ليندا : اه يا لي لي مين دا و عايز ايه

ليندا : دا بابا الولد اللي بحبه و هو بيكلموك عشان عايزين يخطبوني

بابا ليندا : مش دا الولد اللي بتروحي معاه مساجد و خلاكي تتحجبي

ليندا : اه يا بابا و هو بجد بيحافظ عليا اوي و عايزني دايم ابقى الاحسن

بابا ليندا : دا واحد معقد و مش من مستوانا اصلا متقدريش تعيشي معاه



ليندا : لا هقدر يا بابا انا بحبه

بابا ليندا : علي حثتي لو اتجوزتية انا يتجوز بنتي واحد زي دا اقول للناس ايه

ليندا : هو اللي فارق معاك الناس و لا بنتك يا بابا انا اللي هعيش مش الناس و انا راضية و موافقة

ميزو : احسن فرحان فيكي خليه بقي يبوظ دماغك اكرت ما هي باظت

ليندا : ماما :)

ماما : و لا ليا دعوة بيكي انتي مش معندانا كلنا عشان خاطره و روحتي اتحجبتني غصب عننا كلنا

ليندا : بس انا بحبه

و عدت شهور و ايام و احنا عمالين نحاول مع اهلي و كانت حالتي النفسية وحشة اوي حمزة اتغير و بقي معايا عادي جدا و بقينا نخرج و نروح كافيهاش و نكلم بعض بالساعات و كل دا بحجة ان احنا بندور علي حل للمشكلة اسماء كلمته كثير و اتخانقت معانا كثير عشان بتقول اننا بنعمل حاجة حرام و ان ربنا مش هيباركنا بس انا خلاص مقدرش اسيب حمزة و مقدرش استغني عنه بابا بقي يجيب عرسان كثير من ولاد صحابه و كنت لما بقابلهم بقولهم انا بحب واحد و اهلي مش راضي يجوز هوني و طبعا الجوازة تبوظ و بابا يتخانق معايا لحد لما اتنازلت عن حاجات كثير عشان يوافقوا اني اتجوز حمزة و رضيت اعيش فيني شقة مش من مستوايا خالص و فلوس شغل حمزة قليلة جدا انا مصروفي اكبر من مرتبه بس كله يهون عشان خاطر اباقي مع حمزة

ليندا : حمززرزرزرزرزررة بابا وافق اخيرا

حمزة : ايه دا بجد

ليندا : اه انت مال صوتك قلب ليه

حمزة : لا يا قلبي مفيش دا انا بس مش مصدق نفسي بجد دا انا اسعد انسان في الدنيا كلها

انا بجد مش عارف اكلم من كتر الفرحة يلا انا هقوم اقول لاهلي اكيد هيفرحوا جدا

حمزة

قومت قولت لاهلي و كانوا طيرين من الفرح و كلهم كانوا خلاص عرفوا ليندا و حبوها كان اعترضهم الوحيد اني بقابلها من ورا اهلها و بكلمها كثير بس لما باباها وافق فرحوا جدا

روحنا لباباها و اتفقنا علي كل حاجة و كان في اتفاقات هتكون ثقيلة علي اهلي و بابا وافق بس عشان خاطري ليندا كانت مبسوفة و طائرة من الفرحة بس انا .....

ليندا : ايه دا مسج جيالي من حبيبي يا تري باعتلي ايه انا بجد اسعد انسانة في الدنيا خلاص فعلا هتخطب لحمزة و الدنيا هنتور قدامنا و هحقق كل اللي بحلم بيه معاه

حمزة في الرسالة : ليندا انا اسف .....

\*\*\*\*\*



## الفصل التاسع

حمزة في الرسالة : ليندا انا اسف بس انا فعلا مش هقدر اكمل حاولت كثير اني اكمل معاك بس مش قادر في حاجة منعاني يمكن عشان حاسس انك كنتي سبب بعدي عن ربنا و اني عمري ما ارتبطت و لا غضبت ربنا و انتي كنتي السبب في دا عمال افكر ازي ربنا هيباركلنا و احنا بدأنا حياتنا بحاجة غلط غير كدا انا اللي دايمما بقربك من ربنا و انتي مبتقربنيش خالص يمكن دا سبب انا مش عارف ايه اللي انا فيه بس كل اللي انا اعرفه اني مش هكمل انا كنت راسم صورة لزوجتي في دماغي و انتي مفكيش اي حاجة منها و ياريت مترعليش دا كل شئ قسمة و نصيب

ليندا : انت بتستعبط يعني و لا ايه مش فهماك فين اني بعدتك عن ربنا انا اصلا معملتش حاجة غلط كل اللي عملناه اننا اتكلمنا فترة عشان نلاقي حل مع اهلي و انت جاي تفتكر كل دا بعد لما خلاص كل حاجة اتحلت و اهلي وافقوا

حمزة : بس الظروف و انا مستوايا المادي اقل مش هسمح اني احسسك بنقص و انا لو لفيت الدنيا كلها مش هلاقي زيك و لا حتي ضفرك بس انا فعلا تعبان و ارجوكي بلاش تضغطي عليا اكثر من كدا

ليندا : انت حيوان و مش راجل و بجد قليت من نظري بعد لما كنت عملاك تمثال قدام كل الناس انت جبان و عديم المسؤولية هو دا اللي دينك علمهولك انا بجد مصدومة فيك

طبعا مشافش الرسالة لانه كان عملي بلوك و اتصلت كتيرر بيه و هو قافل موبايله فكرت اكلم اسماء بس دلوقتي انا هقول لاهلي ايه بعد لما كنت بزن عليهم كل دا عشان خاطره انا بجد مش عارفة افكر

ليندا : الو ابوة يا اسماء

اسماء : حبيبتى العروسة عاملة ايه

ليندا : عروسه!!!!!! ليه هو انتى متعرفيش اخوكى عمل ايه

اسماء : عمل ايه انتو متخانقين و لا ايه

ليندا : لا خالص كل الحكاية انه بعنلى مسج على الفيس و قالى انه مش قادر يكمل و  
انى كنت ببعدى عن ربنا و انا مش الزوجة اللى كان بيدور عليها

اسماء : انتو بتهزروا و بتعملوا فىا مقلب صح

ليندا : لا يا اسماء و الله اخوكى عمل كدا و انا دلوقتى مش عارفة حتى اقول لاهلى  
ايه

اسماء : انا بجد مصدومة طب كان بيعمل كدا ليه دا قعد يتحايل على بابا كثير عشان  
يتقدملك

ليندا : روى اسأليه انا منهارة دا انا وثقت فيه عشان لقبته يعرف ربنا طب فىن دا هو  
مش اللى يعرف ربنا يا اسماء مبيعلمش كدا فى بنات الناس و لا انا غلطانة انا  
مبعرفش فى الدين زيكونا ردى انتى علىا

اسماء : لا يا حبيبتى هو غلط طبعا و انتى معلقيش اى حاجة و انتى اللى بنت اصول  
هو ميستاهلكيش ابدأ و روى انتى قولى لباباكي انك فكرتى فى الموضوع لقبتى ان  
مستوانا قليل اوى و مش هتقدرى تعيشى لما الموضوع دخل فى الجد فكرتى كدا و  
حسيتى ان دا الصح

ليندا : انتى يعنى شايفة ان دا الصح

اسماء : انا مش شايفالها اى حل تانى و انا هروح اقول لبابا و ماما على اللى هو عمله  
دا بجد انا مستحقراه جدا مش هو اخويا بس و الله ما يستاهلك و هو نفسه ضعيفة  
للأسف و الظاهر ان مكنش مقرب من ربنا بجد

ليندا : هو علمني ان لما حد يظلمني و يجي عليا اقول حسبي الله و نعم الوكيل  
حسبي الله و نعم الوكيل فيك يا حمزة مش هسماك ابد

اسماء : حقك و مقدرش الوم عليك في حاجة

---

ليندا : بابا انا فكرت في كلامكوا و حسيت ان مستوي حمزة قليل اوي عليا  
واني مش هقدر اعيش معاه حسبته لقيت اني بصرف قد مرتبه 20 مرة انا مكنتش  
بفكر بعقلي

بابا : ايوة كدا انتي بنتي حبيبتني بكرة اجوزك ابن اغني واحد في مصر كلها

ليندا : دي حاجة تخصني و مش معني اني بوظت مع حمزة اني هقبل اتجوز اي حد

بابا : انتي حرة بقي انا زهقت من عندك دا

ميزو : انت مصدقها اصلا دا تلاقي الواد اداها الخفيفة احسن تستاهل انا ياما حضرتها  
و هي اللي مبتسمعش الكلام اشربي بقي يا موزة  
ليندا : ملكش دعوة بيا و متكمنيش كدا دي حياتي انا و محدش ليه دعوة بيها غيري

ماما : بس يا ميزو ملكش دعوة بيها

---

اسيل : الو السلام عليكم

ليندا : و عليكم السلام شوفتي يا اسيل اللي حصل فيا شوفتي حمزة عمل فيا ايه

اسيل : شوفت يا حبيبتى و انا بجد مصدومة فيه هو عمره ما بان عليه كدا بس فعلا القلوب دي محدش بيعرف اللي فيها غير ربنا مهما كان مظهر الانسان متدين انا كنت بحاول احذرك بس انتي مكنتيش بتسمعي مش معني ان واحد مربى دقنه و لا بينزل يصلي في الجامع و يحضر دروس انه شخص تقي و هيتقى الله فيكي في قلوب مريضة ربنا يعافينا و انا خلاص مش بلوم عليكى دلوقتي اكيد ربنا كان ليه حكمة انه يوصلك ان متخدعش بمظاهر الناس حتى لو بان انه متدين و انه بتاع ربنا و متسلميش نفسك غير للي هيبقى بيحبك بجد و يجي يتقدمك في بيتك انا قولتلك قبل كدا انتي جوهره و اغلي من اي حد يعرفك

ليندا : بس حمزة كان بيحافظ عليا و كان بيحسني اني فعلا جوهره

اسيل : يا حبيبتى عشان كنتوا لسة علي البر حمزة عديم المسؤولية و مبيعرفش يتحمل مسؤولية اي حاجة في حياته

ليندا : طيب ازي كان بيقربنى من ربنا و هو كدا

اسيل : لو حمزة كان فعلا يعرف ربنا علي حق مكنش ارتبط بيكي من ورا اهلك مها كانت الظروف صعبة كان يحاول انه يبقي معاكي بالحلال بس مش يرتبط بيكي صدمتي في حمزة مش من النهاردة صدمتي من اول ما ابتدا يكلمك هو ممكن يكون اتقتن و ربنا يعافينا من الفتن

ليندا : انا خلاص بجد استحالة اثق في اي شخص متدين بعد كدا

اسيل : مينفعش الكلام دا طبعا بصي يا حبيبتى حمزة مش بيمثل الاسلام و لا المسلمين كلهم و لا الدين حمزة ما هو إلا نموذج من شاب من برة لما تشوفيه تقولي بسم الله ما شاء الله و مفيش بعد كدا و قلبه مريض ربنا يعافيه و يعافينا عايزة تعرفي الدين علي حق اعرفيه من القرآن و من سنه سيدنا محمد صلي الله عليه وسلم لكن اوعي تاخدي الدين عن طريق اشخاص

ليندا : معلش انا هقفل مش عايزة اكلم مع حد

اسيل : و انا مش هضغط عليكى يا حبيبتى ربنا معاكي احسن مننا كلنا الجأيله و صلي و عيطتي و هو هينجيكى و هيفك كركبك بإذن الله

اسيل قفلت و انا بقيت لوحدي اوي عمالة افكر في كل كلمة قالها حمزة في كل موقف عمله معايا في كل حاجة علمهاني في الدين في غيرته عليا لما كنت بلبس ضيق طب ازي لو هو وحش طب ما كان كمل ارتباط عادي ايه خلاه يسعي انه يخطبني مليون سؤال في دماغي و مش عارفة اجاوب علي ولا حاجة طيب انا كنت لسة في بداية طريقي لربنا ليه يحصل كدا انا مش فاهمة حاجة خالص لقيت نفسسي وحيدة و مفيش اي حد اتكلم معاه و مش قادرة اتكلم مع اهلي و لا مع اسماء و اسيل لانهم كانوا يعرفوا حمزة لقيتني بتصل بشيكو و حسيت انه اكثر حد انا محتاجاه

ليندا : الو ازيك يا شيكو

شيكو : يااااااااه انتي لسة فكراني ما خلاص بقي راحت علي شيكو

ليندا : انا بمر بظروف صعبة اوي و لأول مرة ابقى محتجالك جمبي كدا

شيكو : ايه يا بنتي في ايه قلفتيني

حكيت لشيكو علي كل حاجة من يوم ما عرفت حمزة لحد النهاردة و كل دا و انا في حالة انهيار تام و مش قادرة استوعب اللي حصل

شيكو : يا ابن ال ..... مش قولناك يا بنتي دول اراهيبين و معقديين و انتي مسمعتيش كلامنا خلاص يا حبيبتني حصل خير و متزعليش كدا و لو عايزاني اروح اموتهولك انا هروح من غير تفكير

ليندا : لا و عشان خاطري انا مش عايزة اي حد يعرف باللي حصل انا مقولتس لحد غيرك

شيكو : متخافيش المهم دلوقتي البسي و انزلي هفسحك شوية فسحة من بتوع زمان دول و نفتكر الايام الحلوة بقي



ليندا : لا انا مليش نفس اخرج و لا اعمل حاجة

شيكو : لا يلا قومي انا مش هسيبك و كمان قعدتك في البيت وحشة عشان اهلك محدش  
يزعلك يلا يا حبيبي قومي انا مش هقدر اسيبك و انتي كدا

قفلت مع شيكو و انا حاسة اني محتاجة فعلا اني اخرج و اغير جو قومت لبست و انا  
بلبس الطرحة حسيت اني مش عايزة البسها و لا حتي الفستان روحت غيرت هدومي و  
لبست لبسي القديم و قررت اني هرجع لطريقي القديم و ان كنت غلطانة لما حاولت  
اغير حياتي انا خلاص هرجع لحياتي القديمة و لاصحابي و للشرب و لكل حاجة بعدت  
عنها عشان خاطر حمزة

\*\*\*\*\*

## الفصل العاشر

و نزلت من اوضتي و لسة هفتح باب الفيلا حسيت كأن في حاجة جامدة بتشدني انا  
مش عايزة اخرج انا مكسوفة اخرج كدا طب ليه ما انا لسة لابسة الحجاب قريب ليه  
مش عارفة اخرج  
حسيت بوجع اوي في قلبي و كأن حد بيقولي هو انتي كنتي عاملة كل دا عشان خاطر  
حمزة مش عشان خاطر ربنا و فجأة افكرت كلمة سمعتها في درس قد ايه خلنتي  
اتكسف اكثر من نفسي

وقت وفاه الرسول صلي الله عليه و سلم ابو بكر الصديق خطب في الناس لما مكنوش  
مصدقين خبر وفاته صلي الله عليه وسلم و قالهم (من كان يعبد محمدا فإن محمد قد  
مات ومن كان يعبد الله فإنه حي لا يموت )

وقتها قولت لنفسي و دا كان رسول الله الصادق الامين مش بشر عادي و ابو بكر  
الصديق خطب في الناس و قالهم كدا انا بقي اسيب ديني و ابعده عن ربنا عشان شخص  
ازي كنت هتجراً و هعمل كدا و انا كنت هموت من الندم لما عرفت طريق ربنا و  
ندمت علي عمري اللي ضيعته

وقتها انتبهت ان موبايلي عمال يرن كثير بصيت في الموبايل لقيته شيكو مقدرتش ارد  
عليه بعنله رسالة  
( انا مش هقدر اخرج و مش هقدر اكلمك تاني خالص عارفة انك هتقول مجنونة بس  
لو سمحت انا مش عايزة اكلم تاني مع ولاد و دا قرار المرة دي جاي مني انا ملهوش  
دعوة بأشخاص )



ليندا : عارفة يا ماما انا نفسي تجربي بس تقربي من ربنا هتحسي بلذة مفيش بعدها ابدأ هتحسي انك مش عايزة حاجة من الدنيا غير رضاه عليكي

ماما : بقولك ايه ابعدني عني انا مبسوفة بحياتي كدا مش عشان مفرضتش عليكي حاجة عايزة تبوظيلي دماغي

ليندا : مش هقولك حاجة لاني كنت اكرت منك و معاندة اني مش عايزة اقرب انا هديلك ربنا يهديكي و يقربك منك

ماما : ايه ربنا يهديكي دي شيفاني مجنونة

ليندا : لا يا ست الكل انا مقدرش اقول كدا ابدأ

ماما : انتي بقيتي بيئة كمان ياي انا همشي من عندك قبل ما اموت بسببك

ليندا

الايام الجاية صعبة عليا اوي بس انا مش خايفة انا معايا ربنا احسن منهم كلهم حاجة كمان جوايا انا مش عايزة اكلم اسيل و لا اسماء انا عايزة اقرب من ربنا لوحدني من غير ما حد يكون ليه تأثير عليا في اي حاجة حتي مش عايزة اسمع لشيوخ معينة انا هعمل بنصيحة اسيل هقرأ قرآن و اقرأ سيرة الرسول صلي الله عليه و سلم و برضو هحضر دروس بس لمشايخ مختلفة عشان ميبقاش في تأثير لاي حد عليا

ميزو : ازيك يا معقدة وحشتيني يا بت

ليندا : الحمد لله كويسة جدا و بعديين متقولش معقدة دي تاني بدل ما اضربك

ميزو : تضرربي مين يا بت نسيتي نفسك و لا ايه

ليندا : لا منستش نفسي انت اللي نسيت نفسك و مبقتش حتي تاخذ بالك من صحتك

ميزو : بقولك ايه متعلميش فيها ابلة الناظرة انا بس جيت اسلم عليكي عشان مهما كان حتي لو انتي معقدة فا انتي برضو اختي و عارف مسيرك هترجعي لطريقك يعني



فكرت اعمل ايه لقيتتي و انا ماشية بدخل محلات اطفال و بجيب لعب للأطفال و لبس كثير اوي

حسيت اني عايزة اروح دار ايتام انا عمري ما عملتها بس حسيت اني هفرح اوي لو عملت كدا و فرحت حد انا اه لوحدني دلوقتي بس اقدر ابقى في وسط ناس محتاجني الحقيقة اني انا اللي محتجالهم اكثر من ما هما محتاجني مكنتش عارفة مكان اي دار للأيتام قولت همشي بالعربية و ربنا هيرشدني فعلا و انا ماشية لقيت يافطة لدار ايتام ركنت العربية و طلعت

مديرة المكان : السلام عليكم اهلا بيكي نورتي

ليندا : اه و عليكم السلام ربنا يكرمك انتو عندكوا اطفال هنا

مديرة المكان : اه اكيد انتي جيبالهم تبرعات

ليندا : اه بس انا معلش عايزة ادهالهم بنفسي مش عايزة اسيبها و امشي

مديرة المكان : اكيد طبعا تحت امرك اتفضلي

طلعت و لقيت اطفال كثير اوي و فرحوا اوي بالهدوم و بالعب اول مرة جسمي يقشعر و احس اني بعمل حاجة فعلا لله و قعدت العب معاهم كثير و مكنتش عايزة امشي من وسطهم بجد فرحة عمري ما حسيتها قبل كدا

لقيت في رسالة علي موبايلي جيالي بعد لما خلصت بفتحها ( فاكرة فكرة الحبيب الابدني اللي كنتي دايمًا بدوري عليها انا اهو و هبقي دايمًا معاكي و عمري ما هسيبك ابدا انا حبيبك إلي الابد ..... )

\*\*\*\*\*







مش مصدقة هو انا سمعت الصوت صح و لا انا اللي اتلخبط  
لا ان اعارفة الصوت و عمره ما يتوه عني  
معقول ان اللي بعث الرسالة دي  
يبقي شيكو !!!!!!!!!!!!!

طب ليه و اشمعني دلوقتي ما انا كنت قدامه من زمان يا تري ليه مصلحة في كدا ???

مليون سؤال جوا دماغى ياررب نور بصيرتي و ميكونش في حد بيأذيني و احميني و  
احفظني و ثبتني  
قلبي مش مرتاح

ماما : ليندا باباكي عايز يكلم معاكي

ليندا : خير يارب دا عمره ما عملها

بابا : عارفة خالد ابن عمك

ليندا : اه ماله

بابا : لما عرف انك لبستي الحجاب و التزمتي طلبك للجواز انتي عارفة انه ملتزم زيك

ليندا : بابا انا لسة خارجة من تجربة و مش هقدر اتقبل اي حد في حياتي

بابا : قابليه و اقعدى معاه و بعد كدا احكمي

ليندا : احكم علي ايه اصلا و انا رفضاه من قبل ما اشوفه

بابا : هو اولي من الغريب و علي الاقل مش هيضحك عليك

ليندا : انا محدش يقدر يضحك عليا و بعديين ايه اولي من الغريب يعني مش فاهمة

بابا : يعني فلوسنا مش هتبقى بره لحد غريب هوو من العيلة و انا و عمك شركا

ليندا : يعني انت خايف علي الفلوس بتاعتك و مش خايف عليا

بابا : هو انا جاييلك اي حد تتجوزيه دا الولد مفهوش عيب و كل البنات هتموت عليه

ليندا : اسفة انا مش هقابل حد و مش هكلم مع حد

بابا : مش برضو يا ملتزمة يا للي تعرفي ربنا في حاجة اسمها طاعة الوالدين

ليندا : انا مكلمتش وحش بس برضو ديني علمني اني اختار و افكر مش اروح اعيش  
في حياه مش عايزاها و يبقي كدا مش بطيعكوا

بابا : و انا دماغي قفلت و هتقابليه يعني هتقابليه

ليندا : هصلي استخارة الاول

دخلت اوضتي و قعدت اعيط جامد انا فعلا مش مؤهلة ان ارتبط بحد و خصوصا اني  
عارفة ان خالد عايزني عشان فلوس و بس مش عايزني لشخصي

لقيت الموبايل بيرن و لقيته شيكو بقيت مترددة ارد عليه و لا لا  
قولت لا مش هرد انا و عدت ربنا اني مش هكلم ولاد تاني

قولت اقعد علي الفيس شوية قومت جبت اللاب و كان الاكونت بتاع ميزو مفتوح و  
اتصدمت لما شوفت الكلام لقيت شيكو بيكلم ميزو و باعته رسالة بيقوله  
يا ابني اختك مبردش عليا و شكلها كدا مش نافع معاها حاجة

الكلام خلي عندي فضول و شك فيهم قولت هشوفهم بيتفقوا عليا في ايه و لقيت الكلام  
دا

ميزو : شيكو عايز منك مصلحة و لو عملتها هزودلك مرتباك الضعف

شيكو : عيونني ليك يا باشا

ميزو : بص انت اقرب حد لي ليندا و انت عارف انها عاندة علينا كلنا و عارف انها  
مبتكلمكش

شيكو : طيب انا اعمل ايه

ميزو : اسمعني يا زفت لحد لما اخلص كلامي

شيكو : اسف اتفضل

ميزو : هتحاول الفترة الجاية تقرب لي ليندا و تحسسها انك فرحان باللي هي عملته و  
انه بقت محجبة و كدا و هتقولها انك بتحبها

شيكو : بحبها زي اختي يعني

ميزو : انت غبي كدا ليه هتحسسها انك بتحبها حب حب و تزن عليها كتير و تخليها  
تحس انك بتعمل المستحيل عشانها انت كنت اقرب واحد ليها شوف تقدر تعمل دا ازي

شيكو : اه و بعديين يعني هتجوزها

ميزو : انت اهل انا اجوزك اختي يا معفن دا انت حته عيل شغال عندي  
انت بس هتخليها تحس بكدا وحسسها انك بتفكر نفس تفكرها و موافقها في كل حاجة  
بتعملها و اقف جمبها جدا و بعديين سنة سنة اضعفها و رجعها لطريقها القديم

شيكو : بس انت عارف اللي في دماغ ليندا بتعمله محدش بيعرف يآثر عليها

ميزو : انت و شطارتك و كله بالفلوس

ليندا

انا بجد مصدومة بيتفق عليا كدا و لا كأني اخته و يهमे مصلحتي كل دا عشان ايه و  
ليه

لقيت بابا جاي و بيقولي  
يلا قومي البسي عمك و ابنه تحت

ليندا : مش هنزل اقبال حد

بابا : عيب كدا هتخلي عمك يقول اني معرفتش اربيكي

ليندا : انا متربية الحمد لله وواثقة في تربيتي

بابا : انزلي و بعد كدا ابقى اعلمي اللي انتي عايزاه متخرجنيش مع الناس

ليندا : حاضر

فعلا لبست و نزلت اول ما دخلت

عمو : مبروك يا عروسة ربنا يحفظك يا بنتي يارب و يهديكي كمان و كمان

ليندا : عروسة ايه يا عمو انا نازلة اسلم عليك عادي

عمو : ليه هو انتي فريد مقالتيش ان احنا جاين نخطبك

ليندا : لا مقاليش

عمو : دا كلام يا فريد مش كان لازم برضو العروسة تعرف

بابا : يلا و اديها عرفت اهي

خالد : تعالي نكلم شوية بقي بقالي كثير مشوفنتكيش

ليندا : نكلم في ايه مفيش بنا كلام

خالد : ازي يعني مفيش بنا كلام انا دلوقتي في حكم خطيبك

ليندا : خطيبي ازي يعني انا موافقتش اصلا

خالد : بس خلاص احنا قرينا الفاتحة

لیندا : !!!!!!!!!!!!!

\*\*\*\*\*

## الفصل الثاني عشر

اتصدمت لما عرفت انهم قروا فاتحتي علي الشخص دا معقول توصل بيهم حبهم  
لمصلحتهم انهم يقروا فاتحتي من غير ما اعرف كل دا عشان ايه عشان الفلوس  
فوضت امري ليك يارب

خالد : اتكلمي معايا و اسأليني في اي حاجة انتي عايزاها و بعديين يعني احنا ولاد عم  
و انا اولي بالغريب و هحك مع الايام

ليندا : انا مش عايزاااااااك ايه مبتقهامش

جريت علي باب الفيلا و خدت العربية و قعدت الف بيها و انا في حالة انهيار قعدت  
استغفر ربنا كثير اوي عشان الاستغفار مفتاح الاقفال كنت حاسة ان كل حاجة بايظة و  
كل الناس عليا معيش اي حد كل شوية مشكلة ووجع و محدش حاسس بيا لقتني بطلع  
الموبايل و بكلم اسيل

اسيل : السلام عليكم لي لي وحشتيني اوي

ليندا : اسيل انا في مصيبة و محتجالك جدا عايزة اقابلك دلوقتي

اسيل : خير يا حبيبتى اهدى في ايه

ليندا : قروا فاتحتى على ابن عم غضب عني

اسيل : طب انتي فين دلوقتي

ليندا : انا في مدينة نصر

اسيل : طب عدي عليا في البيت و تعالى اقعدى معايا انا جوزي مسافر و قاعدة لوحدى

ليندا : اوك ماشي

وصلت بيت اسيل كانت الناس بتفرج عليا في الشارع من كتر العياط و الانهيار اللي كنت فيه

اول لما دخلت اتفتحت في العياط اكثر

اسيل : اهدى بس يا حبيبتى الله يخليكي و فهميني براحة في ايه

ليندا : انا تعبانة من كل حاجة و حاسة اني لوحدى و مفيش حد معايا

اسيل : ربنا معاكي احسن من كل الخلق دي كلها و انا كمان معاكي مش هسيبك

ليندا : انا لقيت اخويا متفق مع شيكو صاحبي عليا و عايزه يمثل انه بيحبني عشان بيعدني عن ربنا انتي متخيلة ان اقرر ب حد ليا يعمل كدا و كل دا عشان بس قربت من ربنا

اسيل : لا حول و لا قوة إلا الله اثبتى يا حبيبتى كلها اختبارات من ربنا و احمدي ربنا انه نور بصيرتك

ليندا : و لقيت بابا النهاردة خاطبلي واحد مبطقهوش و لا عايزاه ابدأ كل دا عشان الميراث مبيقاش لحد غريب

اسيل : طيب اتكلمي مع الولد يمكن يكون كويس و بيحبك بجد

ليندا : هو زيهم كل اللي همه فلوس و داخلي من مدخل الدين عشان اقتنع  
اسيل : طيب قومي اتوضي و صلي ركعتين اهدي و اكون انا حضرتك اكل و حاجة  
تشربيها و بعديين نكلم علي روقان و لو مفيش مشكلة عندك انك تباتي باتي معايا انا  
جوزي مسافر بره

ليندا : انا بتقل عليكي اوي بس انا فعلا مليش حد و لا صاحب خالص دلوقتي غيرك

اسيل : طب قومي بدل ما اضربك و اخليكي تعيطي اكثر : @: @

ليندا : ربنا يجزيكي كل خير انا بحبك في الله  
اول مرة اقولها لحد ٨-٨

اسيل : يا قلبي انا كمان بحبيبيك اوي في الله يلا قومي صلي

و قعدنا و اتغدينا و شربنا عصير بجد اسيل حنينة اوي و طيبة جدا انا حاسة انها اختي

اسيل : بت يا لي لي

ليندا : نعم

اسيل : معاكي رقم ابن عمك دا

ليندا : اه ليه

اسيل : هاتي اكلمه و احاول انا معاه يمكن يقتنع

ليندا : مش عايزاهم يعرفوا اني عندك هيعملوك مشاكل  
اسيل : ملكيش دعوة هاتي بس الرقم

ليندا : عندك موبايلي اهو خديه و اكلمي منه عشان ميعرفش رقمك



اسيل : اوك

خالد : حبيبتي كنت عارف انك هتتصلي

اسيل : ..... السلام عليكم حضرتك انا مش ليندا

خالد : اؤمال مين

اسيل : واحدة صاحبته

خالد : اه و عايزة ايه تلاقيني انتي اللي بتقويها عليا

اسيل : بقويها عليك ايه انا اصلا لسة عارفة الموضوع و بعديين ياريت تكلم بطريقة محترمة اكثر من كدا شوية

خالد : لا بقي انا محترم غصب عنك و عنها و انا هوريها و هربيها من جديد لحسن شكلها متربتش

اسيل : انا متصلة اكلم مع حضرتك براحة ليه بتزقق

خالد : اتفضلي عايزة ايه

اسيل : دلوقتي محدش بيتخطب لحد بالطريقة دي علي الاقل اديها فرصة تعرفك

خالد : ما انا قولتلها اقعدني و اسالي في اي حاجة عايزاها

اسيل : بعد ايه هي دلوقتي حساه انها مجبرة عليك عمرها ما هتتقبلك معلى انتو اتسرعتوا

خالد : يعني كنتي عايزانا نستني يعني لحد لما يرجعها الحيوان اللي كانت هتجوزه و يكوش علي الفلوس كلها



انتي عارفة رغم ان خالد دا شخص مش كويس مش عايزة اخذ عشانه ذنوب بس انا واثقة ان دخوله في الوقت دا في حياتك من وراه حكمة حاجات كتير اوي مبنقاش عايزنها بس بتحصل و بضايقنا و بعد فترة تحصل حاجة تأكدلنا ان الحاجة دي لو مكنتش حصلت كان هيحصل مصايب و رغم ان وقتها بضايقك إلا انك بعديين بتحدي ربنا عليها انها حصلتاك عشان كدا خلي عندك يقين بالله و سلمي امرك ليه و اعرفي انه هيرضيكي و هيكرمك من وسع

ليندا : فوضت امري ليك يارب

اسيل : يلا بقي مش هتنامي و لا ايه هحضرلك فسحة حلوة بكرة نامي بدري بقي

ليندا : انا فعلا صدعت من العياط هنام

اسيل : ونستيني يا بت يا لي لي كنت بقعد لوحدي انا هتبناضي خلاص

ليندا : ونستيني ايه اللغة العجيبة دي

اسيل : بتتريقي عليا هتفوقي عليا و لا ايه

ليندا : لا لا مقدرش انتي حبيبيتي

اسيل : طيب يلا اتعاملي بأدب عشان اتبناضي

ليندا : هتدليني يعني اكمني ضعيفة و منكسرة و ساوية بيت اهلي

اسيل : اه هو نظام الاقامة عندنا كدا عجبك و لا مش عجبك

ليندا : حتي لو مش عاجبني مضطرة اقبل بالامر الواقع

اسيل : طب ما تحاربي الامر الواقع اللي مش عاجبك دا و تغيريه انتي قوية و تقديري

ليندا : الله المستعان

اسيل : اللي يفتكر اول مرة اشوفك فيها ميصدقش انك بقيتي كدا دلوقتي بجد انا فخورة بيكي

ليندا : ربنا يكرمك يارب انا اللي بجد فخورة بيكي و نفسي اكون زيك

اسيل : هتبقي احسن مني اصلا دا لو مكنتيش بالفعل بقيتي احسن مني

و قعدنا نكلم انا و اسيل لحد ما نمنا و حكيتلها علي دار الايتام لما روحتها كانت مستغرباني اوي انا فعلا بندم علي غبائي و علي كل لحظة ضيعتها و انا بعيد عن ربنا

لقيت اسيل بتصحيني الساعة 3 الفجر

اسيل : لي لي قومي بقي يلا

ليندا : ايه في ايه هو الصبح جه

اسيل : لا لسة الصبح مش جه قومي صلي قيام معايا انا عايزاكي معايا في الفردوس الاعلي الجنه و صعب عليا اسيبك نايمة و اصلي انا

قد ايه كنت طايرة من الفرحة لما قالتلي كدا انا اول مرة في حياتي حد يصحيني عشان طاعة و احس انه بيحبني مش بس عايزني ابقى معاه في الدنيا لا دا عايزني في الفردوس الاعلي من الجنه كمان

ليندا : الله ♥ انا اول مرة حد يعمل معايا كدا انا بحبك اووووووي

اسيل : و انا كمان بحبك قومي يلا بقي عشان نلحق نصلي

صلينا قيام و كان في سكون كدا في المكان و راحة نفسية كبيرة اوي و الفجر اذن صلينا الفجر جماعة انا و هي و من قبلهم صلينا سنة الفجر لانها خير من الدنيا و ما فيها

و بعد الفجر

اسيل :تيجي نعمل عمرة

ليندا : ازي مش لازم يكون معايا محرم

اسيل : احنا هنعملها دلوقتي و احنا قاعديين

ليندا : نعم ازي يعني

اسيل : بصي في حديث بيقول "من صلى الفجر في جماعة، ثم جلس يذكر الله حتى تطلع الشمس، ثم صلى ركعتين، كانت له كأجر حجة و عمرة تامة، تامة، تامة"

ليندا : الله اول مرة اعرف

اسيل : تعالي نقول اذكار الصباح و بعديين نقراً قرآن و بعديين ننام شوية و نبدأ يومنا اللي انا محضر هولك

و بعد لما نمنا و صحينا

اسيل : صباح الفل يا قمر

ليندا : صباح النور

عارفة يا اسيل انا حاسة كأني اول مرة انام في حياتي كلها حساه براحة غريبة و مطمئة اوي مش خايفة من اي حاجة و حاسة بقوة جوايا و يقين في الله اني هفرح فرحة كبيرة اوي

اسيل : يارب دايم كدا ♥

يلا بينا بقي البسي عشان نبدأ فسحة النهاردة دا انا هبهرك هخليكي مبسوطه اكثر من دلوقتي

ليندا : هتوديني فين ؟؟؟؟؟؟؟؟؟

\*\*\*\*\*



ليندا : اسيببييل بطنننننني مش قااااااالدره همووووت

اسيل : يالهووووووي مش قولتي مبتعبيش من الاكل دا

ليندا : مش وقته اتصرفي بقي هموت خلاص اشهد ان لا إله إلا الله و ان محمد رسول الله

اسيل بدأت تعيط : انا اسفة و الله مكنتش اعرف هنطلع علي المستشفى دلوقتي متخافيش

ليندا و هي ميته من الضحك : و ضحكت علييبيبيبيكي

اسيل : بتهزري؟؟؟

ليندا : و الله مش فيا حاجة و زي القردة اهو انا كنت بهزر معاكي

اسيل : اتصدقي انا هروح اوديكي لاهلك دلوقتي و اخليهم يجوزوكي خالد بالعافية حلال فيكي

ليندا : اهون عليك يعني

اسيل : وقعتي قلبي حرام عليك

ليندا : اصل انا قولت انا منكدة عليك علي طول افرحك شوية

اسيل : انتي كدا فرحتيني يعني امشي يا بت قدامي يلا عشان نلحق الدرس

ليندا : في اي جامع

اسيل : متقلقيش مسجد جديد اسمه ابو بكر الصديق في شيراتون فيه درس سيدات بس حلو اوي



ليندا : احبك و انتي فهماني كدا

كنت فررحانة اوي اني هحضر درس علشان في كل مرة بيكون عندي حاجة بحس ان ربنا بيوصلني رسالة عن طريق الدروس دي و النهاردة اكثر حاجة انا حساها هي ان الكل ضدي و كل شوية حد يسيبني و يبعد عني و مفيش حد بيعني علي اني اقرب من ربنا كل الناس جايين عليا اوي حتي اهلي مستنيه رسالتك ليا يارب

الدكتورة : بسم الله و الصلاه و السلام علي رسول الله ازيكوا حبيباتي وحشتوني جدا من الاسبوع اللي فات

الحضور : و انتي كمااااااان وحشتينا اوي

الدكتورة : ربنا يعزكوا خليني اسألكم سؤال النهاردة مين بيكون واثق في ربنا وقت العطاء و بيكون معترف ان ربنا اعطاه الكثير من نعيمه

الحضور : انااااااااااااااااا

الدكتورة : طيب مين بقي بيثق في الله و رحمته لما يحس بالفقد او المنع بعد العطاء دا هل بتقولوا طيب ليه يارب دا انا بعملك كل حاجة حلوة ترضيك ليه خلتي اخسر دا و لا بتقولوا الحمد لله و بتكونوا واثقين فعلا بالله انه هيعوضكوا و هيكرمكوا من وسع و ان دا مجرد ابتلاء

الحضور : .....

الدكتورة : اااااا شوفتوا بقي سكتوا ازي لان اغلبنا بيثق في الله وقت العطاء لكن وقت المنع ثقته بتقل و عشان كدا هنكلم النهاردة عن الابتلاء

ابتلاء ممكن يواجه الإنسان لو بدأ أن يقترب من الله ويترك بعض المعاصي، ممكن يواجه بين أصحابه بعض السخرية منه أو بعض الاستغراب من طريقته أو اللوم لأنه تشدد ودخل بسرعة في التدين، مع أنه بس بدأ يصلي أو أنها لبست الحجاب، أو أنها بدأت تضبط علاقاتها اللي كانت منفتحة مع الجنس الآخر، ولم تتشدد في أي شيء أو تسخر من العاصي مثلاً، عشان كدا يبدأ يشك في الطريق اللي هو دخل فيه و شوشو بقيا ميتوصاش يقولك ما انتي قربتني من ربنا ليه بقي الناس بتخسررك و بتبعد عنك

انتي بكل قوة ردي وقولي لأن الله له حكمة إذا حصل معنا هذا، وقد صدق الرسول عندما قال: "بدأ الإسلام غريباً وسيعود غريباً كما بدأ"، يعني ممكن يشعر الشخص صاحب الأخلاق المهذب المحب لربه ببعض الغربة وسط مجتمعه ولذلك يلجأ إلى الله وحده ليستأنس به وحده ويطلب منه أن يسهل عليه وأن يهدي أصحابه ومن حوله ويذيقهم الخير الذي ذاقه.

و ممكن تكوني وسط صحبة سيئة كانت جراكي للمعاصي والكبائر والبعد فا ممكن انتي تبقي داعية ليهم و تبقي سبب كبير في هدايتهم و قربهم من ربنا فا يكون ظاهر الامر ابتلاء و باطنه خير كبير فاصبروا وادعوا لهم وكونوا معهم مادام قربهم لا يؤثر على دينك وصلتك بربك.

و بعد الدرس

ليندا : عارفة اني كنت مستتية رسالة من ربنا توصلني من الدرس دا و فعلا انا بجد مش مصدقة نفسي

اسيل : ربنا حنين و كريم اوي

ليندا : نفسي يكون ليا صحبة سالحة كتير

اسيل : طب تعالي معايا

روحنا مكان للتطوع جوه المسجد و حجزنا في مجموعة لحفظ القرآن و علي حظي كانوا طالعين رحلة خيرية يوزعوا بطاطين علي فقراء كانوا جامعين اسميهم بقالهم فترة و هيروحوا ليهم بيوتهم

اسيل : ها تحبي تروحي معاهم و لا نخرج احنا لوحدنا

ليندا : لا عايز ابقى معاهم

اسيل : هيسافروا الفيوم و هيرجعوا بليل هتقدري

ليندا : اه

اسيل : ماشي يلا توكلنا علي الله

ركبنا اتوبيس هي اصلا كانت رحلة رايحين يتفسحوا في الفيوم بس قالوا يعملوا خير و  
هما بيتفسحوا اول ما وصلنا روحنا اتغدينا في مطعم و كانوا بنات لذيدة جدا و قعدنا  
نهزر كثير اوي مكنتش متخيلة ان دمهم خفيف كدا و بعديين روحنا لاماكن الاسر  
الفقيرة شكلهم صعب عليا موت و بجد ناس تستحق اوي و الناس بقت تدعيننا كثير  
اوي

و بعد لما خلصنا بدأنا رحلتنا و روحنا وادي شلالات وادي الريان و البحيرة السحرية  
كان شكلها جميل اوي سبحان الخالق

ليندا : انا اتبسط اووووي

اسيل : يلا عشان تعرفي بس اننا مش معقدين

ليندا : بجد ياريتي كنت ملتزمة من بداية حياتي

اسيل : الحمد لله ان ربنا هداكي لطريقه يلا شدي اصحابك و اهلك دي اهم حاجة

ليندا : انتي اكثر واحدة عارفة هما عاملين ازي و عاندين معايا ازي

اسيل : ادعيلهم كثير و ان شاء الله ربنا هيهديهم

ليندا : الحقي خالد بيكلمني اعمل ايه

اسيل : ردي شوفيه عايز ابيه

ليندا : اوك

خالد : الو ازيك يا ليندا

ليندا : الحمد لله

خالد : انتي فين كدا

ليندا : خارجة مع صحابي شوية في ايه

خالد : طيب يارب تبسطي عموما انا فكرت في كل حاجة و انا محبش ارتبط ببنت مش طيقاني فا انا اتكلمت مع باباكي و خلاص نهيت الموضوع ممكن تقدرني ترجعي علي البيت و محدش هيكلمك نص كلمه انا اكلت معاهم و خلاص

ليندا : انت بتهزر

خالد : لا و الله ما بهزر بصي يا ليندا يمكن طريقة ارتباطي بيكي كانت طريقته غلط بس انا بحبك بجد من زمان و اللي بيحب حد بيحب دائما يشوفه سعيد حتي لو من غيره فا انا قررت انسحب من حياتك للأبد صحيح عرفت بموضوع الحبيب الابدي و كان نفسي اكون انا بس اتمنالك انك تلاقيه قريب اوي

\*\*\*\*\*

## الفصل الرابع عشر

بعد لما خالد قال ان خلاص الموضوع خلص و انه اقنع بابا و كل حاجة تمام و انه عمل كدا عشان بيحبني من زمان انا مبقتش عارفة اقوله ايه

خالد : انا عارف انك مستغربة و مصدومة من اللي بقوله بس بجد انا بحبك اكثر من نفسي و بخاف عليكي جدا و اهم حاجة عندي انك تكوني مبسوفة انا هقفل عشان عارف انك مش لاقية رد و عموما اتمني تعيشي حياتك مع اللي يستاهلك

اسيل : في ايه عايز ايه

ليندا : انا مش مصدقة مش عارفة اكلم

اسيل : براحة بس كدا و فهميني

قعدت احكي لاسيل علي كل الكلام اللي قالوا و اسيل قالتلي صلي استخارة يمكن يكون فيه الخير فعلا ليكي هو ممكن يكون بيحبني بجد و لا يا تري لعبة من لعب اخويا معاه عشان اتجوزوا و في الاخر مصلحتهم تتم فعلا مفيش غير الاستخارة بس انا مش عارفة الاستخارة بتتصلي ازي هكلم اسيل اسألها

ليندا : اسيل الاستخارة بتتصلي ازي

اسيل : بصي هنتوضي و تنوي انك تصلي ركعتين استخارة و تصلي ركعتين الركعة الاولى هتصلي بي سورة الكافرون و الركعة الثانية بسورة الاخلاص دي سنة مش فرض تقري كدا بس سنة عن الرسول صلي الله عليه وسلم و بتسلمي و بعديين هتدعي اول الدعاء تحمدي و تنثي علي الله سبحانه و تعالي مثلا اللهم لك الحمد كما ينبغي لجلال وجهك و لعظيم سلطانك و بعديين هتصلي علي النبي صلي الله علي وسلم و بعديين تقولي دعاء الاستخارة

" اللهم اني استخريك بعلمك و أستقدرك بقدرتك و أسألك من فضلك العظيم فإنك تقدر و لا اقدر و تعلم و لا اعلم و انت علام الغيوب اللهم ان كنت تعلم أن ( و تسمي حاجتك ) خير لي في ديني و معاشي و عاقبة امري فاقدره لي و يسره لي و إن كان هذا الامر شراً لي في ديني و معاشي و عاقبة امري فأصرفه عني و أصرفني عنه و أقدر لي الخير حيث كان ثم ارضني بيه "

ليندا : بجد مش عارفة اشكرك ازي

اسيل : بس يا هبله احنا اخوات في الله مفيش بنا شكر

ليندا : ماشي هو انا لازم احلم بحلم عشان اشوف نتيجة الرؤية

اسيل : لا خالص ممكن راحة نفسيه او ان الموضوع يمشي لوحده او يحصل حاجة تكون عقبة

ليندا : تمام ادعيلي عشان قلبي مش مرتاح

اسيل : خير ان شاء الله

و بعد ما صليت لقيت خالد بيتصل بيا

خالد : انا عارف اني ضايقتك بكثر اتصالي انا بس هطلب منك طلب واحد

ليندا : اتفضل

خالد : ممكن تصلي استخارة انا فعلا بحبك اوي و كنت ما صدقت اني قربت منك  
كلامي ليكي مكنش عشان بقول كلام و خلاص عشان ترجعي لا انا فعلا قفلت  
الموضوع بس مش قادر اقفله جوايا فا انا معملتكيش حاجة وحشة ممكن نتكلم و صلي  
استخارة واللي فيه الخير ربنا يقدمه  
ليندا : ممكن اسالك سؤال

خالد : اكيد اتفضلي

ليندا : ازي كنت بتكلم بطريقة همجية و كلمت اسيل و كان كل كلامك علي الفلوس و  
دلوقتي بتكلم انك بتحبني كان اولي تقول لاسيل انك بتحبني من الاول

خالد : اصل انا معرفتش و اتخرجت من اسيل و دي كانت قدامي الحجة الوحيدة اللي  
اقولها

ليندا : كلامك ميدخلش دماغ عيلة صغيرة

خالد : ليه مش عايزة تصدقيني طيب اديني فرصة

ليندا : اسفة يا خالد كل شئ قسمة و نصيب حتي لو انت فعلا بتحبني فا انا صليت  
استخارة و مش مرتاحة

خالد : انا نفسي افهم مين اللي لاعب في دماغك بالطريقة الزفت دي مسيطر عليكي  
ضدنا كلنا و بيخليكي تبعدني عن اهلك و طريقهم

ليندا : قول بقي ان ميزو باعتك

خالد : انا محدش باعتني

ليندا : اتلعبت مع غيرك و اكتشفتها فا متحاولوش تلعبوا عليا تاني

خالد : انا مليش دعوة بحد انا بتصرف من نفسي مش بدماغ حد

ليندا : ماشي يا خالد و انا بقولك كل شئ قسمة و نصيب و لو سمحت مش هينفع اكلم  
اكثر من كدا

خالد : ماشي يا ليندا بس اعرفي انك انتي اللي خسرانه

ليندا : ماشي انا بحب اخسر يلا سلام عليكم

خايفة اكون ظلمت خالد بس فعلا اللي حساه اني مش مرتاحة لاليه و لا لطريقة كلامه  
و بكل الاحوال هما مصلحتهم كبيرة اوي اني اتجوزه سواء عمي او بابا فا ممكن  
يعملوا اي حاجة عشان يخلوني اقتنع

قعدت شوية علي انت اكلم مع صحباتي البنات الجداد بجد حبيتهم اوي و بقي ليا  
صحبة صالحة كبيرة بنذكر بعض بالصلاه و الاذكار و لو في دروس بنروح مع بعض  
حاسة اني بجد لقيت نفسي معاهم

لقيت رقم غريب بيتصل بيا توقعت انه خالد فا سييته يرن قعد يرن اكثر من 10 مرات  
و في الآخر رديت

ليندا : ابوة يا خالد عايز ايه

- بس انا مش خالد

ليندا : معلش اسفة مين معايا

- انتي مش عارفاني

ليندا : حمزة :!!!!!!!!!!!!!!!!!!!!

حمزة : اه

ليندا : عايز ايه

حمزة : مين خالد؟؟



ليندا : و انت مالك شئ ميخصكش

حمزة : طب اهدي انا مش متصل اتخانق

ليندا : عايز ايه

حمزة : بصي يا ليندا فاكرة لما قولتلك انتي مش الزوجة اللي انا طول عمري بتمناها

ليندا : اه

حمزة : وقتها كنت عايزك بدرجة تدين اعلي من كدا و تلتزمي اكثر و كنت حابب ابعد فترة عشان ميبقاش وجودي في حياتك كان مجرد تعلق و بس كنت عايز ابعد عشان اتأكد انك فعلا بتحبيني مش واحد دخل حياتك فا عشان ساعدك حسيتي انك بتحبيه

ليندا : تقوم تتخلي عني قدام اهلي و الناس كلها صح

حمزة : انا مكنتش اقصد اعمل كدا و كنت عارف ان كدا كدا اهلك رافضني فالو دخلت بينهم في الوقت مش هيبقوا حبيبي قولت لازم اشتغل و اسعي اكثر عشان اكسبهم و احسسهم اني فعلا استاهلك و بعمل اي حاجة عشانك

ليندا : اه و عايز ايه يعني دلوقتي

حمزة : انا عايز اتقدملك تاني و ننسي كل حاجة و نبدأ كأننا نعرف بعض من جديد

ليندا : اه و المفروض انا اعمل ايه ؟

حمزة : الاختيار في ايديكي شوفي انتي عايزة تعملي ايه

ليندا : متعودتش ارجع لحد بعد لما بيعني

حمزة : انا مبعتكيش انا فعلا بحبك بس كان لازم ابعد غصب عني و انا مستعد اعمل اي حاجة تطلبها

ليندا : انت عارف انت عملت فيا ايه انت كنت الانسان الوحيد اللي وثقت فيه بعد لما فقدت ثقتي في كل اللي حواليا بسببك كنت هقلع الحجاب و هرجع لطريقي القديم و بسببك برضو ميزو اتفق مع شيكو انه يضحك عليا بإنه بيحبني عشان يخليني ارجع لطريقي القديم و قرروا فاتحتي علي ابن عمي غصب عشان بس الفلوس و كان كل كلامهم انا مبعرفش اختار و هما اللي هيختاررولي بعد كدا كلوا المفروض اسامحك و ارجع كنت هتعمل ايه لو كنت لسة مخطوبة و لا لو كنت رجعت لطريقي القديم

حمزة : كنت واثق من ايمانك و انك حبيتي ربنا بجد بس انا مكنتش عايز انك تبقي بتعملي حاجة تقربك من ربنا عشاني انا كنت عايزك تبقي تعملي دا عشان ربنا و مكنتش لاقى طريقة غير اللي عملتها

ليندا : و ايه اللي رجعتك

حمزة : عشان دلوقتي الصورة اللي كنت بتمنهاها في مراتي بقت انتي و بتمني انك تقبليني اكون زوج ليكي ليندا انا لسة بحبك و ارجوكي تسامحيني انا بجد مش عايزك غيرك من الدنيا كلها تتجوزيني ؟؟؟؟؟؟؟؟؟؟؟

\*\*\*\*\*



## الفصل الخامس عشر

حمزة : ها يا ليندا تتجوزيني ؟؟؟؟؟؟؟؟؟

ليندا :فاكر لما قولتلي اني مطلعتش الزوجة اللي راسمها في خيالك اهو انت دلوقتي بقي مش الزوج اللي انا رسماه في خيالي و مش بردهالك و خلاص فعلا انت متنفعيش دلوقتي خالص و انا عمري ما حبيتك زي ما انت قولت انا كنت متعلقة بس ان اول حد كنت فاكرة انه راجل و محترم قابلته بس محدش بيتعلم ببلاش ولو انت بتحبي دي حاجة تخصك مليش دعوة بيها

حمزة : بلاش تخلي عندك عليا يضيع كل حاجة يا ليندا انا خلاص بجد نفسي تسامحيني و متبقيش زعلانة مني

ليندا : اعند علي مين انت اصلا متفرقش معايا في حياتي حاجة عشان اعند عليك او حتي افكر فيك و بعديين لو علي اني اسامحك فا اللي بيسامح ربنا و لو سمحت اظن انت عارف حكم الشرع او حافظه يعني و عارف اني مينقش اكلمك سلام عليكم

قعدت اعيط جامد اوي اول لما قفلت و لقييت اسيل بتكلمني

اسيل : السلام عليكم

ليندا : و عليكم السلام

اسيل : مال صوتك

ليندا و هي منهارة : انا تعبت اوي يا اسيل كل حاجة جاية عليا ورا بعض اهلي و خالد  
طلع كان بيعمل حوار عشان يضحك عليا و يخليني اتجوزه عشان مصلحته و حمزة  
دلوقتي كلمني

اسيل و كلها زهول : حمزة كلمك عايز ايه ؟؟؟؟؟؟؟

ليندا : عايز يرجع و بيقولي انه بعد عشان ايماني يقوي و ابقى بعبد ربنا عشان ربنا  
مش عشانه

اسيل : و انتي صدقتيه ؟

ليندا : لا طبعا و قولتله انت قولتلي اني مش الزوجة اللي راسمها في خيالك دلوقتي  
انت مش الزوج اللي انا اتمناه و مش عايزاك

اسيل : جدعة و الله المفروض تقرحي مش تعيطي يا عبيطة ربنا عينك اللي يستاهلك  
بجد لا خالد و لا حمزة يستاهلوكي و ربنا هيعوضك و بكرة تقولي اسيل قالت

ليندا : اصلا مبقتش عايزة اتجوز

اسيل : هتجوزي غصب عنك مش بمزاجك علي فكرة

ليندا : حتي دي هتبقى بالغصب

اسيل : اه و هتقرحي و هتتسي اي وجع كان في حياتك قبل كدا

ليندا : و ايه مخليكي واثقة اوي كدا

اسيل : واثقة في رحمة ربنا مفيش واحدة بتتقي ربنا و بتحاول ترضيه و ربنا مش  
هيرضيها



قومت اصلي و قعدت اعيط اكثر يارب انا قلبي بين ايديك تقلبه كيف تشاء يسر لي امري و فرج كربتي و فرح قلبي يارب قربني منك و اغفر لي و اهدي اهلي و اجعلني سبب في هدايتهم و ادخلنا الفردوس الاعلي من الجنة بدون حساب او سابقة عذاب و يسر لي امري و ارزقني الزوج الصالح الذي يعني علي طاعتك و ابعد عني كل شر يارب انت العالم باللي جوايا اكثر مني ربح قلبي يارب

خلصت صلاه لقيت ميزو داخل علي الاوضة

ميزو : عاملة ايه

ليندا : الحمد لله و انت

ميزو : انا مش كويس يا ليندا خالص :)))

ليندا : مالك وشك كئيب كدا ليه حصل ايه

ميزو و بدأ في العياط : انتي وحشتيني اوي يا ليندا انتي عارفة انك كنتي اغلي واحدة عندي في الدنيا دي كلها و كل صحابنا مصالح انتي الوحيدة اللي كنتي بتخافي عليا و بتحسي بيا دلوقتي لو قولتهم ايه هيقلولي معاك بس عشان مصلحتهم انا حاسس اني وحيد جدا من غيرك فاكرة يا لي لي لما كنتي تيجي تقعدني معايا في الاوضة و نسهر نفرج مع بعض علي افلام لحد الصبح و لو شربت بتبقي مرعوبة عليا وحشني خوفك عليا و حنيتك انتي عارفة بابا و ماما كل واحد فيهم مع نفسه و لا حد ببسأل عليا انتي الوحيدة اللي كنتي ليا ممكن ترجعيلي اختي اللي بتحبني

ليندا : يا حبيبي انت اخويا اللي بموت فيه و لا يوم اقدر اتخلي عنه ابدًا بس انت يا ميزو جيت عليا اوي اوي و شوفت كلامك مع شيكو و انك بتخليه يضحك عليا انا اتوجعت منك اوي

ميزو : انا و الله عملت كدا عشان ترجعي ليندا بتاعة زمان

ليندا : علي فكرة مش اني التزمت هو اللي بعدني عنك بالعكس الالتزام بي فرض عليا  
اني اقرب منك اكثر انت و ماما و بابا بس انتو كنتوا بتعاملوني وحش جدا و غصب  
عني خدت جمب منكوا كلكوا و بعدت عني في اكثر وقت كنت محتجالك تحميني من  
كل الناس انا كمان مليش غيرك علي فكرة بعد ربنا

ميزو : طب خلاص خلينا نفتح صفحة جديدة مع بعض و انا او عدك اني هحميكي و  
هبعي ظهرك اقولك علي حاجة هتفرحك

ليندا : قول

ميزو : انا بقالي اسبوع مبطل شرب

ليندا : الحمد لله بجد فرحتني جدا دا من نفسك و لا ايه السبب

ميزو : حسيت اني قرفت من الحياه دي كلها و قرفت من نفسي اوي علي فكرة انا كنت  
هنتحر

ليندا : يالهوي ايه اللي وصلك لكدا يا ميزو

ميزو : مش حاسس بأي طعم للحياه و بعدك عني اثر عليا جامد اوي انتي مش اختي يا  
ليندا بس انا كنت بعترك ماماتي و بنتي و صاحبتني

ليندا : تعرف انا ايه خلاني اقرب من ربنا

ميزو : ايه

ليندا : نفس احساسك اني قرفانة من نفسي و حساه ان حياتي هي يوم واحد و عمال  
بيكرر بس بجد لما قربت من ربنا علي حق كل دا راح و بقيت بحب حياتي جدا و  
نفسي احقق حاجات كثير اوي بقيت عايشة لسبب و اعظم سبب هو اني اعبد ربنا و  
اعمر في ارضه ربنا اذانا نعمة اننا اغنياء مش عشان نصرفها في الحرام ربنا اذانا  
الفلوس دا عشان نساعد بيها الغلابة و برضو مش معني كدا انك هيبقي مقفول عليك  
بالعكس هتفرح و هتخرج و هتس اكثر بطعم الحياه



ميزو : تعرفني اني لسة مش قادر استوعب انك انتي اتغيرتي بالطريقة دي

ليندا : صدقني بندم ندم عمري علي كل لحظة كنت بعيدة فيها عن ربنا

ميزو : طيب ما تيجي نتفرج تحت علي افلام لحد الصبح زي ما كنا بنعمل زمان و لا هتقوليلي حرام و مينفعش

ليندا : لا يلا هنزل معاك انت اصلا كمان وحشتني اوي

اول مرة اشوف ميزو ضعيف كدا و اول مرة اشوف دموعه في حاجة وجعاه بس هو مش هيقولها دا اخويا و انا عرفاه بس حسيت انها فرصة كبيرة ليا اني اخليه يقرب من ربنا و انا عارفة هو لو حس بحلاوة القرب من ربنا عمره ما هيقدر يبعد عنها تاني اصل اللي بيتوب بعد معاصي كتير بيكون خلاص زهد في كل المعاصي و يستحقر نفسه جدا انه كان بيعملها فا لما يقرب من ربنا يقرب اوي

نزلت اتفرجت مع ميزو علي فيلمين لحد لما جه وقت القيام

ليندا : ميزو هقوم اصلي قيام و اصلي الفجر و انزل اقعد معاك لحد ما تنام

ميزو : اوك ادعيلي معاكي ربنا يهديني

ليندا : ايه انت قولت ايه

ميزو : بقولك ادعيلي ربنا يهديني مستغربة ليه علي فكرة انا مسلم و اعرف حاجات كتير في الدين يعني

ليندا : لا و الله انا مش قصدي حاجة انا بس فرحت اوي بالكلمة

ميزو : ماشي

صليت قيام و قعدت ادعيله كتير اوي كنت حساه قلبي طائر من الفرحة وحسيت ان ربنا بيحبر بخاطري علي كل حاجة حصلت فعلا انا ميزو دا حته من قلبي و بحبه جدا

هو كمان بالنسبالي مش اخويا بس دا كل حاجة ليا في الدنيا و لما اذن الفجر قولت  
اعرض عليه يقوم يصلي يمكن ربنا يهديه و يقوم

ليندا : ميزو ما تيجي تصلي معايا الفجر

\*\*\*\*\*



ليندا : هعلمك تعالا يلا

علمته الوجود و فعلا صلينا سوا بس طبعا مش جماعة لانه خاف بس خليته يصلي  
معايا في الاوضة

ليندا : انا مبسوووووووطة اووووي يا ميزو انك صليت معايا بجد طاييرة من الفرحة  
ميزو : و انا كمان بجد حاسس اني مرتاح و مبسوط

ليندا : يعني خلاص هنتنظم في الصلاة

ميزو : اه و مش هسيب فرض بس انتي خليكي ورايا و شجعيني متسبنيش ارجع  
للطريق القديم تاني

ليندا : ان شاء الله مش هترجعله و اول بس لما تتعود و تحس بحلاوة طاعة الله و  
القرب منه انت اللي هتشجعني

ميزو : انا هروح انام بقي خلاص مش قادر

ليندا : طيب يا حبيبي انا هقعد اقرأ قرآن شوية و بعديين انام

ميزو : تعالي اقعدني اقري عندي في الاوضة مش عايز ابقى لوحدي

ليندا : ميزو مالك في ايه عمل فيك كدا

ميزو : و لا حاجة انا بس مش عايز ابقى لوحدي و يلا مش وقت لماضه عايز انام

فعلا روحت عنده الاوضة و قعدت اقرأ قرآن بصوت عالي كنت حاسة اني بحلم ياه  
يارب انت كريم اوي يارب

بعد اسبوع

ميزو : لي لي غمضي عيبيبيبيبيبينك

ليندا : ايه جايبلي ايه

ميزو : غمضي عينك بقي

ليندا : اهو انجز

ميزو : فتحي

ليندا : الله فاناااaااaاااaااaااaااaااaاااaااaاااaااaااaاااaااaااaااaااaااaااaااaاااaاااaااaاااaاااaااaااااااااااااااااااااااااااااااااااااaاااااااااااااااااااااااااااااااااااaااااااااااااااااااااااااااااااااااaاااااااااااااااااااااااااااااااااا

ميزو : كل سنة و انتي طيبة يا حبيبتي رمضان كريم

ليندا : و انت طيب بجد فرحت بيه اوي دي اول مرة تجييلي فيها فانوس

ميزو : اه ما انا لقيت انتي هبله بقي و بتقربي باي حاجة قولت افركك

ليندا : انت مبتعرفش تكمل حاجة عدلة للآخر

ميزو : لا بعرف خدي تذاكر السفر دي كمان هدية رمضان

ليندا : هنسافر فين خرينا هنا

ميزو : طيب شوفي بس مكانها و بعديين قولي

ليندا : بتهزر صح عمرة رمضان ؟؟؟؟؟؟؟؟؟

ميزو : بالظبط كدا زي ما انتي شايفة

ليندا : انت بتضحك عليا و لا دول بجد

ميزو : انتي عبيطة يا بنتي ما تذاكر السفر في ايديكي اهي



ليندا : لا مليش دعوة بقي احنا مع بعض في كل حاجة اشمعني انتو يعني تاخدوا ثواب  
و انا لا انا عايزة اجي

ميزو : مينفعش لو لقيت بنتين و لا حاجة طلعين هاخذك لكن لوحدك انسي

ليندا : طيب هشوف صحابي

ميزو : ماشي بس يجيبوا اخواتهم الولاد معاهم خلينا ناخذ ثواب كبير  
ليندا : اتأمر بقي

ميزو : مش قولتي من هنا للعمرة هتعملي كل حاجة عايزها خليني استغلك شوية

ليندا : طب امشي بقي من قدامي عشان متغاظه منك

هشام : انت واقف مع بنت من بتوع الجمعية ليه

ميزو : فين دا انا وقفت خالص مع بنت من الجمعية

هشام : ايوة اللي لسة سايبها دي

ميزو : اه كنت بعاكسها اصلها عجبتي اوي

هشام : انت بتهزر و فين غض البصر يا ابني اتقي ربنا عشان ربنا يباركلك في اختك  
و يحافظ عليها من اي ولد وبعدين حرام عليك البنت شكلها محترمة اوي هي دلوقتي  
هتחס انها مش في مكان آمن و ممكن متجيش الجمعية تاني

ميزو : ايه يا عم براحة كنت بهزر دي اختي

هشام : اختك اختك و لا زي اختك

ميزو : اختي اختي تحب اوريك بطايقنا

هشام : لا يا عم خلاص بس متبقاش تقف معاها كتير عشان مش كل الناس تعرف انها  
اختك

ميزو : هو انا عشان قولتلك علمني هتقرد جناحاتك عليا يلا

هشام : انا اعتبرتك اخويا في الله و مقصدتش اللي وصلك

ميزو : يا عم عارف انا بهزر معاك و الله انا بحبك في الله

هشام : احبك الذي احببتي فيه انا فرحان بيك جدا و الله ربنا يكرمك دايمًا يارب و  
يكتبلك الخير

ليندا : ميزو خلاص في 5 بنات صحابي هيجوا معانا و هيجبوا اخواتهم كمان D:

ميزو : يالهوي عليكي لما بتحطي حاجة في دماغك

ليندا : بيبقي حلو العند وقت لما نعمل خير

ميزو : ماشي يا سيدي عموما السفر بكرة و هنقعد يومين و نرجع هيبقي باقي يوم علي  
العمرة و اول يوم رمضان

ليندا : ياااااااه بجد هيبقي احلي ايام حياتي

ميزو : ربنا يجعل ايامك كلها حلوة

ليندا : يارب و ايامك كمان

ميزو : خدي الفلوس دي انزلي هاتي عبايات عشان العمرة و هاتي اي حاجة محتجاها  
ليندا : عندي حاجات كتير تتفع البسها انت ناسي اني عدلت لبسي خلاص

ميزو : لا مش ناسي بس انزلي هاتي عبايات سادة مش عايزك تلبسي حاجة من اللي  
عندك



ليندا : حاضر طب تعالي معايا عشان منزلش لوحدي

ميزو : خارج مع هشام

ليندا : مين هشام دا

ميزو : صاحبي اللي بقي يجي معايا الجمعية اصلا هو صاحبي من زمان بس مكنتش بحبه عشان متدين و كنت بتخفق منه بس بقينا صحاب و بنخرج و متقلقيش في اماكن محترمة :D

ليندا : ماشي هشوف انا حد من البنات يجي معايا

ميزو : خلي بالك من نفسك و ارجعي البيت قبل الساعة 9 و لما ترجعي رنيلى

ليندا : من امتي دا

ميزو : من النهاردة عجبك و لا مش عجبك

ليندا : عاجبني هو انا قولت حاجة

ميزو : ايوة كدا هاتي ورا

روحت انا و صحابي البنات و جبت عبايات بجد فرحانة اوي بميزو فوق ما تتخيلوا معقول دا اللي كان بيخليني اخرج مع صحابه الولاد و عادي دلوقتي بيغير عليا كدا فعلا الالتزام بيصلح القلب و بيصلح معاه كل حاجة

جهزت نفسي و روحنا القافلة اللي تبع الجمعية و هناك في ثاني يوم

ليندا : ميزو انا تعبانة اوي

ميزو : في ايه مالك

ليندا : معرفش داخلة جدا حاسة اني .....





ليندا : هو بيشتغل كمان دكتور في المطار  
ميزو : لا يا بنتي دا هو اللي جابلي اصلا تذاكر السفر هو مسافر عمرة معان  
الفصل : السابع عشر

ظهور هشام و تداخله معانا اوي مخوفني مش بس مخوفني دا مخليني مرعوبة خيفة  
يحصل اي حاجة و انا خلاص مش عايزة حاجة غير برضا ربنا

هشام : انا جيت هاتوا اصوركوا مع بعض

ميزو : ماشي بس غض البصر اه انا بغير علي اختي

هشام : لولا اني حارم كنت شتمتك

ميزو : ياريتك تفضل حارم طول السنة عشان اغلس عليك براحتي

هشام : يلا يا ابني اختك واقفة بقالها ساعة انجز

بعد ساعة في المطار

ميزو : احنا هنتسحر ايه

ليندا : الدادة عاملة سندوتشات طلع و متنساش صاحبك انا عرفاك وقت الجوع  
مبتعرفش حد

ميزو : ماشي يا اختي هشام خد يلا عشان تتسحر اجيالك شيبسي

هشام : لا ربنا يخليك مش عايز

ميزو : انت مكسوف و لا ايه وش كسوف اوي يا ابني خد مش هاكل لوحدي انا

هشام : ماشي اختك اللي عاملة السندوتشات دي



ليندا : خلاص انا خلصت و جاية حالا

في الطائرة

هشام : خلي لسانكوا شغال تلبية علي طول

هقول و انتو تقولوا ورايا

لبيك اللهم لبيك لبيك لا شريك لك لبيك ان الحمد و النعمة لك و الملك لا شريك لك ...

\*\*\*\*\*

## الفصل السابع عشر

و فضلنا طول الطريق و احنا بنلبي كنت فرحانة بجد من قلبي شعور لا يوصف و هشام كان بيأبي و المعتمرين كلهم كانوا بيقلوا وراه كان احساس جميل اوي

اول ما وصلنا الفندق

هشام : مفيش صابون بريحة تستخدموه و لا شامبو و لا برفان و لا تقصوا ضوافر كوا و لا تهرشوا و لا تعلق يا ميزو

ميزو : ليه و الصابون ماله و لا الشامبو

هشام : طول ما انت حارم مينفعش تستخدم الحاجات دي

ميزو : و هفضل كذا كتير

هشام : نخلص العمرة و ليندا تتحلل هتقص حته صغيرة من شعرها و انت تعلق او تقصر و خلاص وقتها تقدر تعمل اللي انت عايزه

ميزو : طيب هتنزل امتي نعمل عمرة

هشام : انا عن نفسي ممكن اروح من دلوقتي بس مش عايز اتعبكوا شوفوا الوقت المناسب و رنوا عليا

ميزو : ليندا حابة تنزلي امتي

ليندا : انا مش قادرة استتي كلي شوق اشوف الكعبة نطلع نتوضي و ننزل

هشام : خلاص تمام نص ساعة و نتقابل هنا اه صح استاذا ليندا

ليندا : نعم

هشام : هاتي معاكي حاجة مسكرة بونبوني و حاولي تاكلي حاجة قبل ما تنزلي عشان ميكلكيش هبوط

ليندا : حاضر

و بعد نص ساعة

ليندا : انا فرحانة اوي معقول هشوف الكعبة

هشام : ربنا يكرمك صح قبل ما ندخل الحرم اول ما تشوفوا الكعبة ليكوا دعوة مستجابة

اتعلمت قبل كذا اني اقول اول لما اشوف الكعبة اللهم اجعلني مسجاب الدعاء

ميزو : حلو اوي الدعاء دا

هشام : تعالي لما اظبطلك البشكير بتاعك عشان لازم تبين دراعك اليمين هنبتي الطواف 7 اشواط بداية من عند الحجر الاسود بلاش تتكلموا في اي امور من امور الدنيا عايزين نبقى مع ربنا وبس



عند الحجر الاسود هنقول بسم الله و الله اكبر و بين الركن اليماني و الحجر الاسود  
هنقول اللهم اتنا في الدنيا حسنة و في الاخرة حسنة و قنا عذاب النار و في الشوط نفسه  
ادعوا بكل حاجة نفسكوا فيها و انا اول 3 اشواط هدهدي بصوت عالي و انتو قولوا  
ورايا

ميزو : ماشي

هشام : حاوط علي ليندا بايديك عشان محدش يخبط فيها و خليها في النص بنا و انا  
هبعده شوية عشان محدش يجي جمبها  
ميزو : حاضر

بعد ال 3 اشواط و هشام بيدعي و احنا بنقول وراه

هشام : يلا كل واحد بقي مع ربنا لوحدده ملهوش دعوة بالتاني هبقي افكركوا بس عند  
الحجر الاسود عشان تكبروا و ما بين الركن اليماني و الحجر الاسود عشان تقولوا  
الدعاء

ليندا

قعدت ادعي كتبيبيير ربنا يغفرلي كل حاجة في حياتي شريط حياتي كله مر قدام عنيا و  
حسيت بندم مبعدهوش ندم قعدت اعيط كتير اووي و ادعي ربنا يرضي عني و انه  
يقربني منه و يستخدمني في طاعته و يبديل سيئاتي حسنات للدرجة دي الواحد كان  
مغيب و مش عايش انا بجد حاسة اني في الجنة  
و بعد ال 7 اشواط

هشام : هنصلي ركعتين في حجر ابراهيم استاذة ليندا خليك ورا خالص عشان محدش  
يخبط فيكي و لو حساه زحمة اووي ممكن تصلي ورا بعيد عن الحجر

ليندا : لا انا عايزة اصلي جوه

هشام : خلاص صلي ورا خالص اول ركعة هنصلي بسورة الكافرون ثاني ركعة  
بسورة الاخلاص

و بعد لما صلينا

هشام : تحبوا تريحوا شوية و لا نطلع علي السعي علي طول

ميزو : ليندا انتي كويسة نكمل و لا نستريح انتي عيطتي كثير اوي خايف تتعبي  
ليندا : لا قدرة يلا نكمل

هشام : تعالي نجيب مياه زمزم الاول و اغسلي وشك و بعديين نكمل و ادعي و انتي  
بتغسلي وشك بمياه زمزم و بعد لما ناطر و تشربي مياه زمزم ليكي دعوة مستجابة ماء  
زمزم لما شرب له و كان في علي ما اتذكر حد من الصحابة رضي الله عنهم كان  
بيقول بعد لما يشرب اللهم اني اسألك علماً نفعاً و قلباً خاشعاً و شفاءً من كل داء  
و تشربي و باذن الله هتكوني كويسة

و رحنا السعي

هشام : هنبداً من الصفا و هنقول (إِنَّ الصَّفَاَ وَالْمَرْوَةَ مِن شَعَائِرِ اللَّهِ فَمَنْ حَجَّ الْبَيْتَ أَوْ  
اعْتَمَرَ فَلَا جُنَاحَ عَلَيْهِ أَنْ يَطَّوَّفَ بِهِمَا وَمَنْ تَطَوَّعَ خَيْرًا فَإِنَّ اللَّهَ شَاكِرٌ عَلِيمٌ )

و لما نشوف الكعبة هنقول لا إله إلا الله وحده لا شريك له ، له الملك وله الحمد ، وهو  
على كل شيء قدير ، لا إله إلا الله وحده ، أنجز وعده ، ونصر عبده ، وهزم الأحزاب  
وحده ثلاث مرات

و هنروح عند المروة و هنقول نفس الايه و بين الصفا و المروة في علامة خضرا  
وقتها هنسرع حركتنا شوية انا و ميزو خلي بالك او عي تعملي زينا امشي براحة و احنا  
هنستاكي بعدها

ليندا : حاضر

خلصنا سعي ووقفنا هشام قعد يدعي و احنا بنأمن وراه

هشام : دلوقتي انا هروح انا و ميزو نطلق بصي في بنت ورا معاها مقص روي  
خليها تقصالك حته من شعرك قد عقلتين من الصباغ و يلا عشان نروحك الاول

ليندا : ماشي حاضر

ميزو : و الله يا باشا ما عارف نشكرك ازي علي اللي عملته معايا انا و ليندا بجد احنا من غيرك كنا هنتحاس

هشام : يا ابني متقولش كدا عيب عليك اهم حاجة ربنا يتقبلها و يجعلها خالصة لوجه الكريم

ميزو : انا حاسس اني اتغير فيا حاجات كتير اوي لما جيت هنا حاسس اني اتغسلت بمعني الكلمة

هشام : ربنا يرضي عنك دايمًا يارب

ليندا : انا خلصت الحمد لله

هشام : الحمد لله الف مبروك ربنا يتقبلها منك و يجعلها خالصة لوجه الكريم

ليندا : معرفش ليه اتكسفت اوي لما قالي كدا و حطيت وشي في الارض و مكنتش عارفة ارد عليه

في الفندق

هشام : هنروح نحلّق و نجيب اكل و نيجي هتخافي تقعدني لوحديك ؟

ليندا : لا انا اصلا كنت بسافر لوحدي

هشام : طيب تمام اقفلي الباب عليكي ومنتزليش لحد لما نرجع و هشوف حد بيبيع خطوط و نجيب خطوط لينا عشان تعرفي تكلمي ميزو

ميزو : انا همووووووووت من الجوووووووع

هشام : انت علي طول جعان كدا هانت عقبال ما نحلّق هيكون فاضل ساعة علي المغرب بس



\*\*\*\*\*

## الفصل الثامن عشر

قعدنا 15 يوم في العمرة كانوا احلي ايام حياتي كنا انا و ميزو و هشام بنفطر و نتسحر مع بعض كل يوم كان نظام يومنا اننا نصحي الساعة 2 بليل و ننزل الحرم نصلي قيام قدام الكعبة اوقات كان هشام هو اللي بيصلي بينا و اوقات كل واحد كان بيصلي لوحده و بعديين نتسحر و نصلي الفجر و نقعد لحد الشروق نقرأ قرآن و نقول اذكار الصباح و نطلع ننام و ننزل علي الظهر نقعد من الظهر للمغرب و بعديين نصلي و نفطر حاجة بسيطة و نصلي العشاء و التراويح و بعديين نطلع نفطر في اي مطعم او نجيب اكل و طبعا روحنا 5 ايام المدينة و دعيت هناك في الروضة عند الرسول كثير اوي فعلا كأني قعدت 15 يوم في الجنه

هشام كان بيخاف عليا اوي لدرجة انه عود ميزو يخاف عليا زيه و خلاه بقي يغير عليا اكثر بعد العمرة و لما قعدت اراجع نفسي اكتشفت اني عمري ما حبيت حمزة هو كان مجرد مرحلة انتقالية في حياتي و كنت بفكري القديم حاسة ان ازي ولد ميعجبش بيا فا كانت النتيجة ان عندي هو اللي عمل فيا دا و دلوقتي بعترف اني عمري ما حبيته و لو رجع بيا الوقت عمري ما هختاره ربنا يغفرلي و يسامحني علي كل اللي فات و يتقبل مني العمرة و الصيام و القيام

هشام : حمد الله علي سلامتكموا و عمرة مقبولة ان شاء الله

ميزو : الله يسلمك بجد ربنا يكرمك و يجزيك كل خير علي كل اللي عملته معانا بجد  
انت و نعم الاخ

هشام : ازي متقولش كدا انا معملتش حاجة

ميزو : طيب بص قبل ما تروح ظبط و شوف هنصلي التراويح فين بقيت ال 15 يوم  
عشان متكسلش و الجامع يكون فيه بنات عشان مش هقدر اسيب ليندا تروح مع حد  
عشان هترجع بليل من التراويح

هشام : حاضر من عنيا

و بعد يومين

ميزو : لي لي هشام معزوم بكرة هو و اهله عندنا علي الفطار

ليندا : اشمعني يعني

ميزو : مالك اتخضيتي ليه عادي يعني الراجل ليه جمائل كتير علينا و قولت اعزمه

ليندا : ماشي خلاص بس انا مش هنزل هفطر لوحدي دا صاحبك انا انزل ليه

ميزو : ايه يا بنتي محسساني انك متعرفهوش و بعدين مال وشك قلب كدا ليه هو في  
حاجة

ليندا : لا مفيش بس مكسوفة

ميزو : مكسوفة من ايه

ليندا : معرفش بقي مبقتش احب اتعامل مع ولاد

ميزو : هو انا بقولك اكلية في بوقه انا بقولك هيفطر معانا في ايه مالك

ليندا : خلاص مفيش حاجة هبقي انزل

ميزو : لا وشك مش مريحني احكي لي هو ضايقك في حاجة

ليندا : لا و الله ابدأ هشام محترم جدا و عمره ما ضايقني في حاجة بالعكس

ميزو : أو مال قالبة عليه ليه

ليندا : بصراحة بقي انا خايفة يكون هشام في حاجة من ناحيته ليا

ميزو : و لو فرضنا انه فيه ايه المشكلة

ليندا : معرفش

ميزو : انتي معجبة بيه يا لي لي

ليندا : لا خالص ليه بتقول كدا

ميزو : بصي لو شك في المراية و انتي تعرفي عموما مش هضغط عليك اعلمي اللي يريحك بس احب اعرفك حاجة هشام سكته سكه بيوت مش شبابيك

ليندا : يعني ايه

ميزو : يعني لو عايزك هيجي يكلمني و يقولي ملهوش في التسبيل

ليندا : يعني مفيش حاجة من ناحيته

ميزو : هو مكلمش معايا في حاجة يبقي مفيش حاجة خلصت

ليندا : أو ك

تاني يوم



ميزو : هاه جهزتي عشان بعد الفطار هنطلع علي التروايح سوا

ليندا : اها

ميزو : حبيبي مبوز ليه

ليندا : لا مش مبوزة انا كويسة الحمد لله

ميزو : علي ميزو يا بت دا انا اللي مرببيكي

ليندا : يا عم رووووووح

ميزو : و الله و طلعلنا صوت ما شاء الله ما شاء الله

ليندا : مش ناقصة غلاستك علي فكرة

ميزو : خلاص مش هكلم يلا عشان الناس علي وصول

ووصل الضيوف كان طبعا ماما و بابا موجودين

بابا هشام : السلام عليكم كل سنة و انتو طيبين رمضان كريم عليكم يارب

ميزو : و عليكم السلام و حضرتك طيب يا عمو نورتنا بجد

بابا ليندا : اهلا اتفضل

بابا هشام : ما شاء الله لا قوة إلا بالله البيت جميل جدا ربنا يبارك فيكوا جميعا يارب

بابا ليندا : اه أو مال ايه دا انا كل حاجة جاييها من بره مفيش حاجة خالص بجيبها من

مصر

و الانتيكات دي شاربيها من مزادات عالمية



بابا ليندا : اااه طبعا او مال ايه عايز الناس يعني لما تشوفني تقول فلوسه عميته و بعدته  
عن ربنا و تقول اني مبصومش رمضان

بابا هشام : و حضرتك بتصوم رمضان عشان الناس و لا عشان رب الناس

بابا ليندا : علاقة العبد بربنا محدش ليه دخل فيها كل واحد يخليه في نفسه مش هتيجي  
تتحاسب معايا انت

طبعا الوضع كان سئ جدا جدا و الجو مكهرب بين بابا و بين بابا هشام

بابا هشام : حاشا لله انا مقولتش حاجة انا بس حبيت انصحك الله

بابا ليندا : و انا مش مستتي نصيحتك انا بفلوسي يبقي عندي مستشارين في الدين و  
علماء لو انا عايز

بابا هشام و بدأ يقصر خالص في الكلام : ربنا يهدينا جميعا يلا يا ولاد عشان نصلي

عمو صلي بينا المغرب و كأنه قصد يختار الايات عشان تكون موجهه لبابا لعلها تيقظه  
من غفلته و قرأ بالايات دي من سورة الانبياء

بِسْمِ اللّٰهِ الرَّحْمٰنِ الرَّحِیْمِ اقْتَرَبَ لِلنَّاسِ حِسَابُهُمْ وَهُمْ فِي غَفْلَةٍ مُّعْرِضُونَ ( 1 ) مَا  
يَأْتِيهِمْ مِنْ ذِكْرٍ مِنْ رَبِّهِمْ مُحَدَّثٍ اِلَّا اسْتَمَعُوهُ وَهُمْ يَلْعَبُونَ ( 2 ) لَاهِيَةً قُلُوبُهُمْ وَأَسْرُوا  
النَّجْوَى الَّذِينَ ظَلَمُوا هَلْ هَذَا اِلَّا بَشَرٌ مِثْلُكُمْ اَفَتَأْتُونَ السَّحْرَ وَأَنْتُمْ تُبْصِرُونَ ( 3 ) قَالَ  
رَبِّي يَعْلَمُ الْقَوْلَ فِي السَّمَاءِ وَالْاَرْضِ وَهُوَ السَّمِيعُ الْعَلِيمُ ( 4 ) بَلْ قَالُوا اضْغَاثُ اَحْلَامٍ بَلْ  
اَفْتَرَاهُ بَلْ هُوَ شَاعِرٌ فَلْيَأْتِنَا بِآيَةٍ كَمَا اُرْسِلَ الْاَوْلُونَ ( 5 ) مَا اَمْنَتْ قَبْلَهُمْ مِنْ قَرْيَةٍ اَهْلَكْنَاهَا  
اَفْهَمْ يُؤْمِنُونَ ( 6 ) وَمَا اُرْسَلْنَا قَبْلَكَ اِلَّا رِجَالًا نُوْحِي اِلَيْهِمْ فَاَسْأَلُوا اَهْلَ الذِّكْرِ اِنْ كُنْتُمْ لَا  
تَعْلَمُونَ ( 7 ) وَمَا جَعَلْنَاهُمْ جَسَدًا لَا يَأْكُلُونَ الطَّعَامَ وَمَا كَانُوا خَالِدِينَ ( 8 ) ثُمَّ صَدَقْنَاهُمْ  
الْوَعْدَ فَاَنْجَبْنَاهُمْ وَمَنْ نَشَاءُ وَاَهْلَكْنَا الْمُسْرِفِينَ ( 9 ) لَقَدْ اَنْزَلْنَا اِلَيْكُمْ كِتَابًا فِيهِ ذِكْرُكُمْ اَفَلَا  
تَعْقِلُونَ ( 10 )

\*\*\*\*\*

و خلصنا صلاه و فطرنا و طبعا علي الفطار محدش نطق بكلمة كلنا محرجين جدا من  
اللي حصل

هشام بعد الفطار علي طول : طيب نستأذن احنا بقي و بجد فرصة سعيدة جدا

بابا هشام : دائما عامر ربنا يكرمكوا و متشكرين جدا علي العزومة دي

بابا ليندا : نورتوا

ميزو : هشام مش هنروح نصلي تراويح سوا

هشام : اه هستناك برة

ميزو : لا انا جاهز انا و ليندا جايين اهو

هشام : طيب بابا خد انت العربية و انا هروح مع ميزو نصلي

بابا هشام : طيب يا ابني ربنا يكرمكوا انا هصلي انا و ماما في الجامع اللي جمب  
البيت

ماما هشام : فرصة سعيدة اوي يا ليندا اني اتعرفت عليك بجد ربنا يكرمك و يحافظ  
عليكي

ليندا : ربنا يخليكي يا طنط

ماما هشام : هشام بيحكلي عنك كتير اوي و حكالي عن العمرة و لما كنتوا مسافرين  
تبع الجمعية بجد خلاني احبك من قبل ما اشوفك و لما شوفتك حبيتك اكرر  
ليندا : ربنا يكرمك يا طنط

هشام و هو ميت من الضحك : يلا يا حبيبي يلا عشان بابا مستيكي بقاله كتير

و احنا في العربية

ميزو : بجد يا هشام انا مكسوف منك جدا علي اللي حصل بس انا كنت حكيمك علي كل حاجة

هشام : لا يا صاحبي مفيش كسوف و لا حاجة ربنا يهديك اهلك يارب و تكون انت سبب هدايتهم الهداية دي حاجة بايد ربنا ربنا سبحانه و تعالي قال للرسول صلي الله عليه وسلم (انك لا تهدي من أحببت ولكن الله يهدي من يشاء وهو أعلم بالمهتدين )

ميزو : انا محرج من باباك جدا دا اتصدم لما عرف ان بابا مبيصليش و بابا كمان اتكلم بأسلوب وحش

هشام : لا متقلقش بابا متفهم جدا و مش هيزعل

و عدي رمضان و احنا كنا بنصلي كل يوم التراويح في مسجد واحد هشام بقي اقرب واحد لينا و خاصة لميزو بقي يروح و يجي معاه كل مكان و علي طول مع بعض و رغم اني كنت كثير بنزل معاهم لكن عمر ما هشام كلمني بطريقة مباشرة و كان دائما بيغض بصره و حاطط وشه في الارض و خلاص انا بدأت احس انه مجرد صاحب اخويا و بس و مفيش اي حاجة خالص

اول يوم العيد

هشام : ميزو كل سنة و انت طيب و عيد سعيد

ميزو : و انت طيب يا انتش ربنا يتقبل منك صالح الاعمال هنصلي العيد فين بقي

هشام : اختك هتيجي معانا و لا لا عشان نشوف نروح مسجد في سيدات و لا اي مسجد

ميزو : ليندا هتيجي معانا تصلي العيد

ليندا : لا انا هروح مع صحابي البنات متفقة معاهم من امبارح عشان بقالي كثير مشوفتهمش

ميزو : خلاص يا اتش هوصل ليندا و اصلي معاها عشان متبقاش لوحدها

هشام : طيب بص فضيلي نفسك النهاردة عايزك في حوار

ميزو : خير

هشام : لما اشوفك بقي ان شاء الله هبقي اقولك

صلينا العيد و فرحت اوي عشان ميزو صلي معايا كانت اول صلاة عيد نصليها و  
اتميت ان بابا و ماما يكونوا معانا بس الحمد لله ربنا يهديهم و يهدي كل المسلمين و  
خرجت انا و صحابي البنات فطرنا برة و يا عيني ميزو فطر لوحده مبقاش يرضي  
يسيبي خالص اروح اي مكان لوحدي و خصوصا لو يوم زحمة او عيد انا مش  
مخنوقة منه بالعكس فرحانة اوي بيه لاني عارفة انه بيعمل كدا عشان يحافظ عليا و  
عشان بجد هو خايف عليا

ميزو : انا هروح اقعد مع هشام شوية عشان عايزني في حوار هروح اشوفه عايز ايه  
و بعديين نخرج سوا بليل

ليندا : حوار ايه؟؟

ميزو : مش عارفة لسة

\*\*\*\*\*

## الفصل التاسع عشر

ميزو : ايه يا اتش انا تحت البيت اهو انزل بقي

هشام : انا قدامك اهو

ميزو : ايه عامل ايه

هشام : الحمد لله

ميزو : ايه بقي كنت عايز ايه

هشام : هنتكلم في العربية يعني تعالي نروح اي كافيه

و في الكافيه

ميزو : هتشرب ايه يلا انا هعزمك زي بعضه

هشام : خلاص يبقي نطلب غدا بقي

ميزو : جيت في جمل يعني اطلب يا سيدي

هشام : لا يا عم انا بهزر انا هتغدي مع بابا و ماما بره هخلص معاك و اروحلهم  
اخرجهم شوية

ميزو : طيب تمام انجز انا كمان هتغدي مع ليندا بره

هشام : انا مش عارف ابدأ معاك الموضوع منين

ميزو : اها يبقي عايز فلوس سلف انا عارف الدخلة دي عايز كام

هشام : فلوس ايه يا عم انت لاقى تاكل

ميزو : اصل انا مفيش حد صاحبتة غير لما عمل معايا كدا و نفس الدخلة سبحان الله

هشام : لا انا مش عايز حاجة انا عمري ما طلبت فلوس من ابويا هطلبها منك و بعدين  
انا دكتور قد الدنيا انت اللي مش عارف قيمة صاحبك

ميزو : ماشي يا دكتور قول بقي عايز ايه

هشام : بصراحة كدا و من غير مقدمات عشان مبعرفش اقولها انا عايز اخطب ليندا  
اخذك

ميزو : ليندا اختي اعز صاحب ليا بيخوني مع اقرب واحدة ليا اكيد كنت بتكلمها من  
ورايا و تتقابلوا و حبيتوا بعض و دلوقتي جاي تطلب ايديها مني

هشام : ايه يا عم الفيلم العربي اللي انت فيه دا لا اخلاقي تسمح بكدا و لا اخلاق ليندا





هشام : خلاص مش هكلم اهو قفلت بوقي خالص

ميزو : طب قولي انت ليه بجد عايز تخطب ليندا مع اني عمري ما لحظت عليك و لا حسيت حتي انك بتبصلها

هشام : ابص لاخت صاحبي لا يمكن ابدا انا عمري ما عملتها مع البنات الغريبة و كنت بغض بصري هعمل كدا مع اختك انت

ميزو : و لا كنت بتسبلها من تحت لتحت

هشام : ابدا و الله عمري

ميزو : مصدقك خلاص بس برضو عايز تخطبها ليه

هشام : ليندا بنت محترمة جدا و مؤدبة و هي البنت اللي طول عمري بحلم انها تبقي مراتي و ام عيالي و فعلا بتمني من ربنا انها تكون ليا لاني عارف انها بنت اصول و هتحافظ عليا و انا اوعدك هشيها جوا عنيا

ميزو : لما اقوم اضربك و الم الناس علينا متبقاش تزعل  
هشام : مش انت اللي سألت دا انا حتي حاولت امسك لساني يعني و محبش فيها قدامك

ميزو : لا قدامي و لا من ورايا فاهم و لا مش فاهم لما تبقي تتجوزها ا بقي حبها

هشام : حاضر اصلا من غير ما تقول عمري ما كنت هفتح بوقي غير بعد كتب الكتاب  
عشان ربنا مش عشانك يعني

ميزو : طيب يلا قوم روح عشان مضربكش انا اصلا غيران جدا و شكلي هطلع عينك

هشام : طيب قبل ما اروح بص انا مش عايز اطلب من ليندا الجواز بطريقة تقليدية

ميزو : و عايز تعمل ايه ان شاء الله

هشام : هفكر و اكلمك اقولك بس مش حابب نيحي بقي البيت و نتقدم و كدا نفسي  
اعملها حاجة مختلفة

ميزو : صحيح استني باباك و مامتك مش ممكن يعترضوا بعد لما شافوا ماما و بابا

هشام : لا اطلاقا بابا متقهم جدا و هو قعد يشكر في ليندا كثير هو و ماما و عارف ان  
انتو مختلفين و ملتزمين

ميزو : ربنا يقدمك اللي فيه الخير يا صاحبي بص لي لي دي حته من قلبي لا دي قلبي  
كله يوم ما تزعها هيكون قتلك علي ايديا

هشام : الصراحة يعني اللي يزعل ليندا يستاهل القتل

ميزو : و اللي يزعل اخو ليندا يستاهل الحرق و انت مضايقتني قوم يلا امشي

هشام : خلاص يا عم قايم اهو هكلمك بليل اقولك ناوي اعمل ايه انا بجد نفسي اسعد  
ليندا

ميزو : ماشي يا صاحبي يلا سلام

هشام : سلام

ميزو  
انا غير انا  
اني مسئول عنها يمكن ربتها علي حاجات غلط كثير بس انا ليندا دي طول عمري  
بحس انها بنتي مش بس كدا هي كمان امي و بحس نفسي ضايع من غيرها بس هي  
دي سنة الحياه و انا مش هبقي مطمئن عليها مع حد غير هشام هو بجد راجل و ابن بلد  
و عارف انه هيتقي ربنا فيها

ميزو : ايه يا لي لي انزلي يلا

ليندا : ادخل ثواني

ميزو : طيب

ميزو : ايه في ايه

ليندا : عايزة ماما و بابا يخرجوا معانا

ميزو : اشمعني يعني

ليندا : نفسي احس بالعيد و احس اننا عيلة واحدة

ميزو : طيب قوليلهم مدخلاني انا ليه

ليندا : عايزاك تبقي معايا و كمان عايزة اخليهم يحسوا اننا اتغيرنا لما التزمنا

ميزو : بابا ماما انا عازمكوا علي الغدا يلا قوموا البسوا عشان نخرج

بابا : لا انا مش فاضي انا عندي شغل

ماما : و انا خارجة مع صحابي مش فاضية برضو

ميزو : شغل ايه يا بابا احنا في العيد و بعديين ما انا بشتغل معاك مفيش شغل

ليندا : و انتي يا ماما ما انتي كل يوم بتخرجي مع صحابك خلينا نخرج يوم سوا و نفرح بالعيد

بابا : انا نازل اقعد مع ناس عشان الفلوس اللي في البورصة

ماما : و انا مواعدة صحابي مش هقدر الغي معاهم

ميزو : اجلوها لبكرة مفرقتش يعني

بابا : لا مش هينفع البورصة الثواني بتفرق فيها تقولي بكرة

ميزو : خلاص براحتكوا انا هخرج انا و ليندا

في المطعم

ميزو : لاوية وشك ليه يا بت

ليندا : صعبان عليا نفسي اوي عمري ما حسيت بحنية بابا عليا و لا حسيت بإنه محتويني عارف دايمنا اصحابي بيحسدوني علي حياتي بس انا دايمنا حاسة اني فيها لوحدي وقت موضوع حمزة كان نفسي اروح و اكلم مع ماما و اعيط في حضنها ووقت موضوع خالد كان نفسي بابا هو اللي يقفله و يقوله بنتي اغلي من الدنيا كلها لانه كان عارف و متأكد انهم عايزين الموضوع دا بس عشان مصلحتهم كان نفسي احس و لو لمرة اني اهم من الفلوس عنده

ميزو : و انا فين انا معاكي اهو و بحاول اعوضك و اكونلك كل حاجة و بكرة ربنا يرزقك بالزوج الصالح اللي يعوضك و يكونلك اب و اخ و ابن و كل حاجة ليكي في الدنيا بس وقتها اوعي تتسيني و تهتمي بيه هو

ليندا : انت ابني عمري ما اقدر ابعد عنك او مهتمش بيك و اصلا انا خلاص بدأت افقد الامل

ميزو : ليه

ليندا : انا نفسي في واحد يكون بيخاف ربنا و يتقي ربنا فيا لما الدنيا تقسي عليا مخافش من حاجة لانني عارفة انه هيكون سندي و ظهري نفسي في واحد يعاملني اني طفلة و مييقاش طمعان فيا و لا في فلوسي نفسي في واحد يحبني عشان انا ليندا مش عشان ابويا فريد باشا نفسي في واحد ياخذ بايدي للجنه يوم لما يلاقيني بعمل معصية ينصحنني و يفضل ورايا و يعلمني

ميزو : هتلاقي كل دا و اكثر و بكرة تقولي ميزو قال

ليندا : ان شاء الله صحيح هو هشام كان عايزك ليه

ميزو : عادي حوار عادي

ليندا : سر يعني

ميزو : اه حاجة خاصة بيه اصله عايز يخطب و كان بياخذ رأيي في البنت اللي هيخطبها

ليندا : انت تعرف يعني البنت دي

ميزو : اه بنت معانا في الجمعية

ليندا : طيب و انت مالك يعني بياخذ رأيك ليه

ميزو : اصل انا اقرب صاحب ليه

ليندا : ممم ماشي ربنا يوفقه

ميزو : ايه دا بيتصل بيا اهو استتي ارد عليه

هشام : ايه يا ميزو عامل ايه

ميزو : تمام يا حبيبي انت فين

هشام : لسة في المول قاعد الف لحد ما الفكرة استوت

ميزو : و هتعمل ايه ؟

اه

اه

اه

تمام الصراحة هي البنت تستاهل ربنا يوفقكوا يارب و كويس ان باباها وافق

هشام : انت ليندا قدامك و بتشتغلها

ميزو : احبك و انت فاهمني



\*\*\*\*\*





هزيت دماغي بانني موافقة و طبعا كان الشارع بدأ يزيد فيه العربيات اللي يسقف و  
اللي يصفر و اللي يزمر بالعربية و في بنات طلعا زغرطوا و انا كل دا هموت من  
الكسوف

لقيت بعد كدا هشام نزل مع العربية و جاي عندي

هشام : يلا بقي نروح علي البيت

ليندا : نعممممممممم

هشام : بيت اهلك عشان اطلبك من باباكي :D D:

ليندا : اه طب و باباك و مامتك هتيجي تتقدم لوحداك

هشام : لا هما زمانهم قدام البيت :D

ليندا : انا حاسة اني بحلم هي دي حقيقة

هشام : و احلي حقيقة

ميزو : احم احم انكد عليكوا دلوقتي يعني يلا يا واد علي عربيتك

هشام : يا عم انت بتطلع منين سيبي اعيش اللحظة

ميزو : كفاية كدا عشان الشارع كله بيفرج علينا

هشام : طيب يلا علي البيت بقي

ميزو : مبسوطة يا حبييتي

ليندا : انا مصدومة مش مصدقة انا بحلم صح

ميزو : لا مش بتحلمي دا بجد هشام بيحبك اوي

ليندا : طب ازي

ميزو : ابقى اسألينه ازي دي بقي بس بعد كتب الكتاب ياختي هو اداني عهد انه مش  
هينطق بكلمة غير بعد كتب الكتاب

ليندا : بتقطع عليا يا واد يا ميزو بتغير بقي و كدا

ميزو : دا علي اساس انك كنتي فاكرة انك هتفتحيها علي البحري في الخطوبة و  
خروج و كلام حب بقي و كدا

ليندا : ايه المشكلة يعني مش خلاص خطبني

ميزو : طيب لينا كلام تاني عشان خلاص وصلنا عند البيت و الناس واقفة

ليندا : ميزو انا خايفة اوي

ميزو : في ايه يا بنتي مالك و مسكتي ايدي مرة واحدة زي العيال الصغيرة كدا ليه  
خايفة من ايه

ليندا : خايفة من رد فعل بابا و ماما و خايفة يكسفوهم

ميزو : ربنا يسترها انا مدي لبابا خبر ان في حد جاي يتقدملك

ليندا : و عرف انه هشام و اهله

ميزو : قولتله اه و طلبت منه انه ميكسفنيش مع صاحبي متقلقيش بقي

و دخلنا الفيلا و انا مكلبشة في ايد ميزو كنت بجد مرعوبة و عمالة استغفر ربنا و  
ادعي في سري

و بعد لما سلموا و قعدوا

بابا هشام : ندخل في الموضوع بقي يا هشام و لا ايه ؟

هشام : اتفضل يا بابا

بابا هشام : احنا كنا جايين النهاردة عشان نطلب ايد بنتي ليندا لي ابني هشام

بابا ليندا : تشرفنا و ايه امكانياتك يا هشام

هشام : الحمد لله انا دكتور و عندي شقة و عربية

بابا ليندا : و شايف ان دول كفاية يعني عشان تتجوز بنتي

بابا هشام : طيب حضرتك قول طلباتك و نشوف هنقدر علي ايه

بابا ليندا : انا بنتي متسكنش في شقة لازم فيلا و شبكة في حدود 100 الف و تكون الماظ و بقيت العفش بتاع الفيلا يبقي النص بالنص و طبعا الفرحة طبعاً يكون في اكبر فنادق مصر انا هعزم رجال اعمال كثير و مستويات جامدة لازم المكان يليق بيا

ميزو : بابا مينفعش كدا انا مفهمك كل حاجة امبارح

بابا ليندا : دا اللي عندي انا مش هجوز بنتي بي اقل من كدا

ليندا : انا اسفة اني هدخل بس انا مش عايزة كل دا انا كل اللي يهمني انه يتقي ربنا فيا و يعني علي طاعة ربنا

بابا ليندا : خلاص يبقي اعتبري ابوكي مات و روعي اتجوزيه

بابا هشام : طيب احنا هنستأذن دلوقتي و ربنا يقدم اللي فيه الخير

ميزو : معلش يا عمو ثواني بابا ليندا مبقتش صغيرة و هي من حقها تختار حياتها بنفسها

بابا ليندا : اللي عندي قولته انا عندي مينتج دلوقتي و لازم امشي

بابا هشام : يلا يا هشام

ليندا : عمو انا اسفة :)))

بابا هشام : ملكيش ذنب انتي يا بنتي متأسفيش

ميزو : ثواني انا هاجي اوصلكوا

و برة البيت

هشام : انت مش المفروض كنت مفهم باباك كل حاجة

ميزو : اه و قالي موافق معرفش ايه اللي حصل

هشام : لا حول و لا قوة إلا بالله متسبش ليندا لوحدها ادخل اقعد معاها و خلاص انا  
هكلم مع بابا متشلش هم

ميزو : لا طبعا مينفعش انا لازم اعتذرله بنفسي انا بجد مش عارف اقول ايه

بابا هشام : متقولش حاجة يا ابني ادخل شوف اختك اللي بتعيط جوه دي و خلي بالك  
منها و ربنا يكتب اللي فيه الخير

ميزو : و الله يا عمو انا كنت متفق معاه علي كل حاجة

بابا هشام : عارف هشام قالي و عشان كدا انا وافقت اجي ادخل شوف اختك

في اوضة ليندا

ميزو : ليندا

ليندا : اخرج يا ميزو مش عايزة اشوف حد و لا اكلم مع حد

ميزو : حتي انا  
ليندا : انا تعبيبيبيبت بقي مفيش ليا فرحة بتكمل و كل اللي بي فكر فيه هو الفلوس و بس  
محسني انه هيبعني للي هيدفع اكرت فيا انا بجد تعبت و طبعا خلاص كدا هشام راح و  
مش هيقدر يخلي اهله يجوا تاني و كل حاجة باظت

ميزو : ممكن تهدي انا هتجنن انا متفق معاه امبارح علي كل حاجة معرفش ليه عمل  
كدا انا هروح اكلم معاه

في المكتب

ميزو : ممكن اعرف انت ليه عملت كدا

بابا : اصل جه الصبح ولد ابن مدحت بيه بتاع الذهب و قال انه عايز ليندا و طبعا دي  
فرصة متعوضش و احسن من هشام دا بمليون مرة

ميزو : ليندا بتحب هشام و هو بيحبها و حرام عليك اللي انت بتعمله فيها دا البنت  
منهارة

بابا : بكرة تعرف اني بعمل كدا لمصلحتها

ميزو : مصلحتها مش في انها تاخذ حد غني جدا و يعيشها حتي في قصر مصلحتها في  
انها تتجوز واحد هيتقي ربنا فيها و بيحبها و انا قولتلك انا ضامنه براقبتي

بابا : روح كلم اختك و قولها ان مدحت بيه و ابنه معزومين عندنا بكرة عشان تجهز  
نفسها

ميزو : حرام عليك و الله ربنا هيحاسبك علي اللي انت بتعمله فيها دا و الله ربنا  
هيحاسبك مفكرتش لو لمرة واحدة هتقول ايه لربنا لما تقف قدامه اتقي الله في نفسك و  
فينا

بابا : ملكش دعوة هقول ايه لربنا لما اقف قدامه انا اعرف ربنا اكرت منك و معرفة ربنا  
في القلوب مش بالسان

ميزو : معرفة ربنا فعلا في القلوب بس لما بتكون في القلوب علي حق بتبان في التصرفات

و الرسول صلي الله عليه وسلم قال " إذا جاءكم من ترضون دينه وخلقه فزوجوه إلا تفعلوه تكن فتنة في الأرض وفساد كبير "

بابا : انا خلاص ادبت للراجل كلمة و الناس جايبين بكرة

ميزو : ابقى شوف مين هيقابلهم انا هاخذ ليندا و نمشي من البيت كله

بابا : انت بتهددني يعني

ميزو : لا و الله العفو انا فعلا هعمل كدا

و بعد ساعتين

ليندا : انا مش همشي انا من البيت و محدش يقدر يغصبني علي حاجة لو مشيت هبقي ضعيفة

ميزو : دا الحل الوحيد اللي قدامنا اسمعي الكلام

ليندا : مش هينفع انا مش هفضل كل شوية اسيب البيت و امشي انت دلوقتي معايا محدش يقدر يعملني حاجة و ربنا معانا احنا الاتنين

ميزو : يعني هتعملي ايه بكرة و الناس اللي جاية دي

ليندا : بكرة هتعرف

ميزو : استني هشام بيكلمني

هشام : طمني ليندا عاملة ايه

ميزو : كويسة الحمد لله

هشام : بطلت عياط

ميزو : شوية تسكت و شوية بتعيط

هشام : طيب خليك جمبها الله يخليك انا هموت من القلق عليها و خليها تاكل بدل ما يغم عليها

ميزو : هشام بيقولك كلي

ليندا : مش عايزة

ميزو : ما انتي كنتي ساكتة بتعيطي ليه دلوقتي

هشام : انا مش هتخلي عنها و هفضل معاها لحد لما باباك يوافق قولها تصلي و تدعي و متخافش ربنا حتي لو مش كاتبنا قدر لبعض هيتغير قدرنا بالدعاء و ان شاء الله نكون من نصيب بعض انا عندي ثقة في ربنا

ميزو : ليندا بكرة متقدملها واحد ابن صاحب بابا و بقولها تلم هدومها و هنروح نقعد في اي فندق و هي اللي مش راضية

هشام : خليها براحتها بلاش تشد عليها دلوقتي في اي حاجة خليها بس تصلي و تدعي

تاني يوم

بابا ليندا : ليندا يلا الناس تحت

\*\*\*\*\*



## الفصل الحادى والعشرون

معرفة كنت هتصرف ازي بس بكل الحالات مكنتش عايضة اتهرب منهم و احسسهم  
اني ضعيفة و اسمع كلام ميزو و نسيب البيت اصل مش هفضل طول عمري هربانة  
من اهلي

بابا : ليندا الناس تحت يلا

ليندا : يلا ايه

بابا : يلا عشان الناس مستتينك عشان يشوفوكي



ليندا : اصبر بس اخرج عشان البس و هتشوف اللي هيحصل

ميزو : انا مبقتش فاهمك و الله شكلك اتجننتي بجد من اللي بابا بيعمله فيكي

ليندا : ميرسي يلا اخرج بقي

كنت بتعامل ببرود فظيع مع الكل حتي انا كنت مستغربة من نفسي و كنت كل اللي عمالة ا قوله لا حول و لا قوة إلا بالله و حسبي الله لا إله إلا انت عليك توكلت و انت رب العرش العظيم

كنت متأكدة ان ربنا هيقف جمبي و مش هيسيبيني ابدأ

و نزلت اقابل الضيوف

مدحت بيه : الله اكبر بسم الله ما شاء الله ايه يا فريد بيه مش كنت تقول ان عندك بنت زي القمر كذا كنا جينا من زمان

بابا ليندا : النصيب بقي المهم انكوا منورينا دلوقتي

مدحت بيه : و انتي بقي يا قمر عندك كام سنة

ليندا : 25 سنة

مدحت بيه : ما شاء الله و انا احمد ابني عنده 30 سنة فرق سن مناسب

ليندا : فرق سن مناسب لايه

مدحت بيه : مناسب ليكي طبعا يا قمر ما هو ان شاء الله هيبقي خطيبك

ليندا : مناسب ليا و يخطبني ازي انا اصلا متقدملي واحد و انا بحبه و عايزاه

مدحت بيه : ايه الكلام دا يا فريد بيه

بابا : لا و لا اي حاجة ان بس بنتي بتحب تهزر و تفك جو القاعدة و تعمل مقالب في الناس

ليندا : لا مقابل ايه يا بابا مش لسة هشام و اهله كانوا هنا امبارح

بابا : و انا خلاص رفضت و دا موضوع منتهي

ليندا : و انا كمان رافضة الموضوع دا و بالنسبالي منتهي برضو

بابا : انتي ازي تتكلمي كدا قدام الناس

مدحت بيه : عموما حصل خير و خلاص يا ليندا يا بنتي بدل بابا رفض شوفي احمد و اقعدني معاه و انا واثق انك هتحببيه

احمد : علي فكرة انتي قمورة اوي و بجد انا هعملك كل اللي تتمنيه انتي عارفة انا هجيبلك الشبكة بي 100 الف و الماظ و لو عايزة اغلي انا موافق و الفيلا بتاعتي في التجمع الخامس هتعجبك اوي و هدية خطوبتنا العربية اللي تختارها

ليندا : عن اذنكوا اللي عندي قولته

و طلعت الاوضة و قفلت علي نفسي بالمفتاح كنت خايفة جدا بس مكنش قدامي حل تاني اعمله خوفت يقرؤا فاتحتي زي قبل كدا خايفة جدا من رد فعل بابا

ميزو : افتحي دا انا افتحي دخليني بسرعة عشان بابا طالع ورايا

فتحت لميزو و قفلت الباب بسرعة تاني بالمفتاح كنت بعيط و منهارة من كتر الخوف و حاسة ان بابا لو طالني هيقطنني مكاني ميزو : ايه اللي انتي عملتيه دا يا مجنونة

ليندا : معرفش بقي كنت عايزني اعمل ايه يعني

ميزو : مكنتش اعرف انك بتحبي هشام اوي كدا

ليندا : انا بعد العمرة كنت كل فرض بصلييه في الحرم بصلي و ادعي ربنا انه يكون  
من نصيبي و عارفة ان ربنا هيجبر بخاطري بس انا دلوقتي خايفة اوي من بابا حاسة  
انه ممكن يقتلني

ميزو : لا متخافيش هو مش هيقنتك لوحداك هيقنتني انا و انتي و هشام

ليندا : انا ببوظ لكل الناس حياتهم ببوظ حياه اي حد يدخل فيها

ميزو : هشام بيتصل تكلمية؟؟

ليندا : هينفع

ميزو : اه انا واقف جمبك

ليندا : السلام عليكم

هشام : يالهوي انتي بتعيطي كدا ليه حد عمك حاجة

ليندا : نزلت و قولت للعريس و ابوه اني مش عايزاه و قولتلهم انا متقدملي حد و عايزاه  
و طلعت اوضتي و قافلة عليا و حاسة ان بابا هيقنتني  
هشام : ميزو فين

ليندا : واقف جمبي اهو

هشام : طيب اهدي و بطلي عياط و ربنا هيفرجها ما ضاقت إلا لما فرجت انتي  
استغفري كتير الاستغفار مفتاح الاقفال و اديني اخوكي

ليندا : اهو معاك

ميزو : ايوة يا هشام

هشام : اجيلكوا انا دلوقتي و لا اعمل ايه انا مرعوب علي ليندا دي بتعيط جامد اوي انا  
خايف يجرالها حاجة









## الفصل الثانی والعشرون

هشام : طيب افتحي الباب انا اصلا واقف قدام الفيلا

هشام جه بسرعة و كان معاه شنطة الاسعافات

هشام : لازم يتنقل المستشفى بسرعة دا مش اغماء عادي

ميزو : انا هروح اجيب العربية

هشام : خليك انا عربيتي قدام الفيلا ناخده فيها بسرعة

و في المستشفى

هشام : بياخد اي ادوية ضغط او سكر او قلب

ميزو : اه

هشام : طيب املا الابلكشن دا بسرعة و سيبه في الاستقبال و انا هدخل جوه مع الدكتور

ميزو : هو فيه ايه

هشام : ازمة قلبية

ليندا : استرها يارب يارب قومه بالسلامة يارب انا السبب انا السبب

هشام : اهدي شوية ان شاء الله خير حالته مش خطيرة متقلقيش ادعيله

ليندا : ادخل خليك معاه متسيبهوش

هشام : حاضر

و بعد ساعتين

هشام : الحمد لله بقي احسن بس هيفضل في العناية المركزة شوية ممكن تبطل عياط بقي

ماما ليندا : ميرسي علي وقفنك معانا

هشام : علي ايه يا طنط دا واجبي



بابا هشام : لا شكر علي واجب ربنا يشفيه و يعفي عنه

و بعد اسبوع

ليندا : حمد الله علي سلامتک يا بابا

بابا : الله يسلمک

ليندا : اوعي تكون لسة زعلان مني بجد حقک عليا بس و الله كان غصب عني

هشام : مش وقت كلام في حاجة يا ليندا سيبي باباكي يرتاح

بابا : الواحد لما بيتكسر بيتعلم كتير اوي وكأنه قلم بيفوقه ان متفتكرش ان انت قوي و اقوي واحد في العالم عشان معاك فلوس دايمما لازم يجيلوا كسرة عشان تقولوا فوق لنفسك لو انت قوي في الاقوي منك قادر يغنيك في ثواني و يفكرک في ثواني بلاش تتكبر علي الناس و انا اتكسرت

هشام : بعد الشر عليك يا عمو انت زي الفل اهو مفيش كسرة و لا حاجة و بكرة ان شاء الله هكتبلک علي خروج و ترجع تتور بيتک

بابا ليندا : انت بالذات انا مش عارف اقولک ايه انت و اهلك الفلوس كانت عمياني عن كل الدنيا

هشام : و لا يهملك يا عمو حصل خير

بابا ليندا : بكرة ان شاء الله اول لما اخرج انت و اهلك معزومين عندي في البيت

هشام : دا واجبنا و الله احنا يا عمو

بابا ليندا : واحد يا سيدي انا عايز اعمل اي حاجة اعتذر بيها لوالدک

و ثاني يوم

بابا ليندا : معلش بقي انا فعلا كان نفسي انا اللي اجي اعتذرلك لحد عندك بس مقدرتش اخرج من البيت

بابا هشام : متقولش كدا حمد الله علي السلامة و ربنا يشفيك و يعفي عنك

بابا ليندا : مكنتش اتخيل ان الواحد ممكن يحصله كل دا و في ثواني ممكن يخسر كل حاجة عنده

ميزو : يا بابا متصعبهاش علي نفسك الحمد لله الشركة شغالة و زي الفل و الحمد لله انك مكنتش حاطط كل الفلوس في البورصة قدر الله و ما شاء فعل

بابا هشام : اوقات ممكن تحصل للواحد مصايب و تبقي صعبة اوي عليه لكن بعد فترة لما بيقرب لربنا بعد المصيبة دي بيحمد ربنا عليها لان لولاها مكنش هيدوق لذة القرب من ربنا و كان هيفضل طول عمره الدنيا وخداه و لهياه

مامت ليندا : و بجد يعني المفروض تتعلم و بعد كدا تحافظ علي فلوسك اكثر من كدا المرة دي خسرت كتير اوووووي لازم تجيب خبراء من برة

ميزو : ماما مش وقت الكلام دا الحمد لله انها جت علي قد كدا

بابا ليندا : علي فكرة مش زعلان علي الفلوس اللي راحت دي كلها لانها عرفتني حاجات كتير اوي و عرفتني ان الفلوس مش كل حاجة انا بجد نفسي اعرف ربنا علي حق بس مش عارف ازي

بابا هشام : توب لي ربنا و ربنا غفور رحيم و الحمد لله بدل ربنا موسعها عليك اعمل مشروع خير وطلع صدقات و اطلع حج و انت حياتك كلها هتتغير و هتعرف ربنا علي حق

بابا ليندا : ان شاء الله ربنا يكتبهالي و نطلع كلنا

بابا هشام : ان شاء الله المهم دلوقتي نستأذن و نسيبك عشان ترتاح

بابا ليندا : لا استتوا عايز نكلم في موضوع ليندا الواحد مش ضامن عمره

بابا هشام : ربنا يدريك طولة العمر

هشام : يا عمو انا عنيا لي ليندا و الله ما هتأخر عنها في اي حاجة لو في امكاني و لو مش في امكاني هعمل المستحيل عشان اجيبها لها

بابا ليندا : و انا مش عايز حاجة غير ان يكون معاها راجل علي حق يقدر يحافظ عليها لو علي الفلوس فا مش هي دي اللي بتضمن السعادة

مامت ليندا : لا يا فريد مش عشان يعني تعبت شوية تقوم عامل كدا ايه هو المرض اثر عليك و لا ايه

بابا ليندا : دا كلام كان المفروض يحصل من البداية و انا المرض متأثرش عليا انا المرض فوقتي و بعديين دا كلام رجالة انتي ملكيش دخل فيه

بابا هشام : طيب انا بقول نسيبك ترتاح و نأجل كلام في الموضوع دا لحد لما ان شاء الله تخف و تقوم بالسلامة

بابا ليندا : لا انا جيت علي ليندا كتير اوي و جه الوقت اللي افرحها فيه و اسعدها

ليندا : ربنا يخليك ليا يا بابا يارب

بابا ليندا : انا موافق عليك يا هشام و الاتفاقات دي مش هنختلف خالص فيها

بابا هشام : طيب حيث كدا و بدل انت مصمم خاينا نتفق دلوقتي و اهو نفرحك و نفرح الاولاد

بابا ليندا : خلاص يبقي نفس اتفاننا في المرة الاولي هيعشوا في شقة هشام و الشبكة دي هدية منكوا ليها زي ما تحبوا هاتوها و العفش النص بالنص و ان شاء الله هدية جوازكوا مني حج ليك يا هشام انت و ليندا

هشام : بجد يا عمو ربنا يكرمك يارب انا بجد مش عارف انطق من كتر ما انا فرحان



ميزو : ياااااااااااه اخيرا دا انا زهقت منكوا اقرب اتنين ليا في حياتي هيتخبطوا لبعض  
مبروووووووك يا صاحبي مبروووووووك يا لي لي

هشام : الله يبارك فيك يا حبيبي و اختك في عنيا من جوه

هشام : مبروك عليا انتي

ليندا و هي مكسوفة : ربنا يباركلي فيك

\*\*\*\*\*

### الفصل الثالث والعشرون

هشام : ممكن نقوم نسجد لله سجدة شكر

ليندا : اكيد

ميزو : انا و الله ما مصدق احنا المفروض نحمد ربنا عمرنا كله ان ربنا سهلها علينا  
كدا



ليندا : الحمد لله

هشام : اللهم لك الحمد كما ينبغي لجلال وجهك و لعظيم سلطانك

دخلنا صالون تاني و انا و هشام و ميزو سجدنا سجدة شكر ميزو كان فرحان اوي بينا و كأن هو اللي خطب يارب يرزقه هو كمان بالبنت اللي تحافظ عليه و تتقي ربنا فيه يارب

بابا هشام : مبروك يا بنتي

ليندا : الله يبارك فيك يا عمو ربنا يخليك

مامت هشام : ربنا يسعدكوا يارب و يكتبلكوا الخير في كل طريق

هشام : امين يا ست الكل

بابا هشام : طيب يا فريد بيه شوف هننزل نجيب الشبكة امتي اول لما تقوم بالسلامة ان شاء الله

بابا ليندا : الوقت اللي تختاروه انا بقيت كويس لما شوفت الاولاد فرحانين كدا

بابا هشام : خلاص خير البر عاجلا ننزل بكرة ان شاء الله

بابا ليندا : طيب انا اعرف واحد بتاع ذهب كويس جدا مدحت بيه

ليندا و ميزو : تالالالالالالاني يا بابا

بابا ليندا : خلاص بهزر شوفوا اللي تختاروه

مامت ليندا : لا انا بنتي لازم دهبها يبقي من بره





و احنا خارجين

ليندا : العربية بعيد مش قادرة امشي خلاص انا دوخت

ميزو : طيب خليك يا هشام واقف معاها عقبال ما اجيب العربية اي سهوكة اي نحنحة  
انا مراقبكوا و حاطلكوا في هدمكوا مايكات بتوصلي كل حاجة

هشام : ربنا رقيب علينا متقلتش عمري ما هخون العهد اللي ادتهولك

ميزو : ثبتتي

هشام : مبروك يا عروسة و يارب يجعلني عند حسن ظنك بيا

ليندا : ربنا يبارك فيك

هشام : شوفتي دخلنا المركب و خرجنا و محصلش حاجة ليه بقي كمية الخوف دي

ليندا : معرفش بخاف جدا

هشام : طول ما انا و ميزو معاكي اوعي تخافي من اي حاجة في الدنيا احنا نموت قبل  
ما حاجة تمسك و لا تزعلك

ليندا : ربنا يخليكوا

هشام : ربنا يباركلي فيكي

يلا ميزو وصل اهو

و ثاني يوم

ليندا : ماما دا احلي و لا دا احلي

ماما : ما تلبسي حاجة من بتاعة زمان ما هو علي طول بيشوفك بفساتين

ليندا : لا يا ماما انا مبعثش البس لبسي القديم خلاص

ماما : خلاص البسي الفستان الكافيه شكله حلو عليكي

ليندا : ماما هو انتي مضايقة ان هشام هيخطبني

ماما : كان نفسي اجوزك ابن حد من اكابر البلد دول كانوا هيموتوا عليكي

ليندا : هشام كمان كان هيموت عليا و دا اللي انا حاسة بأمان و مطمنة و انا معاه

ماما : خلاص اللي انتي عايزاه

ليندا : نفسي يا ماما تبقي فرحانة و اشوف الفرحة في عنيك

ماما : هفرح بالعافية يعني

ليندا : طيب انتي ايه مش عاجبك في هشام

ماما : اهله مش مشهورين يعني لما اقول لصحابي بنتي اتخطبت لابن فلان هيقولوا مين دا

ليندا : هو بالشهرة يا ماما المهم انه يكون هيحافظ عليا و هيكرمني و هيشلني جوه عنيه

ماما : طيب خلاص يلا البسي عشان قربوا يجوا

بعد شوية لقيت حد بيخبط علي باب الاوضة

ليندا : ادخل

بابا : ايه القمر دا كدا هتتحمدي

ليندا : ربنا يخليك يا بابا

بابا : اوعي تكوني لسة زعلانة مني انا عارف اني بهدلتك كثير في حياتك

ليندا : لا يا بابا اوعي تقول كدا انت بموافقتك علي هشام انا نسيت اي وجع عشته في حياتي

بابا : مكنتش اعرف انك بتحبيه اوي كدا

ليندا : هشام الولد الوحيد اللي مطمعش فيا و لا في عيلتي و لا في فلوسي كل اللي كان عايزه هو انا و بس و حتي لما مكنتش موافق فضل يحاول متخلاش عني من اول محاولة

بابا : ربنا يسعدكوا يلا بقي انكجيني عشان ننزل للناس تحت و نروح نجيب الشبكة يا احلي عروسة

و لما نزلنا

هشام فضل باصص في الارض و مرفعش عينه عليا خالص و مامت هشام خدتي بالحضن اول لما نزلت و قعدت تزغرط

و في محل الذهب

ليندا : ميزو دا و لا دا

ميزو : اللي يعجبك

ليندا : هشام دا و لا دا

هشام : اللي انتي عايزاه

ليندا : حرام عليكوا بقي حد يختار معايا انا محتارة

هشام : اللي في ايديك اليمين دي شكلها حلوة اوي بس شوفي اللي انتي عايزاه



ليندا : لا معلش انا عايزاها عادية

الكوافيرة : طيب ما انتي لا رقابتك هتبان و لا ودنك هداريها بالبدي

ليندا : لو سمحتي اعمليي اللي انا عايزاه

ماما : في ايه مالك

ليندا : عايزة الطرحة عادية و هي عايزة تعملهالي اسبنش

ماما : طرحة ايه اللي هتلبسيها يوم خطوبتك انتي عايزة الناس تقول عليك فلاحه

ليندا : اسفة معلش انا مش هنزل غير و انا لابسة طرحتي عادية

ماما : خلاص مش ناقصة توتر اعملي اللي تعمليه

و الحمد لله لفيت الطرحة لفة عادية و كان شكلي فيها حلو اوي

ميزو : يلا بقي الناس بدأت تيجي و هشام و اهله تحت

كنت جايبة دي جي مشغل اناشيد اسلامية و كانت حلوة اوي رغم برضو انها كانت

بخناقة بس الحمد لله ربنا كرمني و طلعت حلوة مرضنتش اشغل اغاني عادية قولت ربنا

كرمني وسهلي موضوع هشام ارواح انا اعصيه و ياريت حتي المعصية هتبقي انا

لوحدي اللي هشيلا لو كنت شغلتها كنت هшил ذنب كل حد هيسمعها

ووقت تلبس الدبل كنت خايفة ان هشام هو اللي يلبسهاني و يمسك ايدي زي اي

خطوبة

هشام : ليندا تزعلي لو خليت ماما هي اللي تلبسك الشبكة

ليندا : ليه مامتك اللي هتلبسهاني

هشام : عشان مش هقدر انا البسهالك دلوقتي اكيد هلمس ايديك و مينفعش

ليندا : موافقة طبعا انا كنت خايفة اصلا انت تلبسهاني



هشام : عشان تعرفي بس اني بقرأ افكارك

و جت مامت هشام لبستي الشبكة و بعدها لقيت هشام قام عند الذي جيه

و اهدالي اغنية و بعدها قال قدام كل اللي موجودين هنا بوعدك اني هعمل المستحيل  
عشان اسعدك

كنت مكسوفة اووووووي مكنتش اعرف ان هشام صوته حلو كدا الناس كلها عمالة  
تبص عليا و تبصله و صحاب ماما مكنوش مصدقين ان في ملتزمين و بيعملوا مفاجآت  
كدا و عمالين يقولوا كنا فاكريهم ناس معقدة بجد دا رومانسي مووووووت بجد ربنا  
كريم اوي و فعلا اللي يصبر بينول

و بعد يومين من الخطوبة

هشام : ايوة يا ليندا عاملة ايه

ليندا : الحمد لله انت عامل ايه

هشام : الحمد لله بخير بقولك ايه افتحي كدا باب الفيلا سايبلك حاجة

\*\*\*\*\*

## الفصل الرابع والعشرون

فتحت باب الفيلا لقيت قدامه علبة هدايا و فوق العلبة بوكيه ورد

ليندا : الله دي هدية ليا انا

هشام : اه ليكي انتي

ليندا : فيها ايه فيها ايه

هشام : افتحيها و انتي تعرفي

ليندا : طيب استني خليك معايا صحيح انت مدخلتش ليه

هشام : مستأذنتش من اخوكي و لا باباكي و مقدرتش استني لبكرة لحد لما اكلمهم كنت عايز افرحك

ليندا : ربنا يديك نعمة عليا

هشام : ها شوفتي الهدية بقي

ليندا : بشوفها اهو دا سبحة و سجادة صلاه و مصحف و كشكول

هشام : حبيت اشاركك في كل ثواب هتاخديه عشان ندخل الجنه سوا

ليندا : طيب دا السبحة و المصلية و المصحف طيب الكشكول دا بتاع ايه

هشام : بصي بقي الكشكول دا انا جايب ليا واحد زيه و جبتلك انتي كمان واحد اي مشاعر تحسيها ليا وقت الخطوبة اكتبها فيه اي كلام نفسك تقوليه اكتبها و انا كمان و بعد كتب الكتاب انا هديكي كشكولي و هأخذ كشكولك

ليندا : الله حلوة اوي الفكرة دي

هشام : مبسوطه

ليندا : اه الحمد لله اوي

هشام : طيب يلا قومي نسجد لله سجدة شكر اتعلمي كدا اي حاجة تفرحنا و احنا مع بعض نسجد لله سجدة شكر و هتلاقيني مقسملك الكشكول فيه جزء اسمه سجدة شكر لله دا كل لما نسجد لله شكر هنكتب فيه سجدنا ليه و ايه اللي كان مفرحنا في الوقت دا عشان دايما نفنكر نعمة ربنا علينا

ليندا : حاضر

اول اعتراف ليك كان اول حاجة اكتبها في الكشكول اللي هشام مديهوني انت هدية ربنا ليا و انت جنتي في الارض نفسي افضل في الجنة دي طول عمري و لا حاجة تخرجني منها ابدا و ابقى معاك كمان في جنة الاخرة في الفردوس الاعلي ربنا يخليك ليا و ميحرمنيش منك ابدا عارف اول لقاء بيني و بينك كان فين مش قصدي لقاء اني شوفتك و كدا انا قصدي اول مرة تدخل فيها قلبي كانت و احنا في العمرة و لقائي بيك كان في سجدة قدام الكعبة بدعي ربنا يكرمني بيك و يجعلك خير زوج ليا في الدنيا و الاخرة و يجعلني خير زوجة ليك و يقر عنيا بيك و يقر عينك بيا معرفش وقتها ليه دعيت الدعوة دي بس عرفت ان الدعاء رزق و ان ربنا هو اللي بيخلي الدعاء يجري علي لسانك و دلوقتي بس عرفت انا ليه دعيتك

ميزو : لولو ازيك

ليندا : الحمد لله ايه لولو دي اول مرة تقولهالي

ميزو : زهقت من لي لي قولت اغير

ليندا : ماشي يا لمض كنت عايز حاجة

ميزو : كنت عايز اكلم معاكي شوية

ليندا : اتكلم سمعاك

ميزو : دلوقتي انتي داخلة علي مرحلة جديدة في حياتك انا عارف انتي قد ايه كنتي محتجالها و عارف ان انتي و هشام بتحبوا بعض اوي بس عايز اقولك خلي حبك ليه حب في الله و لله

ليندا : مش فاهمة يعني ايه اخلي حبي ليه الله و في الله

ميزو : الحب اللي في الله هو انك تحبيه مش عشان اي حاجة غير ان ربنا زرع حبه في قلبك فا دايمًا خلي بالك ان اللي بيزرع الحب في القلوب ربنا و اللي بينزعها برضو ربنا فا خلي دايمًا قدام عنكي انك بتحبي في الله و عمرك ما هتغضبي ربنا بحب هو اللي ادهولك و رزقك بيه فا دايمًا حفطي علي حبك ليه لحد لما تكوني حلاله

ليندا : طيب دا الحب في الله طيب ازي يكون حبي ليه الله

ميزو : يعني انك تعنيه علي طاعة ربنا و تعملوا كل حاجة تخليكو تدخلوا الجنة سوا شجعيه علي الطاعة و ابعديه عن المعصية و صدقيني لو بقيتي ليه كدا حتي لو هو في ضعف جوه نفسه لان مفيش انسان كامل انتي هتسدي الضعف دا و هتخليه يعاملك بنفس طريقته و يحبك اكثر لان وقتها علاقتكوا هتبقى محصنة من الرحمن مش هيقدر يدخل ما بنكوا شيطان

ليندا : انت عارف ان هشام قالي الكلام دا بطريقة غير مباشرة

ميزو : ازي

ليندا : بص جابلي هدية سبحة و مصلية و مصحف و كشكول و قالي ان الكشكول دا هو كمان عنده زيه و هنكتب فيه مشاعرنا فترة الخطوبة و بعد كتب الكتاب هنديه لبعض

ميزو : يا ابن الايه يا لذينة اتصدقي فتحتوا نفسي علي الخطوبة

ليندا : يلا شاور انت بس و انا اخطبها لك من بكرة الصبح

ميزو : النصيب لسة مجاش

ليندا : ربنا يرزقك الزوجة الصالحة اللي تسعد قلبك

ميزو : اللهم امين حاجة كمان عايزة اقوالك عليها

ليندا : اتفضل

ميزو : مش عايزك تبقي ضعيفة قدام هشام

ليندا : بمعني

ميزو : بصي انا عارف انك مريتي بحاجات كتير وحشة في حياتك فا مش عايز انك  
عشان بتحبي هشام تبقي ضعيفة معاه و تروحي تعيطيلوا و تحكيلوا علي كل حاجة  
فاتت في حياتك اللي جاي بتاعه لكن اللي فات خلاص اردمي عليه و علي فكرة الشرع  
كمان بيقول كدا

ليندا : طيب و افرض حاجة حصلت جاية و انا مقدرتش اخبها عليه

ميزو : ما قولتلك اللي جاي بتاعه بس برضو مش كل حاجة يعني مثلا حاجة في بيتنا  
مش من حقه يعرفها و مش بقولك كدا قلة ثقة في هشام انا واثق في هشام زي نفسي  
بس دا الصح مشاكل بيتك لبيتك و بس و مشاكلك معاه برضو معاه و بس

ليندا : ماشي انا هعينك مستشاري العاطفي

ميزو : هتديني كام في الشهر

ليندا : صدق نفسك بقي و اتقرض عليا

ميزو : دا منظر بنت بتكلم لو خطيبك شافك هيطفش

ليندا : دا انا عسل

ميزو : عسل اسود و مهيب بستين الف نيلة

ليندا : امشي يلا من هنا بدل ما اضربك

ميزو : و الله صاحبي صعبان عليا و يقولي رقيقة و بريئة قال دا خاطب شيخ غفر

ليندا : الله يسامحك

ميزو : اه اقلبي ياختي اقلبي بنات مجانيين كلکم الا ما فيکوا واحدة عاقلة

ليندا : طيب بقولك كلم هشام يجي بكرة

ميزو : اشمعني يعني

ليندا : في مشروع في دماغي نفسي نعمله احنا الثلاثة مع بعض

ميزو : مشروع ايه

ليندا : هقولهولك لما يجي بكرة

و ثاني يوم

هشام : اتفضلي بقي شوقتيانا من امبارح مش راضية لا تقوليلي و لا تقوليلوه

ليندا : ما انا مكننش عارفة اكلم في التليفون قوت لما نقعد كلنا

ميزو : و ادينا قعدنا انجزي

ليندا : بصوا انا فكرت نعمل مشروع احنا الثلاثة هيكون عبارة عن كافييه الكافية دا هيكون في واحد للبنات و في واحد للولاد بس مش هيكون زي اي كافية اولاً في بنات كثير مش ملتزمات و بيخافوا يروحوا مساجد فا احنا هنعمل ايه هيبيقي نظام الكافية ان يوم مثلا بيكون ترفيهي بنجيب فيه فرقة بنات بتتشد و البنات يهيصوا مع بعض و يوم نجيب داعية اسلامية بنوتة كدا من سنهم تديهم درس ديني بسيط و هيبيقي في مكان للقراية و فيه كتب متنوعة و العادي هيبيقي ان الكافية مشغل اناشيد اسلامية و ممكن نعمل فيه فقرات كثير طبعا دا انا اللي هبقي مسؤولة عنه و هدخل معايا صحابي البنات اوظفهم فيه كل واحدة حسب تخصصاته و كدا يبيقي احنا بنعمل حاجة للأسلام بطريقة مختلفة و بعيدة عن التشدد هنبقي وسطين

و كافية الولاد هيبقي زيه بس طبعا علي حسب فكركوا انتو الشباب شوفوا بتحبوا ايه ممكن تجيبوا بلاستشن اكس بوكس و تبقي برضو الدعوة بطريقة غير مباشرة

ميزو : و الله فكرة حلوة عن نفسي كنت بفكر اعمل مشروع خاص بيا و ممكن ادخل معاكي فيه

هشام : طيب انا دكتور و مبعرفش في الكلام دا

ليندا : ممكن بس تبقي اداري مع ميزو في كافيته الولاد

هشام : اه يا ختشي لحسن القرشين اللي معايا يا دوب اجوزك بيهم

ليندا : ربنا يرزقك من حيث لا تدري و لا تحتسب و يباركلك في رزقك

هشام : اللهم امين

ميزو : احم احم مليش دعوة طيب انا كمان

ليندا : ربنا ييرزقك الزوجة الصالحة و الذرية الصالحة و افرح بيك و اخلص منك

ميزو : طيب مش هكلمك بس عشان خطيبك قاعد

ليندا : في فكرة كمان عايزة ازودها علي المشروع

ميزو : انتي بتفكري في المشروع دا بقالك قد ايه

ليندا : من اول ما التزمت

هشام : طيب ايه الفكرة الثانية

ليندا : هيبقي فيه قسم للي مكتوب كتابهم و هيبقي فيه حد مسئول عن هدايا مختلفة و ممكن مثلا يعملها عيد ميلادها او اي احتفال هيبقي في المكان دا و يكون مكان محترم برضو يقدرُوا يقعدوا و يخرجوا فيه مع بعض



هشام : بتلمحي يعني عشان اجيبلك هدايا بقي و اعملك عيد ميلاد و كدا

ليندا : لا ابدان انت هتعملهولي غصب عنك مش بمزاجك يعني

ميزو : اهي قلبت عم عباس عشان تبقي تصدقني لما اقولك

هشام : ظهرتني علي حقيقتك بدري يا ليندا دا لسة مبقالناش اسبوع مخطوبين

ليندا : دا اللي عندي عجبك و لا مش عجبك

هشام : عاجبني يا سعادة البيه

ميزو : طيب خاينا نشوف هنعمل المشروع دا و نعمله دراسة جدوي

\*\*\*\*\*



## الفصل الخامس والعشرون

الحمد لله الفكرة عجبت ميزو و هشام بصراحة فرحانة اوي بيها مش عايزة حياتي تكون كلها بدور حوالين محور واحد انا اه بحب هشام جدا بس هو جزء من حياتي مش كل حياتي مش قلة حب فيه لكن انا لازم انمي نفسي و ابقى قوية و معتمدة علي نفسي عشان اكيد دا برضو هيفرحوا غير كدا البنيت لما حياتها بتكون فاضية علي حبيبها بتكون زنانة زيادة عن اللزوم و بتزهقوا في عيشتوا و فرحانة اوي انه كمان هيبقي شريك في الجزء دا من حياتي نفسي اعمل حاجة لديني و نفسي اعمل حاجة لما اموت الناس تقتكرني بيها و تقول الله يرحمها عملت حاجة كويسة و يدعولي

تاني يوم و انا بكلم هشام

هشام : طيب هنبدا في المشروع دا امتي ان شاء الله

ليندا : من بكرة ان شاء الله ننزل ندور علي مكان ناجرته يكون في مكان حيوي و حلو

هشام : طيب انا عندي شغل في المستشفى الاسبوع الجاي كله و طبعا ميزو كمان مش فاضي و طبعا طبعا مفيش نزول لوحدك

ليندا : انا هنزل بالعربية و هلف بس اشوف الاماكن

هشام : لا انسي انك تنزلي لوحدك دي خالص

ليندا : يا هشام عشان خاطري انا لو قعدت هكسل انا عايزة انزل و انا كلي حماس كدا

هشام : خلاص انزلي و انا مش موافق علي نزولك

ليندا : يعني اهون عليك يعني تزعلني و احنا لسة مخطوبين كدا

هشام : لا متهونيش يا سيدي بس انا بخاف عليك ياريت تراعي دا ممكن

ليندا : حاضر

هشام : اسف لو كنت اتعصبت عليك

ليندا : عادي و لا يهملك

هشام : طيب قوليلي بقي الفكرة جاتلك منين

ليندا : عادي يعني جاتلي عادي

هشام : و انتي ناوية تعملي ايه بكرة ان شاء الله

ليندا : و لا حاجة

هشام : انتي زعلانة مني

ليندا : اه بص يا هشام يوم لما اختارتك انت عشان كنت عارفة انك هتكون حنين عليا و انت عارف اني اتوجعت في حياتي كتير فا بلاش انت بالذات تقسي عليا كدا اتكلم معايا براحة متر عقليش

هشام : و الله ما كنت اقصد از عقلك انا كنت خايف عليك  
ليندا و هي بتعيط : يعني عشان خايف عليا تخوفني منك

هشام : بالله عليك ما تعيطي تاني انا قلبي بيوجعني جدا لما بشوفك بتعيطي و كمان تعيطي بسببي يبقي وقتها موتي احسن بقي بدل مش عارف اسعدك

ليندا : بعد الشر عليك منقولش كدا تاني

هشام : و انتي كمان متعيطيش تاني عارفة و احنا في العمره لما كنتي بتعيطي و انتي بتدعي انا كنت ببقي هموت و لو تلاحظي وقتها كنت بروح اجيب مياه و لا اقعد في مكان تاني مكنتش بقدر استحمل حقاك عليا

ليندا : خلاص مش زعلانة بس متبقاش تزعق فيا كدا تاني

هشام : حاضر يا ست هانم

ليندا : و بعديين يلا صالحني و اتحايل عليا بقي و كدا

هشام : أو مال كنت بعمل ايه انا مش شوية و عمال اقولك هموت و قلبي واجعني و  
بتاع سهوكة بنات

ليندا : كمان مش معترف بغلطك

هشام : ليكي مزاج تتخانقي النهاردة و لا ايه

ليندا : بص انا هقفل دلوقتي لما بضايق ببقي رخمة و مش هعرف اكلمك

هشام : طيب قومي صلي دا شيطان عايز يخلينا نزل من بعض

ليندا : حاضر

هشام : هتدعيلي

ليندا : ان شاء الله

هشام : خلصي و كلميني

ليندا : حاضر

قفلت معاه و انا مش عارفة في ايه عمالة اعيط و حاسة اني متوترة اوي معرفش يمكن  
خوفت من هشام لما زعق فيا او ممكن اضايقت لاني مش واخدة علي وجود حد في  
حياتي يقولي علي حاجة لا انا طول عمري بعمل اللي انا عايزاه في الوقت اللي انا  
عايزاه

ميزو : مالك معيطة ليه

ليندا : اتخانقت مع هشام

ميزو : ليلته سودة دا انا موصيه ميز علكيش لحق عمك ايه

ليندا : زعق فيا عشان بقوله هنزل لوحدي بكرة اشوف مكان للكافيه عشان انتو مش فاضين تيجوا معايا و بعديين قعد يصالحني بس انا معرفتش ارجع اكلم زي الاول

ميزو : اه و بعديين

ليندا : قالي قومي صلي و ارجعي كلميني  
انا مش متعودة حد يتحكم فيا و يقولي علي حاجة لا انا طول عمري بتصرف من دماغي

ميزو : بس دا هيكون جوزك و انتي لازم تنسي حياتك القديمة و تسمعي كلامه و اعرفي انه بيعمل كدا خوف عليكي

ليندا : عارفة بس ميز عفش فيا كدا

ميزو : طيب خلاص قومي صلي و انا هتصرف

ليندا : هتعمل ايه

ميزو : هتكلم معاه

هشام : ازيك يا ميزو عامل ايه

ميزو : دا الوعد اللي وعدتهوني انك عمرك ما هتزرعل ليندا اطلع اشوفها القيه معيطة و انتو لسة في البداية

هشام : عادي يعني شادة عادية بين اي اتنين مخطوبين ما هي اكيد الحياه كلها مش هتبقى بمبي بمبي الخناقات دي هي الملح و الفلفل بتاع الحياه

ميزو : براحة علي البت برضو يا معلم هي مش واخدة ان حد يتحكم فيها خالص و انت عارف انها بتعمل اي حاجة تطق في دماغها

هشام : و المفروض اسكت يعني و اخليها تعمل كل حاجة تطق في دماغها

ميزو : لا بس براحة عليها

هشام : وصلت

هشام

بعد لما ميزو كلمني انا اضايقت جدا انها كدا من اول خناقة تروح تحكي لاخوها انا عايز سري يبقي معاها هي و بس مش معاها هي و اخوها اه اخوها صاحبي و حبيبي بس هي المفروض تفصل اعوذ بالله من الشيطان الرجيم هقوم اتوضي و اصلي عشان لو كلمتني و انا بالطريقة دي هضايقها جامد و انا اصلا عصبي و ليندا بالذات مش عايز ابقى عصبي ابدأ معاها لاني عارف هبقي عصبي هتعدد و علاقتنا ببعض هتبوظ

و بعد لما صليت قعدت ادعي اللهم ابعد عنا كل سوء و الف بين قلوبنا و احفظنا من شر حاسد اذا حسد يارب احفظهالي و باركلي فيها و اجمع بيني و بينها بحالك عاجلا غير اجلا

خلصت و لقيت ليندا بترن عليا

ليندا : السلام عليكم

هشام : عليكم السلام و رحمة الله و بركاته

و بعد 5 دقائق احنا الاتنين ساكتين و مفيش حد فينا نطق بكلمة

ليندا : هتفضل ساكت كدا

هشام : زعلان منك اوي

ليندا : هو مش احنا كنا قافلين و انا اللي كنت زعلانة

هشام : اه و انا عملت ايه مش قعدت اصالحك

ليندا : و انت زعلان ليه ؟

هشام : ليندا بلاش تكلميني كدا مش عشان متخانقين تعامليني كدا لو مش عايزة تكلمي خلاص نقفل و لما تهدي نكلم

ليندا : انا هادية ايه اللي زعلك مني

هشام : طيب بصي تعالي نستغفر ربنا 100 مرة

ليندا : اقفل يعني

هشام : و انتي معايا علي التليفون

و بعد لما خلصنا استغفار

ليندا : انا خلصت

هشام : و انا كمان

ليندا : انت ليه خلينتا نستغفر

هشام : عشان لو اتكلمنا و احنا مضايقين هنولع في بعض فا خلينا نستغفر اهو نشغل دماغنا بحاجة تانية و الشيطان بيعد عنا

ليندا : طيب يا بابا انت زعلان مني ليه

هشام : حلوة بابا دي

ليندا : طيب قول بقي زعلان مني ليه



هشام : بصي يا ليندا انتي في حياتي مش بنت خاطبها و خلاص انتي بنتي و اختي و مامتي و البننت اللي بتمني من ربنا انها تبقي ام عيالي و حاجات كتير كدا مش هينفع اقولها دلوقتي حاسة معايا كدا و لا انا مش محسسك بدا

ليندا : لا حاسة

هشام : يبقي ممكن بعد اذنك لما نتخانق سرنا يفضل بنا ميزو صاحبي و حبيبي و علي عيني و راسي بس لو سمحتي افصلي علاقتي بيكي بي علاقتي بيه

ليندا : بس انا متعودة مع ميزو طول عمري بحكيلوا علي اي حاجة

هشام : ليندا افهميني بصي انا و انتي هنتخانق و نتصالح و هنصفي لبعض لكن هو هيشيل مني و مش هيصفالي غير كدا الخناق دا طبيعي بين اي اتنين مخطوبين احنا لسة بناخد علي طباع بعض و انا مش هسيبك غير و انتي مرضية وقت لما نتخانق تعالي اتكلمي معايا بصفتي اخوكي او صاحبك حتي بس متحكيش لحد اشكيلي مني ليا عارفة انا كان ممكن لما انتي كلمتي اخوكي انا اروح اكلم امي و اقولها ليندا عملت و عملت بس ليه نشيل النفوس من بعضها

ليندا : حاضر بس برضو وقت خناقنا متعليش صوتك عشان انا بخاف

هشام : حاضر حقك علي راسي من فوق

ليندا : و انا كمان حقك عليا مش هحكي لحد حاجة ما بنا تاني

هشام : ايوة كدا بنتي شاطرة و بتسمع الكلام

ليندا : بنتك

هشام : اه ما انا حاليا مينفعش اقول غير انك بنتي

ليندا : احم طب انا هقفل بقي

هشام : ياخواتي علي بنتي و هي بتتكسف و خجولة كدا

ليندا : ميرسي ^\_^

هشام : العفو ابقى عدي كل يوم  
و خلصت مع هشام و الحمد لله حاسة اني اهدي كثير و فعلا انا لازم افصل بين حياتي  
اللي فانت و بين حياتي دلوقتي و لازم اعمل اعتبار ان بقي في انسان في حياتي و  
مسئول عني كمان و انا كمان مسئولة عنه

قومت قعدت علي الفيس و انا قاعدة افكرت  
عيد ميلاد هشام الاسبوع الجاي ياتري اعمله ايه و لا اجيبوا ايه !!!!

\*\*\*\*\*



## الفصل السادس والعشرون

عيد ميلاد هشام كمان اسبوع اعمل ايه اعمل ايه انا نفسي اعمل حاجة مختلفة

بعد لما قعدت افكر و اقلب علي انت قررت اني هعمله حاجتين بايدي و هجبله جمبهم  
زراير للبدل فضة و مكتوب عليها اسمه

الحاجتين اللي هعملهم بايدي قريرت فكرتهم علي انت بس انا هعملهم بطريقة تتفع اننا  
مخطوبين مش مكتوب كتابنا

اول حاجة هو اسمه دوا الحب و بيكتب طبعا كلام حب فيه انا بقي هعمله دواء القلوب  
و هكتبه فيه ادعية

جبت ازازة دوا تاريخها منتهي فضيتها و غسلتها كويس و نشفتها و جبت كبسولات  
برضو تاريخها منتهي و فضيتها و غسلتها و نشفتها و بعديين جبت ورق صغير و  
كتبت في الورق ربنا يحفظك من كل شر وورقة تانية ربنا يباركلي فيك وورقة تانية  
انقي الله تستقيم كل امور الحياه وورقة تانية ربنا يعينك و يقويك النهاردة في شغلك و  
كتبت حاجات زي كذا كثير

و بعديين لفيت الورق الصغير دا و حطيت واحدة في كل كبسولة و قفلتها و حطيتهم  
جواه علبة الدوا و بعديين جبت ورقة ملونة كذا شكلها طلو حطيتها مكان اسم الدوا و  
كتبت عليه دواء القلوب يأخذ عند الحاجة إليه و جبت ورقة عادية و عملت انها  
الروشته مش هو دكتور يتحمل بقي الجنان كتبت فيها دواعي الاستعمال و كتبته فيها  
كام دعاء كذا

تاني هدية هي شهادة تقدير لخطيبي  
دي بقي جبته ورقة بردي و كتبت شهادة تقدير لخطيبي  
قررنا نحن اللجنة العليا لشئون حياتي تكريمك و اعطائك هذه الشهادة لانك تسعي  
جاهدا لإسعادي و الله الموفق و المستعان و مضيت تحت في الشهادة امضتي

كنت فرحانة اوووووووووي و انا بعمله الهدايا دي يا تري هيعمل ايه لما يشوفها  
هقوم اوريهم لميزو

ليندا : ميزو ميزو ميزو



ميزو : بصي هو انا لسة متردد و مش عارف

ليندا : طيب احكي لي

ميزو : قبل ما التزم انا كنت بحب بنت

ليندا : رنا ؟

ميزو : اه

ليندا : بس انت كنت بتتسلي مكنتش بتحبتها بجد

ميزو : دي البنت الوحيدة اللي متسلتش بيها و كنت بعاملها بطريقة مختلفة عن الكل و بحبها بجد

ليندا : بس اللي انا اعرفه انها مش ملتزمة و انت دلوقتي عايز بنت درجة التزامها عالية

ميزو : عرفت من ناس صحابنا انها التزمت و لبست الحجاب و قطعت علاقتها بكل حاجة قديمة حتي صحابها البنات ميعرفوش عنها حاجة

ليندا : طيب كويس انت متردد ليه بقي

ميزو : لاني خايف ان يكون التزامها مؤقت و تكون هي التزمت عشان انا التزمت و سبتها علي فكرة لما التزمت قولتلها انا هسيبك عشان ربنا مش عشان اي حاجة و مش هروب

ليندا : ما يمكن انت فوقتها لنفسها و التزمت علي حق

ميزو : معرفش بقي

ليندا : هي بتحباك

ميزو : جدا

ليندا : يبقي توكل علي الله حتي لو التزمها مؤقت انت بإيديك انك تشدها اكثر لما تبقي خطيبها و جوزها و عون ليها تعنها علي الطاعة اكثر و تفهمها اكثر في الدين بس لو هتبقي متردد و شوية و هتسيبها متقربش تاني

ميزو : بتهزري انا مقدرش اقرب و ابعد تاني خلاص ميدو بتاع زمان مات و انتهي ليندا : صلي استخارة و لو ارتحت كلم بابا و هو مش هيعترض

ميزو : ربنا يعمل اللي فيه الخير

ليندا : طيب بص بقي انا عايزاك تعزم هشام علي الغدا بكرة كأنه جاي يقعد معاك انت كأنك هتكلمه في اي موضوع عشان اعمله سربريز هنا في الفيلا

ميزو : ماشي

ليندا : لا لا معلش خليها بعد بكرة عشان الحق اطلب تورتة من اللي هي بيكون عليها اشكال دي ممكن تنزل معايا نجيبها عشان هشام مش هيرضي انزل لوحدي

ميزو : حاضر... ليندا انتي بتسمعي كلامه خوف منه ؟

ليندا : لا خالص حب فيه و احترام ان دي حاجة بتضايقه

ميزو : أو مال ليه امبارح قولتيلي انك خايفة منه

ليندا : ساعة غضب و كان في مليون حاجة بدور في دماغي صراحة يعني كنت بطلع زهقي عليه

ميزو : طيب و انتي ايه اللي كان في دماغك

ليندا : عارف لما تكون لقيت الانسان اللي لايق عليك 100% و بيعمل اي حاجة عشان يسعدك فا تبقي دائما خايف بيعد عنك

ميزو : بصي يا حبيبتي حبي بثقة بلاش تحبي بخوف عشان الحب بخوف هيضيعك و هيخليكي دايمًا نكدية الخوف و الشك في الراجل بيتحقق لانك بتكوني بتفكر في افكار سلبية و غصب عنك بيترجم سواء خوفك او شكك في تصرفاتك مثلا غيره مجنونة كل شوية تعيطيلوا و تقوليلوا او عي تسيبني انتي حبيه و انتي واثقة انه ليكي و انه هو دا الانسان اللي جاي عشان يسعدك و هيفضل معاكي العمر كله حتي خديها من مبدأ حسن الظن بالله حصل لا قدر الله غير كدا مع اني عارف ان هشام بيحبك اصلا اكثر ما انتي بتحبيه كمان وقتها هتعرفني ان ربنا ليه حكمة في كدا و هيبيقي قدرك و المؤمن لازم يرضي بقدره خيره و شره

ليندا : صح جدا فعلا الخوف ببيان في المعاملة جدا

ميزو : طيب يلا بقي نروح نتفق علي التورته

روحنا محل و اتفقت علي تورته هعملها و هيبيقي عليها سماعة دكتور و شنطة اسعاف و مكتوب عليها د/ هشام

و جبتله الهدية اللي هي زراير البدلة دي مكتوب عليها اسمه علي حظي الراجل كان عنده الاسم جاهز

و بعد يومين ميزو عزم هشام زي ما اتفقنا و قالوا انه عايز يخطب و عايز يكلم معاه في البيت عشان مش هيعرف يكلم برة و كلمت انا مامته و باباه و عزمتهم و قولتلهم يقولوا انهم رايعين مشوار عند ناس قرايبهم و ميعرفهوش حاجة و جم قبل ما هشام يجي بنص ساعة و انا زينت الدور اللي تحت في الفيلا بالبلايين و الزينة انا و ميزو كنا بنعلقهم مع بعض و كنا فرحانيين اوي

و الساعة 7

ميزو : يلا اطفي النور هشام بيرنلي يبقي واقف برة الفيلا

ليندا : ماشي

هشام : ايه في ايه الفيلا ضلما كدا ليه خير يارب





هشام : اللهم امين و يقويني و اخليكي اسعد انسانة في الدنيا

ليندا : امين يارب طبعاً انا مجبتلكش هدية يعني كفاية اني افكرتك و عملتك عيد ميلاد و كذا يعني

هشام : مش محتاجة تجيبي هدية انتي هديتي

ليندا : احم احم

هشام : اه معلش معلش ما تجيبنا يا ميزو المأذون نكتب الكتاب في كلمتين محشورين في زوري عايز اقولهم

ميزو : و ماله تعالا قولهملي انا و انا هبقي اقولها

هشام : هههههههههههه لا يا راجل بكرة مسيرك تتدبس و تبقي في موقفك و تحس بيا بدل اللي انت عامله فيا دا و عمال تتريق عليا

ليندا : طيب بص بقي دي هديتك يارب تعجبك

هشام : دواء القلوب يالهوي هو انا مريض بالقلب و انا معرفش مخبين عليا كل دا

ليندا : ههههههههههههه بعد الشر عليك بص دا كبسولات كذا انا حطة جواها ورق مكتوب فيه كلام هيتاخذ عند اللزوم هتفتح الكبسولة و تشوف الورقة اوعي تبلعه D:

هشام : بس بجد فكرتها حلوة اووووي عجبتي جدا تسلم ايديك

ليندا : تالالالالالالاني هدية

هشام : بجد كذا كتير عليا

ليندا : دي شهادة تقدير

هشام : ايه دا انا نجحت و بتفوق و كدا و هتكرميني بقي

ليندا : طبعا طبعا

هشام : انا مزبهل انا بحلم صح

ليندا : لا دي حقيقة و بعديين كدا انا مش عملت حاجة اصلا كان نفسي اعملك اكثر من كدا

هشام : اكثر من كدا ايه انا هيغم عليا خلاص و انا مش نايم اصلا

ليندا : طيب امسك نفسك بقي تاللت هدية

هشام : الله حلوووووووة اوووووي زراير و مكتوب عليها اسمي كمان

هشام : بجد كان من اسعد ايام حياتي انا عمر ما حد عملي عيد ميلاد و لا جابلي هدية حتي بس بجد كان يوم حلو اوووووي و مكننش متخيل اي حاجة فيه اول لما روحت كلمت ليندا عشان افكرها بسجدة الشكر و انها تكتبها يومها بقي الكشكول اتلمي حب في ليندا انا بجد بحبها اوي هي حياتي انا عمري ما حبيت و كنت دايم اقول هحب بالحلال و صحابي يتريقوا عليا اني مبكلمش بنات و اظبط و كدا بس فعلا ربنا عوضني بليندا ربنا يباركلي فيها يارب و يديم حبها نعمة عليا

\*\*\*\*\*



## الفصل السابع والعشرون

انا حضرت اعياد ميلاد كثير اوي و عملت سربريز لناس كثير بس عمري ما كنت فرحانة زي النهاردة بجد الحب الحلال كل حاجة في مختلفة قد ايه كان نفسي اسمع من هشام بحبك و كنت فعلا سمعاها منه بقلبي و كان نفسي اقوله و انا بموت فيك احساس جميل اوي لما تحفظي لسانك عشان ترضي ربنا و ربنا يرضيكي مع الانسان اللي يستاهل قلبك و تبقي واثقة ان حبكوا عمره ما هيموت لأنه اتبني علي طاعة الله

بعد لما هشام روح كلمني

هشام : السلام عليكم و رحمة الله و بركاته

ليندا : و عليكم السلام و رحمة الله و بركاته  
كل سنة و انت فيها احسن من اللي قبلها و يارب تحقق كل اللي تتمناه

هشام في سره ( انتي كل اللي انا بتمناه ) : و انتي طيبة يارب و ان شاء الله نحقق كل اللي بنحلم بيه سوا بجد انا مش عارف اوصف فرحتي بكلام

ليندا : متقولش كلام انا حاسة بكل اللي انت عايز تقوله و بعدين يا اخ انت اكتب في الكشكول عشان انا فضولية اوي و عايزة اعرف احساسك الحقيقي بعد كتب الكتاب ان شاء الله

هشام : الكشكول خلص نصه حضرتك

ليندا : ربنا يزيد و يبارك هتعد عليا و لا ايه

هشام : لا يا سيدي ربنا يزيد يارب هو انا اكره دا انا اسعد انسان في العالم دا كله بس عارفة فرحتي هتكمل امتي

ليندا : امتي ???

هشام : لما ندخل الفردوس الاعلي من الجنه و نبقي بجوار الرسول صلي الله عليه وسلم و يشربنا من ايديه شربه عمرنا ما نظماً بعدها ابدا و نفضل عايشين في الجنه بقي وقتها بس هطمن و هفرح و فرحتي هتكمل

ليندا : الله عارف يا هشام مفيش حاجة بدعي بيها غير لما بقول يارب ارزقنا بيها في الدنيا و في الاخرة و انت بقي هتجوز حور عين كثير و انا وقتها مش هبقي بغير لان مفيش غيره في الجنه

هشام : بس ليا اني اختار اتجوز حور عين و لا زوجتي اللي كانت في الدنيا بس و ان شاء الله انا هختار زوجتي اللي كانت في الدنيا بس و هتبقي في عنيا احلي حور عين في الجنه

ليندا : الحمد لله انه رزقني بيك احلي حاجة بجد اني لقيت اللي يشجيني علي طاعة ربنا عارف ايه اكثر حاجة كنت خايفة منها بعد الالتزام

هشام : ايه

ليندا : ان يجي حد و يخطبني و يضعف همتي و يتخانق معايا بقي لما مرضاش اقولوا كلام حلو و يزعل و يتقمص و حتي لما اتخطبنا كنت فاكرة انك شوية و هتكلم و هتزرع لو انا متكلمتش كنت دايماً خايفة اوي و قلقانة من الموضوع دا

هشام : بصي يا ليندا لو انا محافظتش عليك يبي مستحكيش و بعدين انتي اللي مقوياني و انا مش هكذب عليك كثير ببي لساني هيفلت بس بفتكر حاجة واحدة بتوقفني

ليندا : وعدك لي ميزو

هشام : لا وعدي للي اكبر من ميزو و اكبر مننا كلنا ربنا دلوقتي سامعنا و شايفنا افرضي موت و انا بكلمك و بحب فيكي هقول لربنا ايه هقوله يارب معلش اصلي مشاعري و معرفتش اتحكم فيها و لا هقوله اصل محدش كان سامعنا و شايفنا

ليندا : صح عندك حق عارف مش بس في الخطوبة لو اي حد فكر بالطريقة دي في كل حاجة في حياته هتختلف و هيتقي الله هيبقي دايماً عامل حساب انه ممكن

يموت في اي لحظة بجد الواحد لما بيبقي في غفلة بيبقي معمي عن خير كثير اوي و  
بيكون معمي حتي عن خوفه من ربنا

هشام : ربنا يهدي الجميع

ليندا : اللهم امين تعرف يا هشام نفسي اعمل حاجة لديني و ناس كثير ربنا يجعلني  
سبب في هدايتهم نفسي اعوض كل اللي فاتني في ايام بعدي عن ربنا بس مش عارفة  
ابدأ منين

هشام : طيب ما تقدمي في معهد اعداد دعاه

ليندا : دا ازي

هشام : عادي حاجة زي الجامعة سنتين و بتحفظي قرآن و تدرسي فقه و شريعة

ليندا : بس انا نفسي اتعلم الدين الوسطي مش التشدد

هشام : و مين قالك انهم متشددين بصي هقولك علي حاجة اتعلمتها في حياتي اي حاجة  
تتحطي فيها استقيدي منها اوي بس متسلميش دماغك لحد و انتي اجتهدتي و ابحتي لحد  
لما توصلتي للصحة لان اللي بيدرسلك بشر زيك و زيي خليك دايما في الاصول القرآن  
و السنة دول منهج كل مسلم و انزلي دروس و اشتركي في مقارئ قرآن

ليندا : تفتكر انا قد اني اكون داعية لله

هشام : انتي اللي تقررري دا مش انا بس و اثق فيكي و عارف لما بتحطي حاجة في  
دماغك بتعملها و طول ما انتي خالصة النية لله هتقدري تعملي دا و عايزك كمان تقوي  
شخصيتك شوية اقري كتب تنمية بشرية و ذاتية و ممكن نبقي نحضر دروس سوا

ليندا : بس التنمية هتخدني من الدعوة

هشام : بالعكس دي هتوصلك انك توصلي للناس من خلال نفسيتهم مش تدبي كلام  
حفظتيه و خلاص هتقهمي شخصيات اللي قدامك هيبقي عندك ثقة و انتي بتكلمي  
هتدربي علي كل حاجة و انتي ادمجي الدعوة في التنمية و علي فكرة القرآن و السنة  
كلهم تنمية بشرية و ذاتية بس اللي يعرف يعلمه صح و اللي يفهم صح

ليندا : طيب و الكافيه كل دا هيعطلني عنه

هشام : الكافيه فرصة كبيرة اوي ليكي عشان توصلي لناس كثير نمي نفسك واقفي علي  
رجلك و كدا كدا الكافيه مش هيتفتح من يوم و ليلة نظمي نفسك و وقتك و انتي هتقدري  
تعملي كل دا و خدي بالك طول ما النية خالصة هتبقي الدنيا سهلة

ليندا : جزاك الله كل خير كنت محتاجة ارتب طموحاتي و دماغي هو انت لما نتجوز  
ان شاء الله هتمنعني بقي من الشغل و كدا و الدراسة يعني اعمل كل دا في وقت  
الخطوبة و بعديين اقعدي في البيت

هشام : يا بنتي و الله انا مش متحكم فيكي انا بس بخاف عليك لکن طبعا ليكي مطلق  
الحرية بدل مش هتأثري في بيتك اعملي اللي انتي عايزاه و بعديين دي حاجة لله  
همنعك منها ازي

ليندا : انا كدا اطمنت

الحمد لله كلام هشام معايا طمني اوي و شجعني اني اعمل حاجات كثير اوي و فعلا  
كان معايا في كل حاجة خطوة بخطوة التقديم في المعهد و في البداية الموضوع كان  
صعب اوي عليا و بالذات في حفظ القرآن لاني عمري ما حاولت احفظ هشام كان  
بيشجعني و بيحفظ معايا و اوقات كان بيجيلي البيت و يقعد يقرأ بصوته الجزء اللي  
هحفظه كذا مرة عشان يثبت في دماغي و كل يوم في التليفون كان بيقرأ الصفحة اللي  
هحفظها 3 مرات و الحمد لله الموضوع دا ساعدني جامد اوي اني احفظ بسرعة و  
كنت بسبق المعهد كمان و كان كثير بيروح كورسات تنمية بشرية و بقيت اروح معاه  
انا و ميزو بجد استفادنا منها كثير اوي و حسيت ان دماغي عليت حتي طريقة معملتي  
معاه اختلفت

و بعد 3 شهور

ميزو : هشام عايزك في حوار انت و ليندا متروحش تعالوا نقعد في اي حته

هشام : خير يارب



ليندا : و ادينا قعدنا هاه بقي

ميزو : خلاص نويت اخطب رنا انا عارف اني اتأخرت في القرار بس دا مفهوش  
راجعة خصوصا اني كنت قلقان من حاجات كثير و الحمد لله اطمنت

ليندا : انت كلمتها و لا حاجة

ميزو : لا بس سألت و كذا

ليندا : عرفت انك ناوي تخطبها

ميزو : لا و عشان كذا جبتكوا النهاردة لاني مش عايز انا اللي اكلم و مش عارف  
اعمل ايه انا معرفش غير رقمها هي بس

ليندا : طيب هاته

ميزو : هتعملي ايه

ليندا : هكلمها

ميزو : هتقوليلها ايه

ليندا : ربنا يسهل بقي احنا بنات زي بعض و نفهم بعض

هشام : صح ادي الرقم لي ليندا تكلمها

ليندا : السلام عليكم

رنا : و عليكم السلام و رحمة الله و بركاته مين معايا

ليندا : انا ليندا اخت ميزو

رنا : ميزو !!!!!!!

ليندا : بصي عارفة انك هتستغربي و هدور في دماغك اسئلة كثير اوي

رنا : خير ؟؟؟؟؟

ليندا : انتي عرفتي ان ميزو الحمد لله التزم و ربنا هداه

رنا : اه الحمد لله

ليندا : و انا عرفت ان انتي كمان الحمد لله التزمتي

رنا : الحمد لله ممكن اعرف في ايه انا مش فاهمة حاجة

ليندا : هقولك و الله اهو بصي من غير مقدمات ميزو عايز يخطبك و مرضاش انه  
يكلمك عشان ميضايقكيش و ميعملش حاجة حرام

رنا : و هو لسة فاكر يعني بعد لما سابني المدة دي كلها

ليندا : ميزو لما سابك كان عشان هيدخل في طريق جديد مش عارف هو فيه ايه و اكيد  
انتي عارفة و مجربة ان بداية الالتزام صعب و بيبقي مختلط علي الواحد امور كثير  
بس هو و الله بيحبك و اول لما فكر في انه يخطب فكر فيكي انتي

رنا : بس انا خايفة يرجع و يجرحني و يسييني تاني انا بحبه اوي بس مش هتحمل انه  
يقرب و يبعد

ليندا : لو كان عايز يتسلي و يقرب و يبعد كان هو اللي كلمك انا دلوقتي بكلمك اخذ  
رقم باباكي بس عشان بابا يكلمه دا بعد موافقتك طبعاً

رنا : بجد !!!!

ليندا : اه و الله بجد

و بعد لما خلصت كلام مع رنا كان مهمني اني اقف جمب ميزو و هو بيكلم بابا و  
الحمد لله بابا معترضش علي اي حاجة في الموضوع و رحب بيه جدا و قاله ان اهم  
حاجة انك تكون بتحبها  
لكن طبعا مفيش موضوع بيمشي كدا كله سهل حصل مشكلة خلت الموضوع صعب  
بس املنا في ربنا كيببيبيبيبيير

\*\*\*\*\*

## الفصل الثامن والعشرون

بابا كلم والد رنا و اتفق معاه اننا هنروح نزورهم و نطلب ايد رنا وماما كانت معانا بعد  
لما رجعنا

ماما : استحالة اوافق تجوز البنت دي استحالة

ميزو : ليه بس يا ماما دي بنت محترمة اوي و انا بحبها

ماما : انت مشوفتش دول ساكنين فين و لا مستواهم المادي اقل مننا قد ايه

ميزو : يا ماما انا اللي هصرف عليها مش هي اللي هتصرف عليا

ماما : مش من مستوانا انت عايز تعرني قدام اصحابي ما كفاية اختك

ميزو : انتي كل اللي يهملك في الدنيا صحابك و احنا نولع كلنا يعني محدش فينا بيهملك  
غيرهم حتي ليندا للنهاردة مش مهنياها بهشام و كل دا عشان صحابك مش عارفين باباه  
و باباه مش راجل مشهور

ليندا : براحة يا ميزو مينفعش كدا

ميزو : انا ماشي و سايب البيت خالص عشان ترتاحوا

ليندا : استني ميزو مينفعش نتناقش بالعصبية دي

ميزو : سبيني لوحدي

ليندا : انا هاجي معاك

ميزو : مش عايز حد معايا سبيني لوحدي

خرج ميزو من الفيلا و استنتي ساعة اتنين تلاتة الساعة بقت 2 بليل و موبايله مقفول  
هتجنن عليه

كلمت هشام و انا منهاره

هشام : اهدي مش فاهم منك حاجة

ليندا : ميزو ساب البيت و ماما رفضت موضوعه مع رنا و انت عارف هو بيحبها  
ازي و قافل موبايله و انا هتجنن عليه خايفة يكون كان بيسوق بسرعة و يكون جراه  
حاجة لا قدر الله

هشام : طيب اقفلي انا هتصرف

ليندا : هتعمل ايه

هشام : هشوف بقي اقفلي لو وصلت لحاجة هكلمك و لو وصلت لحاجة كلميني

هشام : اتصلت بكل صحابنا الكل قال مكلمش حد فيهم قوت خلاص هلبس و اروح  
اكثر اماكن عارف انه بيحب يروح فيها نزلت و لفيت علي كل الكافيهات ملقتهوش  
قوت هشوفه في مراكب اللي علي النيل كثير بيحب يقعد فيها روت و للأسف  
ملقتهوش كان وقت اذان الفجر و انا ماشي بالعربية عمال ادعي القيه و ليندا طبعاً معايا  
كل دا علي التليفون مرضيتش تقفل ثانية إلا لما قولتلها انا داخل مسجد هصلي الفجر و  
هكلمك المسجد دا كان في الزمالك اول لما دخلت لقيت ميزو قعدت احمد ربنا

ميزو : هشام !!!!!!!!!!!!!!! انت عرفت مكاني ازي

هشام : حرام عليك يا اخي اختك هتموت من الخوف عليك و بقالي 3 ساعات بدور و  
بلف حوالين نفسي لقيت الفجر اذن قوت ادخل اصلي و الحمد لله لقيتك

ميزو : انا قعدت امشي بالعربية و مكنتش اصلا حتي مركز انا فين و بعدين لقيت  
الجامع دا دخلت صليت قيام و قوت هصلي الفجر و افضل قاعد فيه و لا اروح اشوف  
اي فندق



و ثاني يوم

هشام : صباح الفل يا باشا منورني و ربنا

ميزو : تسلم يا كبير بجد مش عارف اشكرك ازي

هشام : اه شكلك عايز تضرب يا ابني انت اخويا و بعدين كفاية انك اخو ليندا يعني انا  
احطك جواه عنيا

ميزو : اتصدق انا اللي هضربك

هشام : قلبك ابيض يلا تعالي عشان تقطر امي عملاك فطار متين هينسيك كل اللي  
انت فيه

و بعد لما فطرنا

هشام : ناوي تعمل ايه هروبك من البيت مش حل

ميزو : هتجنن يا هشام يعني لما ابقى خلاص قربت لرنا يحصل كدا دا انا مصدقت

هشام : مش فاكر ابوك عمل فيا ايه و سبحان الله شوف الموضوع جه بطريقة محدش  
يتخيلها ازي

ميزو : في فرق يا هشام انا كنت معاك لكن دلوقتي احنا طبعنا هنتأخر في الرد علي رنا  
و اهلها و هي هتقلق هتحس اني رجعت العب بيها هتقفل من ناحيتي خالص

هشام : بسيطة ليندا تبقي معاها و توصل بنكوا

ميزو : اه و تروح تقولها معلش يا رنا استني عشان بنقنع ماما انها تخطبك لميزو و  
انتو مستواكوا المادي قليل و ماما مش فخورة بنسبكوا صح

هشام : اكيد مقصدش بس ليندا مش هتغلب تطلع اي حجة





ميزو : يا عم مبحدش انا بنق بس

و روحنا و اتغدينا و انا و ليندا و هشام و بابا عمالين نقنع ماما و دي مفيش

ليندا : هيا طنط سوسن اللي هتقنعها

ميزو : مين طنطك سوسن دي

ليندا : دي انتيمة ماما

ميزو : طيب ما اكيد نفس تفكيرها

ليندا : لا دي عاطشفية اوي

ميزو : عاطشفية و قدام خطيبك كدا عاتشي

ليندا : يا خويا عاتشي بقي عشان يعرفني علي طبيعتشي و ميحسش انه اتشخدع اه انا صريحة اوي

ميزو : بت انتي بتتعلمي الحاجات دي فين انتي كنتي رقيقة و ربنا يا هشام ما خدعتك كانت رقيقة بجد

هشام : هو انا ينفع استبدالها

ليندا : تستبدلني دا ايه ان شاء الله دا انا عسل و عمرك لو لفيت الكرة الارضية دي شبر شبر ما هتلاقي زيي

هشام : صبرني يارب علي ما ابتلتني

ليندا : انا ابتلاء :))

هشام : اختك بتتحول يا ميزو

ليندا : طبعا مش بقولك مش هتلاقي زيي دا انا فول اوبشن

هشام : اوتوماتك و لا منيول

ليندا : ظريف اوي صاحبك دا يا ميزو

ميزو : اتلمي انتي و هو في ليلتكوا دي خلونا نتصرف

ليندا : اصبر طيب هطلع الاوضة اكلم طنط سوسن في الخباثة

هشام : مش قولتلك ليندا اللي هتحتها

طعلت كلمت طنط سوسن صاحبة ماما و انا احكيلها بقي و افور في الحوار و هي تعيط و اقولها البنت قلبها هيتكسر و هي تعيط الصراحة كنت ماسكة نفسي من الضحك بالعافية و مبيينة اني متأثرة اوي المهم الخطة نجحت الحمد لله و قولتلها متقولش لماما اني كلمتها و هي اكيد ماما هتحكليها لانها مش بتخبي عنها حاجة فا هي بقي تقنعها و هتكون عملت اكبر عمل انساني و انها تكون انقذت قلبين كان ممكن يموتوا من الفراق نزلت حكيت لهشام و ميزو كانوا هيموتوا من الضحك و مش مصدقين و كلمت رنا قولتلها معلش بابا مشغول جامد اوي اليومين دول و مش هنعرف نيحي اول لما هنعرف هكلمك وطمنتها و قولت اني هكلمها كل يوم اسأل عليها و اطمنها ان الحوار ماشي عادي

و بعد يومين

ماما : ميزو

ميزو : نعم يا ماما

ماما : انا موافقة تخطب البنت اللي بتحبها دي

ميزو : بجد يا ماما

ماما : اه اهم حاجة الحب اللي ما بنكوا

ميزو ( عامل عبيط ) : بس ايه خلاكي تغيري رأيك فجأة كدا يا ماما

ماما : اصل لقيت صحابي بيفرحوا لما بيلاقوا اتنين بيحبوا بعض والولد حافظ علي  
حبه رغم التحديات  
ميمزو : هنتشل يا ليندا

ليندا : احمد ربنا انها وافقت اي ان كان السبب بقي

ماما : هنتشل من كلامي !!!!!!!!

ميزو : لا يا ماما طبعا هنتشل من الفرحة مش مصدق انك وافقتي

و الحمد لله نزلنا جنبنا الشبكة و عملوا خطوبة في الفيلا عندنا في الجنية كان يوم حلو  
اوي و ميزو كان زي القمر

و بعد خطوبة ميزو

هشام : عمو كنت عايزة اكلم حضرتك في حاجة كدا

بابا : خير

هشام : انا عايز اكتب الكتاب

بابا : نعم انتو مبقالكوش 5 شهور

هشام : انا يا عمو خلاص عرفت ليندا و هي عرفتني حضرتك عارف اني مش بكلم  
خالص و لا هي و نفسي حضرتك توافق نكتب الكتاب

\*\*\*\*\*





و بعد لما هشام روح و كلمني

هشام : السلام عليكم و رحمة و الله و بركاته

ليندا : و عليكم السلام و رحمة الله و بركاته

هشام : ايه اخبارك زوجتي المستقبلية

ليندا : هاه

هشام : ايه يا بنتي انتي هنجتي من بعد خطوبة ميزو

ليندا : اصل خبطتين في الراس توجع

هشام : خبطتين اللي هما ايه ان شاء الله

ليندا : اصلا مش مصدقة ان ميزو خطب و تاني حاجة مش مصدقة انك قولت لبابا

نكتب الكتاب

هشام : سيبك من ميزو زمانه في عالم تاني اصلا النهاردة خلينا في كتب الكتاب

اتبسطي يعني من الفكرة و لا لا

ليندا : انا الحمد لله اتبسطت اتفجأت بس

هشام : طيب يا سيتي انا كلمت بابا ووافق لو انتي عايزة تأجلي الموضوع انا تحت

امرك في اللي انتي عايزاه انتي الملكة اطلبي و انا انفذ

ليندا : لا يا بابا اللي انت عايزه انا موافقة عليه

هشام : ماشي يبقي نجيب المأذون بكرة ان شاء الله و نكتب الكتاب

ليندا : ايه بكرة ايه مش للدرجة يعني

هشام : انتي خايفة مني و مش عايزاني ابقي جوزك دلوقتي







الحمد لله كل حاجة كانت ماشية تمام و رحنا بعربية ميزو رنا كانت قاعدة قدام و انا و هشام ورا

هشام : يااااااه كلها ساعة و تبقي مراتي حلمي بيتحقق الف حمد و شكر ليك يارب

ليندا : ربنا يفرحك دايمنا بيا

ميزو بيكلم رنا : عقبالنا هي البت ليندا بتفتح نفسي دايمنا اتخطبت خطبت هيكتب كتابها نكتب كتابنا احنا بقى

ليندا : ربنا يفرحني بيكوا يارب عاجلا غير اجلا

و نزلنا ووصلنا المسجد

و كان هشام عاملي مفاجأة و كان ضيف في كتب الكتاب الدكتور عمرو خالد عشان بحب اسمعه

فا قال زجل اهداء لينا قبل ما نكتب الكتاب  
الدكتور عمرو خالد

يا عريس عروستك امانه هنتسأل عنها  
عرفها معني الدين حفظها قرآنها

معني العفاف و الصون جوه الحجاب زانها  
ماحلي حياتكوا سوا في ظل شرع الله

و ابني معاها البيت علي التقوي و السنة  
دا طريق ضمانه اكيد و اخرته الجنة

و افكروا مهما حبيت هتعيش و تنهني  
و تتول رضي مولاك و فوق اللي تتمنا

وحسن العشرة دي و صاك بيها رسول الله  
عدل و صبر و شفقة و رحمة و لين و آناه

و اللي بيعمل سنة سيده قول يا هناه  
جوه الجنة ويا صحابه بيستاه

و او عي تيجي يوم تسألها حقي فين  
حقك دا انت يا اخويا جبته منين

و لا قرينتك آيه و حكمة علي حديثين

اسمع يا ابني هي نصيحة اسمعها مني لوجه الله  
اعمل واجبك و اكثر حبه بالمعروف  
يوصل حقاك و اكثر منه و بكرة تشوف  
و تبقي البصلة بدال بمحبة في عينكوا خروف  
و يدوم بينكوا الحب الاصلي مدام في الله  
وارضي حماتك تلقى مراتك ترضي ابوك  
و اكرم اهلها تكرم اهلك و اللي جبوك  
اسمع يا ابني بدال حبتهم هيحبوك  
اصل الحب دا من اسلمنا اتعلمناه  
و للعروسة

انتي يا سييتي دولا وصايا خديهم ليكي  
دينك قالك جوزك ليه 100 حق عليك  
كونيلوا عابدة يكونلك عبد ما بين ايديكي  
اؤمال يعني سجودك ليه دا ايه معناه  
و خلي حياتك وقف لجوزك و لا اولادك  
و اوعي تسمعي كل كلام يقلوه حسادك  
بيتك هو يا بنتي جهادك و استشهادك  
مهما قالوا ووجعوا دماغك بالمساوه

عمرو خالد : الف مبروك للعروسين و بارك الله لكما و بارك عليكما و جمع بينكما في  
خير و اسبيكوا تكتبوا الكتاب و ربنا يسعدكوا في حياتكوا و يجعلها خير زوجه سالحة  
ليك و يجعله خير زوج ليك  
ماما عيطتت هي و مامت هشام و تقريبا كل الناس اللي حاضرة و انا عنيا عمالة تدمع  
معقول هتجوز حبيبي هيبقي جوزي خلاص

المأذون : قولوا معي توبنا إلي الله و رجعنا إلي الله و ندمنا علي ما فعلنا و عزمنا أن  
ألا نعود علي ذنب و معصية ابداء و برئنا من كل دين يخالف دين الاسلام و اشهد ان لا  
إله إلا الله و اشهد ان محمد رسول الله  
قول يا فريد باشا : بسم الله و الصلاة و السلام علي رسول الله زوجتك بنتي ليندا فريد  
باشا النجار علي كتاب الله و علي سنة رسول الله و علي الصداق المسمي بيننا عاجله و  
أجله و الله تعالي خير شاهدا

قول يا هشام يا ابني : بسم الله الرحمن الرحيم و الصلاة و السلام علي اشرف  
المرسلين سيدنا محمد و علي آله و صحبه اجمعين اني استخرت الله تعالى و قبلت منك  
زواج موكلتك ليندا فريد باشا النجار علي كتاب الله و علي سنة رسول الله و علي  
الصداق المسمي بيننا عاجله و آجله و الله تعالى خير شاهد

اول لما خلص كتب الكتاب هشام مسك ايدي و لاول مرة في حياتي ايدي كانت متلجة  
و اول لما مسك ايدي انا نسيت الدنيا كلها و مبقتش شايفة غير فرحتي بانه بقي جوزي  
و باسني من راسي

هشام : الف مبروك يا حبيبتي النهاردة بس اقدر اقولك بحبك يا مراتي

\*\*\*\*\*

## الفصل الثلاثين

هشام بقي جوزي خلاص هقوله يا حبيبي و بحبك و هحبه من غير قيود ما هو خلاص  
بقي حلالى و كل حياتى

و بعد كتب الكتاب كانت اول مرة اخرج انا و هشام فى العربية لوحدها و انا كل دا  
مقولتلهوش اى حاجة ساكتة و هو ماسك ايدى ووشى احمرررررررر

هشام : حبيبي ساكت ليه

ليندا : و لا حاجة بسمعك

هشام : بس انا مبكلمش

ليندا : ما انا مش شرط اسمعك بي ودنى انا بسمعك بقلبي

هشام : ربنا يخليكى ليا يا احلى و اجمل زوجة فى الدنيا كلها

ليندا : و يخليك ليا يارب

هشام : نفسى اسمعها يا لى لى

ليندا : تسمع ايه

هشام : اه هتعملى عبيطة بقى

ليندا بصوت طالع بالعافية من كتر الكسوف : بحبك يا جوزي

هشام : هاه انتي قولتي ايه قولتي كدا تاني عشان اتأكد

ليندا : بحبك يا جوزي

هشام : و انا بموت فيكي يا نعمة ربنا ليا

و خرجنا و قعدنا نتفصح كتبيبيير كنت ناسية كل حاجة و انا معاه مش شايفة غيره هو و بس و انا بقوله بحبك بجد كانت مختلفة اوي لو قولتلها في اول الخطوبة عمري ما كنت هحسها كدا مش عشان مش بحبه و لا قلة حب فيه بس بحبك بعد كتب الكتاب كانت ملخص لمشاعر متحافظ عليها بقالها فترة طويلة يوم لما طلعت منه و مني طلعت باحساس مختلف منا احنا الاتنين و كفاية انها في الحلال و باخد علي حبه حسنات و علي طاعته حسنات و علي اني اسعده حسنات

و بعد لما روحني بيتي و هو روح بيته

هشام : نيميني يلا مش عايز اليوم يخلص عايز افضل معاكي و مش هعرف اقول و انام و انتي مش معايا

ليندا : يا قلبي عارف يا هشام

هشام : يا ايه يا ختي من النهاردة متقوليش هشام دي خالص حبيبي و بس

ليندا : هههههههههه حاضر يا حبيبي

هشام : ايوة كدا حبيبي و روحي و عقلي و حياتي كلها عايزة تقولي ايه بقي

ليندا : الحب الحلال دا حلو اوي بتخيل كدا لو احنا كنا مخطوبين و بدأنا نكلم كدا يااااااه كنت هحس بتأنيب ضمير اوي

هشام : مش كدا بس بعد فترة كان هيبقي في بنا فتور لاننا خلاص قولنا كل الكلام كلمة حطياها في ودنك من استعجل شئ قبل او انه عوقب بحرمانه

ليندا : صح

هشام : المهم دلوقتي

ليندا : ايه

هشام : انا بحبك و بموت فيكي

ليندا : انا كمان بحبك اوي يا حبيبي ربنا يديمك عليا نعمة

و عدي اليوم و هشام نام و انا بكلمه و فضلت صاحبة لحد الفجر اصلي قيام و اشكر ربنا علي نعمة هشام و قبل الفجر بشوية صعب عليا اني صليت قيام و هشام مصلاش و كان صعبان عليا اصحيه لانه مبقالهبوش ساعتين نايم و في الاخر قررت اصحيه

هشام : السلام عليكم ايه يا حبيبيتي في حاجة

ليندا : و عليكم السلام و رحمة الله و بركاته  
اه في حاجة يا هتضربني يا هتحبني اكثر انا و نصيبي بقي

هشام : ايه في ايه

ليندا : بص انا منمتش و كنت بصلي قيام و بعدين صعب عليا انك مش صليت قولا  
اصحيك تلحق تصلي شوية قبل الفجر مش عايزة اخذ ثواب انت متاخذهبوش

هشام : يا حبيبيتي و تقولي هضربك اكيد لا طبعا هحك اكثر هقوم الحق اصلي و ادعيلك

ليندا : ربنا يجمعنا في بيت واحد عاجلا غير اجلا و بعد كذا تكون انت إمامي في القيام و بصلي وراك

هشام : اللهم امين هصلي قيام و الفجر و بعدين هكلمك

ليندا : ماشي يا حبيبي سلام

هشام : سلام

و بعد الفجر هشام اتصل

هشام : دعيتلي

ليندا : لا نسيت

هشام : لا انتي حبيبتي و بتحبيني اكيد دعيتلي كثير

ليندا : صح برافو عليك

هشام : انتي منمتيش خالص

ليندا : لا

هشام : ليه

ليندا : كنت بصلي قيام و بحمد ربنا عليك

هشام : بجد انتي خير زوجة سالحة فعلا متاع الدنيا زوجة سالحة

ليندا : طب يلا بقي نيمني انت دلوقتي عشان خلاص مش قادرة

هشام : ايه تنامي لا مفيش نوم دلوقتي

ليندا : ايه انا هلكانة





هشام : شكنا هنشوف ايام زي الفل انا بصحيكي عشان سيادتك مصلتيش الضحي  
قومي صليها و استني صلي الظهر و نامي

ليندا : بس انا مش قادرة اقوم هبقي اصحي اصلي الظهر

هشام : لا مينفعش دلح كدا من اولها احنا ربنا كرمانا و لازم نعلي الهمة و نزود الطاعة  
عشان كل لما نقرب من ربنا اكثر احنا كمان هنقرب من بعض اكثر

ليندا : حاضر خلاص هقوم اصلي

هشام : طيب تحبي نخرج النهاردة علي المغرب كدا شوية

ليندا : لا تعالا البيت عايزة اقعد معاك براحتي ببقى مكسوفة قدام الناس

هشام : ماشي هكلم باباكي و استأذنه

ليندا : ماشي يا حبيبي يلا هقوم الحق الضحي

هشام : ماشي حبيبتني سلام

كنت فرحانة اوي و هشام ورايا في انا اصلي و اقول الانكار رغم انه عارف انا  
كنت هلكانة من التعب اتأكدت فعلا ان دا الزوج الصالح اللي هيقربني من ربنا

و بليل علي المغرب كدا انا لبست فستان و طبعا كنت بشعري هو خلاص بقي زوجي  
و من حقه يشوفني بشعري عادي و جبت الكشكول اللي هشام كان مديهوني كان تقريبا  
اتملي لآخره و كنت عملتله دوا القلوب اللي في عيد ميلاده بس عملتله دوا الحب و  
كتبته في الكبسولات كلام حب

و اول لما هشام جه ميزو استقبله عشان مكنش هينفع اخرج عند باب الفيلا و دخله جوه  
في الرسبشن و قعد شوية معاه و قام كنت لسة مدخلتش و اول لما دخلت  
هشام : يا ميزوووووو انتو عندكوا ضيوف اجانب و لا ايه يا عم في واحدة هنا و  
عمالة تعاكسني تعالي شوف مين دي



هشام : قولتي اذكار المساء

ليندا : لسة استيتيك نقولها سوا

و قعدنا قولنا الاذكار و بعدها هشام خد الكشكول و قالي عايز يقراه و هو معايا و  
قعدنا نقالب في الكشكول سوا و نضحك علي مواقف كنا كتبناها في الكشكول

هشام : كنت فاكرك واحد صاحبي و ايام الخطوبة و الله اوقات كنت بحس انك  
بتسترخميني مكنتش اعرف انك واقعة و بتحبيني كدا

ليندا قومت ضرباه بالمخدة بتاعة الانتريه بهزار : انا واقعة انتو كدا الرجالة ميتمرش  
فيكوا حاجة

هشام : لا ابوس ايديك بلاش تتحولي خليكي ليندا الرقيقة الطيبة البريئة بلاش ام محمد  
اللي قاعدة في سوق العبور دي

و عدي اليوم و الحمد لله كنا مبسوطين اوي و قبل ما هشام يمشي طلب اننا نسجد لله  
سجدة شكر سوا و بقت عادة بالنسبة لينا كل مرة يجي عندي البيت قبل ما يمشي نسجد  
سجدة شكر و لو خرجنا لما نروح نسجد لله شكر

و بداية من تاني اسبوع في كتب الكتاب كانت بداية تحقيق احلامنا  
و كنت دايم اقوله حلمي حلمك

احلامنا هنتحقق ان شاء الله

\*\*\*\*\*

## الفصل الحادى والثلاثين

هشام كان تعويض ربنا ليا في كل حاجة اكيد طبعا كان بيحصل مشاكل بنا زي اي اتنين مرتبطين دا طبيعي في اي علاقة اكيد علاقتي بيه مش كلها حب بس لكن اهم حاجة في كل دا اننا حتي في الخناق بنحافظ علي احترامنا لبعض و بنعمل حساب لحبنا و دا اللي بيخلي اي مشكلة تعدي

بعد اسبوع من كتب الكتاب بدأنا نحقق في احلامنا انا و هشام بنحفظ كل يوم قرآن سوا حتي لو يوم هنحفظ فيه آيه واحدة بس المهم ميعديش يوم إلا و احنا بنحفظ قرآن فيه لان كان حلمي و حلمه اننا نحفظ القرآن الكريم كله و انا دراستي مستمرة في معهد اعداد الدعاة و كان فاضل اني اعمل مشروع الكافيه

و في يوم لقيت هشام بيكلمني

هشام : ايوة يا حبيبتى بقولك انا نص ساعة و هبقي عندك اجهزي

ليندا : خير هنروح فين

هشام : مشوار كدا عايزك معايا فيه

ليندا : طيب حاضر

و بعد نص ساعة

ليندا : هنروح فين

هشام : عاملك مفاجأة

ليندا : استرها يارب

هشام : ادعيلي كثير لحسن اليومين دول عندي ضغط غير طبيعي في الشغل و مزاجي وحش

ليندا : ليه كدا في ايه

هشام : مدير المستشفى بيضايقني كثير بس خلاص جبت اخري منه

ليندا : هو انت ليه مفكرتش تفتح عيادة خاصة بيك

هشام : محتاجة تكاليف كثير و انا دلوقتي محتاج لاي فلوس عشان مش عايز اتقل علي بابا في الشقة و عايز اجيبلك كل اللي انتي عايزاه ممكن بعد كدا ان شاء الله ابقي افتح لما ربنا يرزقني اهم حاجة بس انتي ادعيلي و هي هتفرج

ليندا : علي فكرة انا مش عايزة حاجة انا يكفيني اني هبقي مكان

هشام : ربنا يخليكي ليا بس متحسسنيش اني بحرملك من حاجة و انتي بتتعاطفي معايا

ليندا : انت بتهزر يا هشام ايه اللي انت بتقوله دا انا عمري ما فكرت كدا علي فكرة لو معاك ملايين برضو مكنش هيفرقوا معايا انا اللي يهمني انت انت و بس

هشام : حقك عليا انا اعصابي مشدودة من الشغل

ليندا : و لا يهملك يا حبيبي المهم متشلش هم اي حاجة و ان شاء الله ربنا هيفرجها من وسع

هشام : يارب يا حبيبتي ليندا انا عندي اموت و لا احس انك نفسك في حاجة و انا مقصر في حقك او مش قادر اجيبهالك او احس انك بتخبي عليا حاجة نفسك فيها عشان عارفة ظروفني قوليلي اي حاجة نفسك فيها و ملكيش دعوة انا اول لما اقدر هحقهالك انك تخبي عليا او متطلبيش مني دي حاجة هتوجعني اوي

ليندا : طب انا نفسي اشرب عصير قصب D:



ليندا : تقصد علينا

و الحمد لله اخدنا المكان ايجار و بدأت انزل كل يوم مرة مع هشام مرة مع ميزو مرة مع اسيل لحد لما جهزت المكان كامل زي ما بحلم بيه قسمته 3 اقسام قسم القراء و دا قسم عملته هيكون معزول عن دوشة الكافيه نفسه و عملت فكرة فيه كشكول كبير كدا بعد لما حد يقرأ كتاب يكتب افكار استفاد منها من الكتاب اللي قرأه في الكشكول دا و قسمت الكشكول بمواضيع كثير و اول لما الكشكول بيتملي بنطبعه و نعمل منه نسخ و سمناه كشكول القراء و بيتباع في الكافيه للأستفادة من الافكار المختلفة و القسم الثاني كان كافيه عادي و دا اللي بنعمل فيه الفقرات المختلفة اللي لسة بحضرلها و القسم الثالث هو قسم كتب الكتاب و دا المسئول عنه انا و هشام و جبت بنوتة بتعمل افكار للهدايا مختلفة و جهزناه بالالوان و كل حاجة مختلفة عن باقي الكافيه

و بعد شهرين كان المكان اتوضب و بقي تحففففة و بدأ فعلا الاقبال عليه يزيد جامد و الفكرة عجبت الناس جدا

هشام : شوفتي المكان بقي جميل اوي ازي

ليندا : انا فرحانة اوي بيه يارب يقدرني و ناس تهتدي بسبب المكان دا انا خلاص اتفقت مع داعية بنوتة هتيجي بكرة ان شاء الله كلامها حلو اوي انا كنت بحضرلها في مسجد و لما قولتلها علي الفكرة شجعتها اوي و قالتلي هاجي اقعد معاكوا

هشام : خير ان شاء الله ربنا يحققك كل اللي تتمنيه

و ثاني يوم جت البنوتة زي ما اتفقنا هي كانت من سننا مش كبيرة و عزمت ماما و صحباتها عشان يتفرجوا علي المكان و قولت فرصة يستفيدوا من البنوتة و هتبعي طريقة غير مباشرة لدعوتهم يمكن ربنا يجعلها سبب في هدايتهم

و جت البنوتة

البنوتة : السلام عليكم و رحمة الله و بركاته

بجد انا مبسوطه اوي ان في مكان زي دا ايوة كدا الواحد يقدر يخرج و ياخذ راحتته و  
يبقي في مكان محترم بجد بشكر صاحبة المكان و ربنا يجزيها كل خير و يجعله فتحة  
خير عليها  
انا جاية النهاردة عشان اسمعكوا و نكلم سوا مش عشان تسمعوني خلونا نبقي صحاب  
و نتعرف

فعلا بدأت نتعرف علي كل الموجودين و كسرت الحاجز اللي كانوا حاطينوا

البننت : طيب ايه رأيكوا بما ان المكان للبنات بس تعالوا نلعب

الحضور : نلعب ايه

البننت : تعالوا نلعب لعبة اتوبيس كومبليت مثلا و اللي يكسب انا عزمه

بدأنا نلعب و كنا مبسوطين اوي و البنات اندمجت في اللعب جدا و بعد لما خلصنا لعب

البننت : دلوقتي تقترحوا نعمل ايه نكمل لعب

الحضور : نتكلم شوية و نتناقش

البننت : طيب تحبوا نتكلم عن ايه مثلا

الحضور : اللي تختاراه

البننت : تعالوا نجدد ايماننا ايه رأيكوا موافقين

الحضور : طبعاً!!!!!!

البننت : اول حاجة عشان نجدد ايماننا لازم نعترف ان احنا اذنبنا و كلنا بنذنب و بنخطأ  
حتي لو واحدة شايفة نفسها علي قدر عالي من الايمان فا الرسول صلي الله عليه وسلم  
ما ينطق عن الهوي المعصوم من اي خطأ كان بيستغفر ربنا سبحانه و تعالي دايمه فا  
نبدأ تجديد الايمان باننا نستغفر ربنا كلنا يلا استغفر الله العظيم الذي لا إله إلا هو و  
اتوب اليه



الحضور و من ضمنهم ماما و صحباتها : استغفر الله العظيم الذي لا إله إلا هو و اتوب إليه

البننت : في حديث عن ابن عمرو - رضي الله عنهما - عن النبي - صلى الله عليه وسلم - قال: "إن الإيمان ليخلق في جوف أحدكم كما يخلق الثوب فاسألوا الله تعالى: أن يجدد الإيمان في قلوبكم". [رواه الحاكم والطبراني وصححه الألباني].  
احنا دلوقتي في حلقة بيذكر فيها اسم الله يعني احنا بتحوفنا الملائكة من كل مكان خلونا ندعي ربنا يجدد الايمان في قلوبنا لعل الله يستجيب لنا يارب ردنا إليك ردا جميلا و احبي قلوبنا بذكرك و طاعتك

الحضور : اللهم امين

البننت : لكل حاجة وسيلة و في عدة وسائل لتجديد الايمان مش هطول في شرحها بس خلينا نذكر اهم ركن النهاردة

اول حاجة : الصلاة بخشوع الصلاة دي هي الصلة بينا و بين ربنا ياه تخیلوا كدا و لله المثل الاعلي شخص عظيم جدا مبدع و الناس كلها عرفاه و محدش يقدر يقابله بسهولة خالص جه قالك بصي انا هقابلك 5 مرات في اليوم و الطلبات اللي تطلبها هحققها لك هتروحي و لا مش هتروحي

الحضور : هروح طبعا

البننت : ما بالك دا رب العالمين خالق الكون دا كله عارف اللي في نفسك اكثر منك استحضري عظمة الله في قلبك بالله عليك ازي بعد كدا تقدري تقوتي لقاء بينك و بين ربك ازي تحرمي نفسك من اجمل مقابلة مع الرحمن الرحيم  
انا مش هطول عليكم النهاردة و فرحانة اوي اني كنت معاكوا قبل ما امشي عايزة اقولكوا اني حبيتكوا اوي في الله و عشان كدا علي قلبكوا كل اسبوع



\*\*\*\*\*

## الفصل الثانی و الثلاثین

لیندا : خیر یا حبیبی ایہ الموضوع اللی عایزنی فیہ

ہشام : انا مش عایز اضایقک و انتی فی وقت فرحانہ فیہ و عمال أأجل الکلام فی الموضوع دا بس انتی لازم تعرفی

لیندا : فی ایہ یا ہشام قلقتی

ہشام : انا مخنوق اوی

لیندا : انا اسفہ انا اتشغلت عنک الیومین اللی فاتو و عارفة انی قصرت فی حقک

ہشام : انتی طبعاً وحشتینی و مفتقدک جدا بس مش هو دا الموضوع

لیندا : أو مال فی ایہ بقی خضتتی قول علی طول

ہشام : انا سبت الشغل

لیندا : لیہ طیب

ہشام : انا قولتک مدیر المستشفى حاططنی فی دماغه و مکنتش فاهم السبب و اول امبارح لقیته جه قالی فی دکتور هیمسک بدالك و متشکرین لخدمتک معانا

لیندا : خلاص هو اللی خسران و لا یهمک منه بكرة تبقي احسن دکتور فی الدنيا و یبقي عندک اکبر مستشفى و تعالج فیها الناس مجاناً زی ما بتعلم

هشام : بس انا تعبان اوي يا ليندا انا خدت الموضوع علي كرامتي و خايف كمان

ليندا : خايف من ايه يا قلبي

هشام : انتي يا ليندا اتعودتي علي مستوي معين و انا خايف أأثر معاكي و دلوقتي فيه جهاز و عفش و توضيب شقة هعمل ايه

ليندا : عادي يعني ممكن نأجل جوزنا ما انت كدا كدا هتدور علي شغل تاني و هتلاقي هشام : اني الاقي شغل جديد مش سهل زي ما انتي متخيلة

ليندا : حتي لو صعب انا جمبك و طول ما عندنا حسن ظن بربنا مش هيسيبنا و هيرزقك هو مدير المستشفى اللي بيوزع الارزاق و لا ربنا اللي رزقك بشغل المستشفى هيرزقك بغيره

هشام : ربنا يخليكي ليا يا حبيبتي يا رب كنت فاكر انك هتضاييقي و هتخافي ان الموضوع يأثر علي جوازنا

ليندا : و اضايق ليه انا واثقة في ربنا ثم في قدراتك و عارفة ان ربنا هيكرمك و هتلاقي شغل احسن و دي هتكون خطوة كويسة تخليك تنزل مستشفيات كتير فا تشوف نظامها فا يبقي عندك خبرة في المجال دا عشان لما تفتح المستشفى بتاعتك ان شاء الله

هشام : خليكي جمبي

ليندا : انا جمبك يا بابا عمري ما هسيبك ابدأ و بعدين دي مصلحة كبيرة اصلا

هشام : ليه

ليندا : لان ميزو بدأ فيني كافيه الولاد لما كافيه البنات نجح و اكيد هحتاجك معاه

هشام : متحسسنيش اني قاعد فيني البيت حاطط ايدي علي خدي و مبعملش حاجة و انتي بتشفقي عليا انا مش عاجز انا هنزل من بكرة ادور علي شغل

ليندا : مين يا حبيبي قال كدا مش كنا متفقين من الاول انك هتبقى مدير معانا في كافيه  
الولاد هو انا مش بقولك كدا النهاردة بس ما دا كلامنا من زمان

هشام : حقك عليا انا تعبان هقفل انام احسن

ليندا : متمش و انت مضايق كدا

هشام : معلىش يا ليندا مش هقدر اقدر

ليندا : مش انت قولتلي مفيش هشام في حبيبي يبقي برضو مفيش ليندا في حبيبي

هشام : ماشي حبيبيتي سلام دلوقتي

هشام

موضوع الشغل مآثر اوي علي نفسيتي محسني اني ضعيف قدام ليندا احساس وحش  
اوي لما تحس ان مراتك ممكن تحتاج لحاجة و مترضاش تقولك عشان عارفة انك مش  
بتشتغل خايف اجي عليها و حاسس اني بهرب منها مع اني في اشد حاجتي ليها  
صحيت الصبح بدري من الساعة 7 و خدت سي في كثير معايا و نزلت اقدم في  
المستشفيات اي مستشفى تقابلني اقدم فيها مفيش حاجة اتقبلت فيها المستشفيات كلها مش  
محتاجين حد كاملين

يارب افرجها من عندك يارب انا مش واخذ علي قعدة البيت

نزلت طبعا الكافيه مع ميزو عشان ميحسش انه لوحدته و فعلا انجزنا و عملنا حاجات  
كثير فيه و كنت مبسوط و انا فيه كان يومي عبارة عن اني اصحي الصبح بدري انزل  
الف علي مستشفيات و بعديين اطلع علي الساعة 5 كدا علي الكافيه و بعديين اروح  
الساعة 11 اقدر اذاكر عشان الدكتوراه انا دكتور قلب و يدوب انام 4 ساعات و اقوم  
اكمل يومي

بعد اسبوع

ليندا : هشام انا عايزاك ضروري

هشام : خير في ايه و صوتك مخضوض كدا ليه

ليندا : في حاله بنت خطر عندها القلب صغيرة بس للأسف ميقدروش علي تكاليف العملية عندها 4 سنين اتصرف اعمل اي حاجة

هشام : طيب هي فين دلوقتي و لا عرفتيها منين

ليندا : كنت في دار ايتام و المشرفة قالتلي

هشام : طيب اقفلي انا هشوف مستشفى يدوني اوضة عمليات و هاجي اخذك و اخودها نعملها الفحوصات و بعديين نشوف هنعمل ايه

قعدت كلمت 8 مستشفيات و كلهم اوضة العمليات محجوزة لآخرها روحت خدت البنت عملتلها فحوصات في مستشفى و كانت لازم تعمل العملية في خلال 48 ساعة قعدت اكلم مستشفيات تاني اخيرا لقيت مستشفى وافقت و قولتلهم هأجر اوضة العمليات و هدفع فلوس للمستشفى و مش عايز فلوس ليا

و بعد 24 ساعة جهزت البنت للعمليات و البنت كانت سايبه مامتها و متعلقة في رقبة ليندا و ليندا منهاره عياط منظرهم قطع قلبي

الحمد لله عملت العملية و دخلت عناية مركزة اسبوع و ليندا هي اللي تحملت تكاليف حجزها في المستشفى و كنت كل يوم اروح اتابع حالتها فرحت اوي لما خفت و انتقلت اوضة عادية و بقت تضحك و تقول لمامتها هتسبيني العب بعد كدا براحتي و تشدني من هدومي نقولي مش خلاص يا دكتور انا هقدر العب من غير ما ماما تخاف عليا كنت بضحكها و انا عيني كلها دموع و اقولها طبعاً يا حبيبتي كانت اول عملية اعملها لوحدي و كنت مضطر اني اعملها البنت حالتها كانت خطر مقدرش استني دكتور تاني اي دكتور كان لازم اقوله علي الاقل قبلها باسبوع بس فعلاً مش البنت اللي كانت محتاجة اني اعملها العملية انا اللي كنت محتاج اعملها العملية كنت محتاج ثقتي بنفسي ترجع وقتها حسيت اني دي رسالة من ربنا

ليندا : حبيبي عايزة اقولك علي سر بس او عدني مترعش مني

هشام : اتفضلني من امتي في بنا اسرار

ليندا : بصراحة انا مكنتش رايحة دار الايتام صدفة و لقيت البنات انا روحت  
مخصوص عشان اشوف حاله محتاجة عملية و اخليك انت تعملها عشان حسيت ان دا  
هيفرق معاك و فعلا انك تنقذ حياه انسان دي مفيش حاجة تساويها

هشام : الحمد لله اي ان كانت الطريقة ربنا جعلني سبب ان البنات تخف  
استني يا لولو في ويتج رقم غريب

ليندا : اوك حبيبي براحتك

هشام : الو السلام عليكم

\_ عليكم السلام و رحمة الله و بركاته دكتور هشام معايا

هشام : ايوة مين حضرتك

\_ انا مدير مستشفى السلام اللي انت عملت فيها عملية للبنات من اسبوعين

هشام : اه اهلا بحضرتك

مدير المستشفى : ممكن تعدي عليا عايز اكلم معاك شوية

هشام : حاضر تحت امرك

مدير المستشفى : الامر لله منتظرك بعد العصر ان شاء الله

هشام : ان شاء الله هكون في معادي سلام عليكم

مدير المستشفى : و عليكم السلام و رحمة الله و بركاته



ليندا : ايه مين كان بيكلمك

هشام : مدير مستشفى اللي عملت فيها العملية كلمني و عايزني بعد العصر

ليندا : خير في ايه

هشام : البنت كانت كويسة لحد ما سبتها و اوضة العمليات دفعت فلوسها و الاجهزة  
كلها زي ما هي استرها يارب

ليندا : ان شاء الله خير متقلقش

هشام : كلمي مامت البنت اطمني عليها

ليندا : حاضر

\*\*\*\*\*

ليندا : سلام عليكم

مامت البنت : عليكم السلام ازيك يا استاذة ليندا

ليندا : الحمد لله يا حاجة طمني سلمي عاملة ايه

مامت البنت : زي الفل و الله الحمد لله في نعمة بجد انا هفضل ادعيلكوا طول عمري  
لحد اخر نفس في حياتي انتي و الدكتور هشام ربنا يكرمه

ليندا : علي ايه يا حاجة احنا معملناش حاجة انا بس قولت اطمئن عليها

مامت البنت : روعي يا بنتي الليه يجعلك في كل خطوة سلامه و يرزقكوا الخير من  
وسع

ليندا : اللهم امين ربنا يكرمك يا حاجة و يفرحك بسلمي يارب

---

هشام : هاه قانتلك ايه

ليندا : البنت زي الفل و مامتها قعدت تدعيننا

هشام : طيب هلبس و انزل

ليندا : طيب طمنيني اول لما تخلص

---

بعد ساعتين كنت قاعد مع مدير المستشفى

مدير المستشفى : ازيك يا دكتور عامل ايه

هشام : الحمد لله في نعمة

مدير المستشفى : انت يا دكتور عملت عملية سلمى لوحدك صح

هشام : اه تمام

مدير المستشفى : البنت كانت حالتها خطيرة اوي انا شوفت الفحوصات قبل و بعد  
العملية

هشام : الحمد لله خفت بنسبة 80% ربنا هو الشافي

مدير المستشفى : انت دارس هنا و لا بره

هشام : لا دارس هنا و كنت بشتغل في مستشفى الامل بس اول مرة اعمل عملية لوحدني

مدير المستشفى : ايه دا حقيقي

هشام : اه هو حضرتك في حاجة حصلت

مدير المستشفى : لا بجد فرحان ان في شباب زيك قولت اشكرك

هشام : الشكر لله انا معملتش حاجة

مدير المستشفى : تقبل يا دكتور تشتغل هنا معانا في المستشفى و بالمرتب اللي انت عايزه

هشام : حضرتك بتكلم بجد

مدير المستشفى : اه طبعا انت شاطر جدا و انا محتاج دكتور قلب هنا

هشام : الف حمد و شكر ليك يارب حضرتك عارف انا سايب شغلي في المستشفى الامل من 3 اسابيع و دوخت علي المستشفيات اقدم السي في

مدير المستشفى : انت هنا اثبت خبرتك

هشام : الحمد لله يارب انا هاخذ المرتب اللي حضرتك تديهوني بس ليا طلب واحد

مدير المستشفى : خير

هشام : اعمل حاله مجانية كل اسبوع

مدير المستشفى : دا شئ عظيم و انا معنديش اي مانع

هشام : ربنا يجزيك كل خير يارب

مدير المستشفى : جزانا و اياك

ليندا : خير يا هشام طمني

هشام : انا اشتغلللتللت الحمد لله

\*\*\*\*\*

## الفصل الثالث والثلاثين

هشام

كان اول مرة احس انك بتكون محتاج للصدقة اكثر من الشخص اللي بتديهالوا كنت كل يوم اقيم الليل و ادعي فيه و كلي يقين بس حدود عقلي مكنتش تتخيل الكرم دا روح المستشفي الجديدة بمرتب ضعف اللي كنت باخده و الحمد لله بقت تجيلي حالات مخصوص بالاسم

في المستشفي القديمة كنت مجرد مساعد و مكنش الدكتور الاساسي بيرضي يخليني اعمل اي عملية لوحدي و الحمد لله ربنا كرمني من وسع و بقيت اعمل عملية كل اسبوع مجانا و اللي بيدفع تكاليف المستشفي ليندا او ميزو او باباها عملوها بالاسبوع كل واحد ياخذ حاله كل اسبوع و الحمد لله كانت فتحة خير لينا كلنا و بابا ليندا استثماراته عليت و ربنا كرمه من وسع و الكافيه اللي ميزو عمله و دخلت معاه فيه حقق نجاح كبير اوي و بقينا نلعب و نهيص و نفرح فيه و نعمل حفلات كمان بس كلها اسلامية بس الشباب كانت مبسوطه اوي و مكناش متخيلين انه ينجح كدا

ليندا : انا فررحانة اوي يا هشام اتصدق خروجة ماما و اصحابها المفضلة بقت عندنا في الكافيه و في ناس منهم بقوا يشتركوا معنا في النشاطات

هشام : حلو اوي يا حبيبتي ربنا يجعلك سبب في هدايبتهم

ليندا : حاسة ان ماما دماغها بدأت تلين شوية بقت تيجي تسألني علي حاجات و بقت تاخذ رأيي في لبسها و دا عمرها ما عملت كدا

هشام : طيب ايه رأيك لو تعلمي نشاط عن الحجاب بس يشد الناس اعتقد ان دا هيفرق مع مامتك و صحباتها و خليهم يشتركوا معاكي في النشاط

ليندا : اتصدق صح فكرة طيب تقترح عليا ايه

هشام : ممكن تعملوا عرض ازياء للمحجبات و بما ان مامتك مهتمية بالموضة خدي رأيها في الوان قماشات كدا بس متقوليلهاش بتحضري لايه و خليها تحضر يوم العرض و خلي البننت الداعية تيجي تكلم عن الحجاب  
ليندا : صح فكرة حلوة اوي

ليندا : ماما انا عاملة نشاط في الكافيه وعايزاكي تساعدينني فيه

ماما : اه طبعا تعالي عايزة ايه

ليندا : عايزة اخد رأيك في عرض ازياء كدا هعمله تفنكري الوان ايه اللي طالعة موضة

ماما : استنتي تعالي افرجك لسة كنت جاية حاجات عن الموضة الصيف دا

و قعدت انا و ماما نتفرج و نكلم علي الموضة و هي اندمجت اوي معايا يعتبر اول مرة نكلم كتير كدا و كنت مبسوطه و هي كمان

ماما : طيب بصي ايه رأيك كمان لو نعمل اكسسوارات و اللي يعجبه يشتريها من الكافيه عندي واحده صاحبتني بتعمل اكسسوارات تجنن

ليندا : طيب دا كدا حلو اوي و انا هظبط الازياء و نعمل العرض يوم الاحد ان شاء الله طبعا هتيجي انتي و صحباتك

ماما : اه شور جاية

ليندا : انا فرحانة اوي علي فكرة انك معايا وواقفة جمبي

ماما : الفكرة تستاهل الصراحة اقولك حاجة

ليندا : قولي

ماما : حاجات جوايا كثير تغيرت بقيت احب اجي عندك و بقي يوحشني المكان و الناس و البنوتة اللي بنتيجي كل اسبوع اتعلقت بيها اوي

ليندا : و انا عملاك مفاجأة يوم الاحد و هجيبها لك

ماما : بجد هنتيجي

ليندا : اه هكلمها اكيد لو فاضية هنتيجي

و كلمت مها البنت الداعية انا و هي بقينا صحاب جدا

ليندا : السلام عليكم ازيك يا مها

مها : و عليكم السلام لي لي حبيبتي عاملة ايه

ليندا : الحمد لله تمام بقولك فاضية يوم الاحد الجاي ان شاء الله

مها : اه عندكوا نشاط ايه

ليندا : نشاط عن الحجاب

مها : خلاص هاجي احضر معاكوا باذن الله

ليندا : علي فكرة ماما اتعلقت بيكي جامد اول مرة اشوفها تتعلق بحد

مها : هي اصلا زي العسل انا بموت فيها

ليندا : طيب بصي عايزاكي معايا من يوم السبت بس تجيلي البيت عشان نجهز الازياء  
سوا و ا بقي مطمئة انها فعلا شرعية

مها : خلاص عنيا ليكي حاضر

و يوم السبت جت مها و نزلنا لفينا الاول علي محلات محجبات و اتفقنا اننا هنعملهم عرض ازياء ووافقوا و اختارنا لبس من عندهم و اخدناها و روحنا البيت قعدنا نظبط طرح عليهم و كنا جاييين مقاسات مختلفة و اتفقنا مع صاحبنا مين هيلبس ايه و جينا الاكسسوري اللي تليق عليهم من صاحبة ماما و يوم الاحد من الصبح بدري البنات كلهم اللي مسئولين عن النشاط كانوا موجودين و ضبطنا كل حاجة و الكافية كله اتعلي علي المغرب

مها : قبل ما نعمل اي حاجة يلا نصلي المغرب و نقول اذكار المساء

مها صلت بينا المغرب و بقت تقول اذكار المساء و احنا نقول و راها و بعد ما خلصنا مها كانت جايبة سبت كدا شكله تحفة في بنبون و مصاصات و قعدت وزعته بعد الصلاة

السبت كان فيه بنبون ورقته مفكوكة و محطوط كدا و المصاصات الورقة كانت متشالة برضو من علي 4 منهم انا عن نفسي مكنتش فاهمة و عمالة اقولها مها في بنبون و مصاصات ورقتها متشالة شليهم تقولي طيب و مكنتش بتشلهم لحد ما اتجمعنا

مها : قبل ما نبدأ عرض الازياء حد لاحظ ان السبت كان فيه بنبون و مصاصات مش مغلفة

الحضور : اه

مها : انا كنت حطاهم بالعدد 10 بنبونات و 4 مصاصات تيجوا نعدهم و نشوف حد خدهم و لا لا

و بدأت مها تعد البنبون اللي مش متغلف و المصاصات

مها : محدش اخد و لا بنبونية و لا مصاصية مش اللي متغلفين تفتكروا ليه

بنت من لحضور : عشان اكيد هتبقي ملوثة و ممكن كان وقف عليها دبان او حاجة اكيد هتبقي فيها ميكروبات

مها : بس هي شكلها احلي من اللي متغلفة لانها ظاهرة بحقيقتها و الوانهم كمان تجذب النظر اكثر



بنت من الحضور : ما هو ايه لزماتها انها شكلها حلو بس هتوجعلنا بطننا

مها : هو دا الحجاب برضو ربنا امرنا اننا نلبسه عشان يصونا و يحفظنا من عيون الشباب عشان احنا اغلي من ان اي شاب يشوف جسمنا او شعرنا دول حاجات لازوجنا و بس لكن ليه نبقى سبب في فتنة شاب من الشباب و علي فكرة كل شاب بيصلك انتي بتشاركيه في الذنب في ايديك تختاري يا تبقي بنبوناية متغلفة منتكشفيش غير علي اللي شاركي بجد و اللي يستاهلك يا تبقي بنبوناية مفتوحة الناس هتبصلك و هتعجب بيكي بس للأسف انتي اللي هتخدي ذنوب

مش هطول عليكوا خلينا نشوف العرض اللي ليندا محضر هولنا

و بدأت بنات تطلع بإستيلات تحفة في بنات لابسين فساتين عليها كاردين طويل و بنات لابسين جيبات و شميزات و استايلات كثير مختلفة

و بعدها

مها : طيب دلوقتي انا هنختار بنات من الحضور مش محجبات هناخداهم و نلبسهم طقم بالحجاب و خلونا نعمل تصويت هل البنات كانت احلي بالحجاب و لا من غير الحجاب

جبنا 4 بنات كانوا مكسوفين جدا في البداية و بعدين البنات قعدوا شجعوهم بس محبناش نجرح مامت ليندا و صحباتها و نطلب منهم انهم يجوا معانا و نعمل معاهم المسابقة

مامت ليندا : هو يا ليندا احنا ممكن نشارك معاكوا في اللعبة دي

ليندا : طبعا يا ماما قوموا يلا

و جبنا البنات طلوعوا عرفوا نفسهم و دخلوا عشان يلبسوا الطقم بالحجاب ووزعنا ورقة بأسمائهم و هل كانت احلي بالحجاب و لا من غير الحجاب ؟

و بدأت كل بنت تطلع و هي لابسة الحجاب و تقول هي حاسة بايه

مها : طيب دلوقتي معانا شيماء قوليلنا يا شيماء حاسة بي ايه و انتي لابسة الحجاب

شيماء : انا مستغربة نفسي اوي بس فرحانة بالتجربة دي

مها : هل ممكن تستمري عليها

شيماء : هو قرار صعب انا عندي 24 سنة و الناس متعودة تشوفني بشعري هيبقي غريب عليا الحجاب بس هحاول

مها : ربنا يكرمك و ان شاء الله تقدري تاخدي القرار و صدقيني وقتها ميهمكيش الناس لانك هتتحاسبي لوحدك وبعدين شكلك بالحجاب زي القمر و هنشوف في التصويت شكرا ليكي يا شيماء

مها : معانا دلوقتي هايدي حاسة بايه يا هايدي

هايدي : حاسة اني مكسوفة اخرج بلبسي و عايزة افضل لابسة اللبس دا

مها : طيب تقدري تاخدي القرار انك تفضلي لابسة اللبس دا و فعلا تخرجي بيه و تروحي البيت بيه النهاردة

هايدي : دا فعلا اللي بفكر فيه رغم خوفي من رد فعل اهلي بس انا حقيقي مكسوفة اخرج بشعري تاني يمكن عشان تخيلت نفسي اوي زي البنبنوناية

مها : ربنا يكرمك يارب و عموما لو عايزة تروحي بالطقم انا هشجعك و اوصلك لحد البيت كمان و لو عايزاني اقابل مامتك انا معاكي

هايدي : هفرحكوا ان شاء الله و هروح بالحجاب و مش هقلعه ابدًا

مها : الحمد لله ربنا يجزيكي كل خير و يجعله في ميزان حسناتك

و جه دور مامت ليندا

مها : ااه دلوقتي دور حبيبة قلبي قوليلنا حاسة بايه

مامت ليندا : انا قررت اني اخرج من هنا بالحجاب و اي بنت هتتجب النهاردة الطقم  
اللي هي هتاخده تروح بيه هدية مني ليها بجد احساس حلو اوي انك متحافظ عليكي  
كنت زمان بقول علي المحجبة معقدة و مش عايشة حياتها و دايمًا بتلبس اكبر من سنها  
و ان الجمال الحقيقي بإنك تباني بشعرك و كان عندي اعتقاد ان المحجبة شعرها وحش  
او مثلا مرحتش للكوافير تعمل شعرها بس بجد النهاردة عرفت قيمة البنت المحجبة و  
قد ايه هي بتكون فرحانة بحجابها

ليندا و هي بتعيط لإنها مش مصدقة : يا جماعة انا احب ابارك لمامتي قدامكوا كلكوا و  
ربنا يثبتها يارب و بجد انتو مش متخيلين فرحتي دلوقتي عاملة ازي و عايزة كمان  
اشكرها لإنها هي اللي ساعدتني في اني اقدملكوا العرض النهاردة

مها : ربنا يباركلكوا انتو الاتنين و يحافظ عليكوا و يجعل كل اللي بتعملوه في ميزان  
حسناكوا  
يلا هنقضيه عياط و لا ايه عايزين نشوف التصويت

مها : الورق بتاع التصويت دلوقتي كله معايا خاينا نشوف  
بالحجاب احلي  
بالحجاب احلي  
بالحجاب احلي

ما شاء الله تبارك الله التصويت كله لكل البنات بالحجاب احلي لإن الحجاب مش  
بيحليكي بس بالشكل الحجاب بيحليكي بأنه صاينك و محافظ عليكي

\*\*\*\*\*

## الفصل الرابع والثلاثين

دلوقتي بس حسيت ان فرحتي اكلت بآن ربنا هدي ماما و الحمد لله بقت تصلي و اصحابها قرروا انهم يعملوا كافيه زي بتاعنا بس للي من سنهم عشان هما حسوا ان هما جيل تاني بتفكير تاني محتاجين حاجات مختلفة عننا و انا بدأت احس اني بعدت جامد عن هشام فقررت اني انظم وقتي شوية و اخدت شيفت الصبح و قسمنا البنات علي شيفتات عشان افضي لحبيبي شوية

الواد ميزو وحشني اوي بقالي كثير مش عارفة اقعد معاه زمانه بيكلم الموزة بس هروح اغلس عليه

ليندا : ميزو اقل يلا و تعالي اقعد معايا شوية

ميزو : في حاجة و لا ايه

ليندا : لا وحشتني بس و عايزة ارغي معاك و بعدين هات صاحبتني اسلم عليها

ميزو : لا بغير

ليندا : اخلص بقي

ميزو : خدي يا رنا ليندا عايزاكي

ليندا : ايه يا بنتي مختفية فين و مبقتيش تيجي الكافيه ليه

رنا : مش عارفة و الله اليوم بيخلص بسرعة و مش بلحق اعمل اي حاجة

ليندا : لا نظمي كدا وقتك و مستنياكي في الكافيه عشان وحشتيني

رنا : و انتي كمان و الله و حشتيني اوي

ليندا : طيب هستاكي بقي ان شاء الله بقولك ممكن اخذ منك الموز بتاعك نصاية كدا و ارجعها لك

رنا : اه طبعا اتفضلني

ليندا : ماشي حبيبتني ربنا يخليكي سلام عليكم

رنا : و عليكم السلام

ليندا : تعالي هنا وشك مش مريحني و طريقة كلام رنا مش مريحاني انتو متخانقين

ميزو : بقالنا فترة مش متظبطين و كل يوم خناق

ليندا : ليه طيب في ايه

ميزو : اختصار الموضوع انا و رنا كنا متعودين مع بعض علي حياه معينة قبل الالتزام لما جينا ارتبطنا دلوقتي اختلاف الحاجات اللي كنا متعودين عليها تعباننا ناس قديمة في صحابها بدأوا يرجعولها و هي عايزة تخرج معاهم و تبقي زي الاول و انا مش موافق و هي مش قادرة تستوعب دا و مش قادرة تسوعب اني زمان كنت حاجة و دلوقتي حاجة تانية هي شايبة ان دا تحكم مني فيها و رافضة اسلوبني و بتعند معايا

ليندا : طيب ممكن تهدي

ميزو : انا بقالي في الموال دا اكر من شهرين كل يوم نكد كل يوم نكد و هي مبتسمعش الكلام

ليندا : طيب تخليني انا اكلم معاها

ميزو : لا مش عايز حد يدخل مشاكلي انا و هي لازم نقدر عليها هنعمل ايه بعد كدا لو معرفناش نحل مشاكلنا من دلوقتي

ليندا : طيب بصي انت اهدي بس هو كل الموضوع تعود حاول تعودها علي ناس تانية هي ممكن عشان ملهاش صحاب دلوقتي فا بترجع لصحابها القدام

ميزو : قولتلها 100 مرة انزلي الكافيه مع ليندا و اتعرفي علي ناس و هي قافلة دماغها

ليندا : يبقي اكيد انت بتكلم بزعيق عشان كدا هي بتعند

ميزو : ما انا بتتيل بكلم بزعيق من خوفي عليها انا عارف لو رجعت للناس دي هترجع لطريقها تاني

ليندا : معلش خد بايديها و شدها اكرر لطريقك مش بالعنف بالحنية و الهداوة

ميزو : حاضر

ليندا : روق كدا بقي

ميزو : انتي عاملة ايه مع هشام

ليندا : زي الفل الحمد لله حساه الدنيا كلها وحشاني الكافيه خدني من حياتي اوي حتي مأثرة جامد مع هشام

ميزو : لا اوعي نجاحك يآثر عليه هو الالهة عندك و انتي مسئولة عنه لازم تحطيه في عينك

ليندا : ما انا عشان كدا عملت شيفتات و ضبطها مع مواعيد شغله

ميزو : تمام كويس ربنا يسعدكوا



بابا الحمد لله بقي صاحب بابا هشام اوي و بقي يخرجوا سوا و بيروحوا مساجد سوا و  
يجوا البيت و يقعدوا يلعبوا طاولة و شطرنج و الحمد لله بابا قرب جامد من ربنا و  
الشغل بتاعه بدأ يقف علي رجله من ثاني

في يوم لقيت هشام بيكلمني

هشام : ايه يا حبيبتى عاملة ايه

ليندا : الحمد لله تمام انت عامل ايه يا قلبي

هشام : زي الفل الحمد لله بقولك باباكي و ميزو موجودين

ليندا : اه خير في حاجة

هشام : طيب انا هكلم باباكي اسستأذنه اجي انا و بابا و ماما عايزين نكلم معاه في  
موضوع كذا

ليندا : موموضوع ايه

هشام : خليه مفاجأة

ليندا : انا بقلق من مفاجأتك

هشام : لا مش تقلقي و يلا بقي عشان مستعجل انا

و بعد ساعتين لقيت هشام جاي اول لما دخل لقيت معاه بوكيه ورد كبير و انا استتجت  
هو جاي ليه

هشام : خدي دا كدا ليكي عارف بتحبي الورد فا جبتك

ليندا : حلو اوي يا حبيبي بس دا ليه هاه هاه هاه

هشام : هتعرفي حالا



قعد هشام هو و باباه و مامته مع ماما و بابا و ميزو

بابا هشام : طبعا هو جواز هشام و ليندا كنا قايلين انه بعد سنة و نص من كتب الكتاب بس الحمد لله ربنا فتح علي هشام في الشغل و هو دلوقتي خلاص فلوسه جاهزة و يقدر يجهز فا انا كنت بقول لو نخلي الجواز كمان شهر و نص كدا عقبال ما نفرش و نجيب العفش انتو ايه رأيكوا

بابا ليندا : و الله الرأي رأيهم هما صاحب القرار لو هما موافقين انا معنديش مانع

هشام : عن نفسي موافق انتي ايه رأيك يا لولو

ليندا : انا ها ايه

هشام : بس هي كدا موافقة انا حافظها :D

بابا ليندا : علي بركة الله ننزل من بكرة نشوف العفش و القاعة و ربنا يقدم اللي فيه الخير

ليندا : بس انا ممكن ملحقش اخلص حاجتي

ماما و مامت هشام : ملكيش دعوة بالتجهيزات احنا قادرين عليها و هنخلصها في اسبوع

فعلا كل حاجة الحمد لله ربنا كان مسهلها علينا طبعا هلكت في الفترة دي من كتر اللف كل يوم ما بين الكافيه و ما بين تجهيز حاجتي

و جه اليوم اللي هشتري فيه الفستان

ليندا : ماما انا عايزة هشام معايا



سامعه.. أبوة دي دقة قلبي بتسأل من فرحتها  
بقي معقولة بقي معقولة اليوم ده فرحنا  
سامعه.. أبوة دي دقة قلبي بتسأل من فرحتها  
بقي معقولة واتحقق حلمنا معقولة  
أه معقولة يا أجمل قسمة.. أحلى نصيب مكتوب ومقدر..  
يا حنين جوة القلب ونسمة.. ده أنا فرحتي بيكي ما تنقدر..  
..أول لما هندخل بيتنا.. راح نسجد نشكر الله..  
..وحنبتدي أول سكتنا على عهده اللي تعاهدناه..  
والحب هيفضل حوالينا..  
نسمة تعطر لنا ليلينا  
ندعي المولى يديمها علينا  
لما نضيئ شمعتنا الأولى..  
شايفه الدمعة في عيني حتجري بس دي دمعة شوق وحنين  
شايفة دي صورتك جوه عيوني وحنيتها برموش عيني..  
سامعه قلبي بطمني والبسمة الخجلانة مني  
ترد عليا وتقلي ده أنا بيبك مشغولة بقي معقولة..  
أه معقولة يا أجمل قسمة.. أحلى نصيب مكتوب ومقدر..  
يا حنين جوة القلب ونسمة.. ده أنا فرحتي بيكي ما تنقدر..

عيطت قدام الناس كلها و بجد كل كلمة كان بيقولها كانت بتهزني معقولة ربنا حقتلي  
امنيتي و النهاردة فرحي مع حبيب عمري معقول!!!!!!

و خلص الفرح و كان من احلي ايام حياتي  
يمكن هشام الوحيد اللي مستعجلتش و قولت عليه انه حبيبي الابدي لاني كنت مستنية  
ادور و اتأكد ان يوم لما اقول علي حد انه هو هيكون حبيب إلي الابد يكون فعلا  
يستحق  
و رغم اني روعي في هشام و بحبه جدا و فعلا هو زوجي الصالح اللي ربنا رزقني  
بيه بس مش هو اللي هيكون حبيب إلي الابد

\*\*\*\*\*



## الفصل الخامس والثلاثين

حياتي مع هشام كانت كرم من ربنا ليا كانت الحاجة اللي طول عمري بحلم بيها و  
اكثر كمان من اللي بحلم بيه هشام عوضني تقريبا عن كل حاجة اتحرمت منها ممكن  
عمري ما اتحرمت من فلوس او اني اطلب حاجة و يتقالي لا بس الحاجات المعنوية  
اتحرمت كثير اوي منها عمري ما كنت قريبة لبابا و لا عمره كان حنين عليا لقيت  
هشام بيعوضني عن دا

هشام : حبيبي سرحانة ايه

ليندا : بفكر في النعمة اللي ربنا رزقني بيها

هشام : نعمة ايه

ليندا : انت نعمة من ربنا انت اللي عوضتني عن كل حاجة عرفتني علي نفسي اللي  
كانت تايهه مني و خلتني احبها من كتر حبك فيها انت خليت لحياتي معني خليت ليها  
طعم انا عايشة حياتي بنكهتك

هشام : الله انا كنت عارف ان ربنا هيكرمني بواحدة تحطني جواه عنيا و تحبني كدا  
بس حدود عقلي متخيلتش كرم ربنا بجد ربنا يخليكي ليا و يديمك نعمة عليا و يقدرني و  
اسعدك

ليندا : تعرف نفسي ولادنا يكونوا شبهك في حنيتك و في شخصيتك و في تدينك و  
التزامك نفسي اربيهم علي الحب الحلال و انهم يحفظوا قلوبهم حتي لو ولاد مش معني  
انه ولد يعمل اللي هو عايزه و يعيش حياته و يرجع بعد لما يقرف و يزهد يدور علي  
البنات اللي صاينة نفسها الجوهرة اللي اهلها محافظين عليها طول عمرهم نفسي اربيهم  
ان الحب مش ضعف و ان الضعف اللي بجد انك تكتم مشاعرك اي ان كانت يعني مثلا  
عندنا لو الراجل عيط يبقي ضعيف و عديم المسؤولية و ينزل من نظر الناس ليه  
ميعبرش عن مشاعره بالطريقة اللي تريحه نفسي اربي ولادي علي الحلال و الحرام  
مش علي العيب و التقاليد و العادات

هشام : انا فخور انك انتي هتكوني ام ولادي عارفة الراجل لما بيدور علي زوجة اول  
حاجة بيدور عليها هي اللي تصلح تكون ام لاولاده يبقي مطمئن و هو بيسعي و يبشقي  
في شغله ان بيته في امان ان البذرة اللي هيترعاها هي هترعاها اصل الجواز مش ندية  
و انت ليك زي ما انا ليا الجواز دا شركة بين اتنين لو شالوا بعض و اتحملوا بعض في  
الازمات و شاركوا بعض في الفرحة خلاص الشركة نجحت انا فخور انك مراتي

و بعد 3 شهور

ميزو : ايه يا لولو عاملة ايه

ليندا : الحمد لله يا حبيبي وحشتني اوي

ميزو : و انتي كمان يا حبيبتي ايه الراجل اللي عندك مات من اكلك و لا لسة عايش

ليندا : لا لا دا انا بقيت لهلوبة و شاطرة اوي بعرف وصفات من صحابي و اعلمها

ميزو : طيب الحمد لله بقولك

ليندا : قولي

ميزو : انا خلاص نويت اتجوز

ليندا : ايه دا بجد

ميزو : اه بجد ان شاء الله حددت انا و رنا بعد شهر من دلوقتي ان شاء الله و محتاجلك معايا في التوضيب و الشقة و كدا رنا لخرة و مش هتسد في النزول لوحدها  
ليندا : اصلا من غير ما تقول يعني انا عنيا ليك

مع كل موقف بيعدى بحاول فيه اعرف هو مين اللي هيكون حبيب إلي الابد يا تري  
ميزو عشان هو اللي مني و قلبه عليا هو اللي شال همي من و انا عيلة صغيرة هو اللي  
حس بيا في كل وقت كنت فيه فرحانة و زعلانة و تعبانة مين يستحق و مع كل مرة  
كنت بحس ان في حاجة ناقصة و انا اللي يستحق يكون حبيب إلي الابد اكبر من كدا

و بعد شهر

ميزو اتجوز و كان زي القمر في فرحه و رنا كمان كانت جميلة اوي و فستانها رقيق  
زيها ربنا يباركلهم في حياتهم يارب

و انا راجعة من الفرحة طول الطريق حاسة اني دايدة و اول لما روحنا خلّيت هشام  
قاسلي الضغط و طلع واطي

تاني يوم

هشام : يلا قومي البسي

ليندا : لا لا انا تعبانة مش قادرة اخرج

هشام : و مين قالك اننا هنخرج

ليندا : اؤمال هنروح فين

هشام : هنروح نعمل تحاليل وشك اصفر ودبلان

ليندا : لا انا كويسة اهو خليك بس جمبي  
هشام : طيب خلاص هجيبلك حد هنا ياخذ التحاليل

ليندا : يا حبيبي متقلقش و الله كويسة

هشام : مش بمزاجك علي فكرة انتي مسئوليتي

ليندا : بس انا بخاف من حقنة التحاليل دي اوووووووي :)))

هشام : مش اتفقنا ان طول ما انا معاكي مفيش خوف من اي حاجة في الدنيا

ليندا : حاضر بس مش هقدر انزل خليه هو يجي

هشام : ماشي يا بنوتي

و جه دكتور التحاليل و قال ان نتيجة التحاليل هتطلع بليل هشام كان مش متظبط و  
رايح جاي في الشقة و مرضاش اقوم من مكاني حتي اعمل اي حاجة فضل طول اليوم  
هو اللي يعمل كل حاجة

ليندا : هو في ايه خيلتني رايح جاي رايح جاي اهدي في ايه دي تحاليل عادية

هشام : لا مش عادية في حاجة انا شاكك فيها

ليندا : عندي مرض و انت مخبي عليا :O

هشام : و ربنا انتي هيلة :D

ليندا : اؤمال في ايه موترك كدا

هشام : استني الراجل جه اهو دلوقتي هنعرف

و لقيت هشام مسكت ورقة التحاليل و عمال يعيط و يحمد ربنا و انا مش فاهمة اي  
حاجة



ليندا : في ايه بقي ما تكلم انا اعصابي تعبت انت عامل كدا ليه

هشام : عشان هيجيلي احلي بيبي من احلي بنت في العالم كله

ليندا : بتهزر

هشام : لا مش بهزر انتي حامل

ياااااااااااه علي فرحتي وقتها انا هجيب بيبي يكون شبه هشام في كل حاجة و يكون  
حته مني و منه روعي فيه و روجه فيه بجد ربنا كريم اوي و حنين اووووي  
و مع الخبر دخلت في دوامة الاسئلة اللي لازم تجيلي مع كل حاجة في حياتي ها ابني  
او بنتي دي هما اللي هيكون ليا للأبد هل هما اللي يستحقوا ؟!!!!!!

و بعد 9 شهور

الحمد لله ربنا رزقني بي بنوته زي القمر اسمها ريناد و وقتها بس عرفت ان برضو  
مش هي اللي هتكون حبيبتي إلي الابد في حاجة اكبر وقتها قررت اتكلم مع هشام

ليندا : هقولك علي حاجة يمكن ناس كثير تعرفها بس انت الوحيد اللي متعرفهاش

هشام : ايه دا غريبة دي مخبية عني ايه

ليندا : عارف طول عمري بدور ان يكون ليا حبيب إلي الابد في كل شخص قابلته كان  
لازم يكون دا تفكيري فيه و اقول خلااااص هو دي اللي هيكونلي حبيب إلي الابد و يوم  
كنت خلاص احببت من كتر ما بقول و مبيطلعش هو و قولت انا هخبي لحد لما اتأكد

هشام : و ايه طلعت انا حبيب إلي الابد و لا لا

ليندا : انت حبيبي و حياتي و عمري بس عشان فكرة الحبيب الابدني كانت راسخة  
جوايا من صغري و طول العمر بدور عليها كنت دايمًا حاسة انها حاجة كبيرة اوي

هشام : و عرفتي مين اللي يستاهل

ليندا : الحمد لله بعد 27 سنة من حياتي قدرت اعرف

و عرفت ان اللي يستحق لازم يكون بيحس بيا في اي وقت مينشغلش عني ابدا  
اللي يستحق هو اللي بيحس بيا من غير ما اكلم من غير ما انطق يكون عارف انا  
محتاجة ايه

اللي يستحق هو اللي لما الجأله ابقى متأكدة ان مشكلتي هنتحل و حياتي هتتصلح و  
هفرح بجد

اللي يستحق هو اللي يعرف بس ايه الخير ليا و يعملهولي من غير حتي ما اطلب  
اللي يستحق هو اللي عرفني بيك و خلاك تكون اجمل قدر في حياتي

و اللي رزقني بأحلي بنوثة منك و فيها من روحك و حنيتك  
اللي يستحق هو اللي يستاهل ثقتي فيه اللي مها مر عليا وجع و ألم بكون واثقة انه  
برضو خير

كنت فاكرة ان اللي يستحق يكون انسان شال همي و اتحمل مسئوليتي بس كنت غطانة  
اللي يستحق اني احبه حب مُطلق من غير خوف لا يوم يسبني و يبعد و لا اني احتاج  
ليه و ملقيهوش في يوم

اللي يستحق عظيم اوي و كريم اوي  
ربنا بس هو اللي يستحق كل دا و يستحق اني احبه حب مُطلق هو اللي حبه في القلب  
بيحبيني و بيخليني اعيش و اتنفس و حتي بعد لما اموت هو برضو اللي يستحق هو  
اللي هيرزقني بأجمل هدية في الاخرة و هي الفردوس الاعلي و انا و انت و كل اللي  
بنحبهم مع بعض

ربنا بس هو اللي يستحق يكون حبيب لينا كلنا إلي الابد

النهاررودة بس حليت اكبر لغز في حياتي و فهمت مين يستاهل اعيش عشانه و وقت لما  
اموت يكون كل اللي بتمناه انه يكون بس راضي عني  
كلنا بندور علي الحب و كلنا نفسنا نلاقي اللي بجد يحتوينا و يكون اقرب لينا من نفسنا  
انا عرفت مين يستحق قلبي و يستحق كل حاجة في حياتي دلوقتي دركوا انتو تعرفوا  
مين يستحق حياتكوا

استودعكم الله الذي لا تضيع ودائعه

\*\*\*\*\*

تمت بحمد الله و فضله

\*\*\*\*\*

صديقي العزيز .. اتمنى منك تقييم الروايه

<https://www.goodreads.com/book/show/19548544>

